

BOSNA I HERCEGOVINA
TUŽILAŠTVO BOSNE I HERCEGOVINE



INFORMACIJA O RADU ZA 2018. GODINU

SARAJEVO, 2019. GODINA



SADRŽAJ

UVOD	4
1. ZAKONSKI OSNOV ZA IZRADU INFORMACIJE O RADU	5
1.1. RUKOVOĐENJE	5
1.2. ORGANIZACIJA TUŽILAŠTVA BiH	6
1.3. ODJELI I UPRAVA TUŽILAŠTVA BiH	7
1.3.1. ORGANIZACIJA I KADROVSKA STRUKTURA ODJELA I	7
1.3.2. ORGANIZACIJA I KADROVSKA STRUKTURA ODJELA II	8
1.3.3. ORGANIZACIJA I KADROVSKA STRUKTURA ODJELA III	9
2. IZVJEŠTAJ O RADU	10
2.1. UKUPNI REZULTATI RADA NA PREDMETIMA U 2018. GODINI	11
2.2. REZULTATI RADA ODJELA I (POSEBNI ODJEL ZA RATNE ZLOČINE)	17
2.2.1. STRUKTURA KRIVIČNIH DJELA U ODJELU I	17
2.2.2. RAD NA KT-RZ PREDMETIMA	17
2.2.3. RAD NA OSTALIM VRSTAMA PREDMETA	20
2.2.4. PREDMETI EKSHUMACIJA (KTA-E-RZ)	21
2.2.5. DRŽAVNA STRATEGIJA ZA RAD NA PREDMETIMA RATNIH ZLOČINA	23
2.2.6. SARADNJA SA MEĐUNARODNIM MEHANIZMOM ZA KRIVIČNE SUDOVE (MMKS)	26
2.3. REZULTATI RADA ODJELA II (POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU)	27
2.3.1. STRUKTURA KRIVIČNIH DJELA U PREDMETIMA ODJELA II	27
2.3.2. RAD NA KT PREDMETIMA	27
2.3.3. RAD NA OSTALIM VRSTAMA PREDMETA	31
2.4. REZULTATI RADA ODJELA III	32
2.4.1. STRUKTURA KRIVIČNIH DJELA ODJELA III	32
2.4.2. RAD NA KT PREDMETIMA	33
2.4.3. PREDMETI PRUŽANJA MEĐUNARODNE PRAVNE POMOĆI	35
2.4.4. RAD NA OSTALIM VRSTAMA PREDMETA	36
2.5. RAD NA PREDMETIMA KORUPCIJE I ORGANIZOVANOG KRIMINALA	37
2.5.1. RAD NA PREDMETIMA KORUPCIJE	37
2.5.2. RAD NA PREDMETIMA ORGANIZOVANOG KRIMINALA	39
2.6. RAD NA PREDMETIMA TERORIZMA UZ OSVRT NA RAD UDARNE GRUPE ZA BORBU PROTIV TERORIZMA	41
2.7. RAD NA PREDMETIMA TRGOVINE LJUDIMA I ORGANIZOVANE ILEGALNE IMIGRACIJE UZ OSVRT NA UDARNU GRUPU ZA BORBU PROTIV TRGOVINE LJUDIMA I ORGANIZOVANE ILEGALNE IMIGRACIJE	43
3. OSTVARIVANJE FUNKCIJE TUŽILAŠTVA KROZ DRUGE AKTIVNOSTI	44
3.1. RAD UPRAVE TUŽILAŠTVA BiH	44
3.2. AKTIVNOSTI KABINETA GLAVNOG TUŽIOCA	44



3.3. SARADNJA TUŽILAŠTVA BIH SA INSTITUCIJAMA EU I AKTIVNOSTIMA.....	45
U PRIBLIŽAVANJU EVROPSKIM INTEGRACIJAMA	45
3.4. RAD ODJELA ZA ODNOS S JAVNOŠĆU TUŽILAŠTVA BIH	46
3.5. EDUKACIJA TUŽILACA I STRUČNOG OSOBLJA TUŽILAŠTVA BIH U 2018. GODINI	47
4. ZAKLJUČNA RAZMATRANJA, UZ OSVRT NA PROBLEME KOJI UTIČU NA REZULTATE RADA TUŽILACA U RADU NA PREDMETIMA.....	50
5. SMJERNICE ZA UNAPREĐENJE RADA U NAREDNOM PERIODU.....	54
6. FINANSIJSKI IZVJEŠTAJ ZA 2018. GODINU.....	55
7. STANJE KRIMINALITETA U BOSNI I HERCEGOVINI.....	57
7.1. STANJE KRIMINALITETA EVIDENTIRANO KROZ TUŽILAŠTVO BIH (POZNATI POČINIOCI KRIVIČNIH DJELA-KT).....	57
7.2. STANJE KRIMINALITETA EVIDENTIRANO KROZ TUŽILAŠTVA U FBIH (POZNATI POČINIOCI KRIVIČNIH DJELA-KT).....	59
7.3. STANJE KRIMINALITETA EVIDENTIRANO KROZ TUŽILAŠTVA RS (POZNATI POČINIOCI KRIVIČNIH DJELA-KT).....	61
7.4. STANJE KRIMINALITETA EVIDENTIRANO KROZ JAVNO TUŽILAŠTVO	63
BRČKO DISTRIKTA (POZNATI POČINIOCI KRIVIČNIH DJELA-KT)	63
7.5. PREDMETI ZA RAZNA KRIVIČNA DJELA (KTA PREDMETI)	64
7.6. PREDMETI ZA MALOLJETNE POČINIOCE KRIVIČNIH DJELA (KTM PREDMETI).....	66
7.7. PREDMETI PO NEPOZNATIM POČINIOCIMA KRIVIČNIH DJELA (KTN PREDMETI)	67
7.8. STANJE KRIMINALITETA EVIDENTIRANO KROZ SVA TUŽILAŠTVA U BIH.....	69
8. PRIJEDLOG MJERA I AKTIVNOSTI ZA POBOLJŠANJE RADA U SVIM TUŽILAŠTVIMA U BIH	72
ZAKLJUČAK	73
POPIS ŠEMA, TABELA I GRAFIKONA	74



UVOD

Tužilaštvo Bosne i Hercegovine (u daljem tekstu Tužilaštvo BiH) je osnovano Zakonom o Tužilaštvu Bosne i Hercegovine („*Službeni glasnik Bosne i Hercegovine*“, broj 24/02, 3/03, 37/03, 42/03, 9/04, 35/04, 61/04 i 97/09), kojim se regulišu osnovni principi poslovanja, nadležnost, kao i osnovi unutrašnje organizacije ove institucije. Tužilaštvo BiH je otpočelo sa radom 27.01.2003. godine. Tužilaštvom BiH rukovodi i isto predstavlja glavni tužilac. Osnovna funkcija Tužilaštva BiH je postupanje u krivičnim predmetima iz zakonom propisane nadležnosti, i to:

- *sprovođenje istraga za krivična djela za koja je nadležan Sud Bosne i Hercegovine, te za gonjenje počinitelaca pred Sudom Bosne i Hercegovine, u skladu sa Zakonom o krivičnom postupku Bosne i Hercegovine i drugim primjenjivim zakonima;*
- *primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih lica od strane sudova ili organa na području Bosne i Hercegovine i drugih država, odnosno međunarodnih sudova ili tribunala.*

Pored gore navedenog, Tužilaštvo BiH izrađuje statističke preglede svojih aktivnosti putem izvještaja o radu, te priprema informacije o stanju kriminaliteta u Bosni i Hercegovini i ukazuje na tendencije u njegovom kretanju, a na osnovu dostavljenih podataka od strane Federalnog tužilaštva Federacije BiH, Republičkog tužilaštva Republike Srpske i Javnog tužilaštva Brčko distrikta.

Poslovi Tužilaštva BiH se vrše u skladu sa Ustavom i zakonima Bosne i Hercegovine, a u skladu sa Zakonom o Tužilaštvu BiH obavljaju ih glavni tužilac Tužilaštva BiH, četiri zamjenika glavnog tužioca Tužilaštva BiH, te tužioci Tužilaštva BiH.

Tužilaštvo BiH je nezavisno u svome radu, kako u odnosu na sve sudionike u krivičnom postupku, tako i u odnosu na državne i druge organe javne vlasti i međunarodne organizacije. Svaka radnja bilo koje komponente Tužilaštva BiH, pri vršenju prava i dužnosti utvrđenih zakonom, predstavlja radnju Tužilaštva BiH.

Druga tužilaštva u BiH formirana su u skladu sa postojećom političko-administrativnom organizacijom Bosne i Hercegovine, tako da je:

- Federalno tužilaštvo FBiH "vrhovno" tužilaštvo za deset kantonalnih tužilaštava s područja FBiH;
- Republičko tužilaštvo RS je "vrhovno" tužilaštvo za pet okružnih tužilaštava na području Republike Srpske;
- Javno tužilaštvo Brčko distrikta BiH je nadležno za područje Brčko distrikta.



1. ZAKONSKI OSNOV ZA IZRADU INFORMACIJE O RADU

U skladu sa članom 13. Zakona o Tužilaštvu BiH („Sl. glasnik BiH“ br. 49/09 i 97/09), Tužilaštvo BiH na godišnjem nivou sačinjava statističke preglede svojih aktivnosti i izvještava javnost i Parlamentarnu skupštinu Bosne i Hercegovine o stanju kriminaliteta u državi, te na osnovu iskustava u radu predlaže zakonske reforme. Prema članu 10. istog Zakona, Tužilaštvo BiH ima pravo i dužnost da, u okviru ostvarivanja svojih funkcija, na vlastitu inicijativu ili na zahtjev, izvještava Predsjedništvo Bosne i Hercegovine, Parlamentarnu skupštinu Bosne i Hercegovine i Vijeće ministara Bosne i Hercegovine o svom radu i o primjeni zakona Bosne i Hercegovine. Osim navedenog, a na osnovu člana 11. stava 1. Zakona o Tužilaštvu BiH, Tužilaštvo BiH obavještava javnost o pojavama i problemima od opšteg značaja koje je zapanilo u svom radu, putem sredstava javnog informisanja ili na drugi način.

U skladu sa naprijed navedenim, Informacija o radu Tužilaštva BiH za 2018. godinu sadrži pregled aktivnosti svih odjela i uprave ove institucije iz svoje nadležnosti, s posebnim osvrtom na aktivnosti svakog odjela i uprave zasebno, te pregled podataka o stanju kriminaliteta u Federaciji BiH, Republici Srpskoj i Brčko distriktu.

U zaključnom dijelu date su smjernice za poboljšanje rada institucije, te zaključak koji sublimira sve aktivnosti obrađene ovim izvještajem.

1.1. RUKOVOĐENJE

Zakonom o Tužilaštvu BiH predviđeno je da glavni tužilac ima četiri zamjenika i sekretara. U odsustvu glavnog tužioca, ili eventualne spriječenosti, glavnog tužioca Tužilaštva BiH mijenja jedan od zamjenika glavnog tužioca. Administrativne poslove Tužilaštva BiH, kao i pomoć glavnom tužiocu na ovim poslovima, pruža sekretar Tužilaštva BiH.

U izvještajnom periodu Tužilaštvo BiH je vodila i predstavljala vršiteljica dužnosti glavnog tužioca Gordana Tadić, koja je imenovana Odlukom VSTV-a BiH, dana 28.09.2016. godine.

Kada su u pitanju zamjenici glavnog tužioca, u izvještajnom periodu tu dužnost je obavljala 1 zamjenica glavnog tužioca Ozrenka Nešković, koja je ujedno imenovana i na poziciju rukovodioca Posebnog odjela za organizirani kriminal, privredni kriminal i korupciju s obzirom da je zamjenik glavnog tužioca i rukovodilac Posebnog odjela za organizirani kriminal, privredni kriminal i korupciju suspendovan dana 01.03.2017. godine.

Pored toga, jedan tužilac je stupio na dužnost potpredsjednika Visokog sudskog i tužilačkog vijeća BiH, tako da je u izvještajnom periodu funkciju zamjenika glavnog tužioca obavljao samo jedan tužilac u odnosu na predviđena 4 zamjenika glavnog tužioca.

U izvještajnom periodu, dužnost sekretara vršila je Ismeta Huremović.



1.2. ORGANIZACIJA TUŽILAŠTVA BiH

Tužilaštvom BiH rukovodi i predstavlja glavni tužilac Tužilaštva BiH. Nadležnosti i ovlaštenja glavnog tužioca Tužilaštva BiH propisani su Zakonom o Tužilaštvu Bosne i Hercegovine i Pravilnikom o unutrašnjoj organizaciji Tužilaštva Bosne i Hercegovine. Zakonom o Tužilaštvu BiH predviđeno je da glavni tužilac ima četiri zamjenika.

Odlukom VSTV-a BiH, dana 28.09.2016. godine, zamjenica glavnog tužioca i rukovoditeljica Posebnog odjela za ratne zločine, Gordana Tadić, imenovana je za vršiteljicu dužnosti glavnog tužioca, koju dužnost je obavljala i u izvještajnom periodu.

U Tužilaštvu BiH u 2018. godini zaposleno je 58 tužilaca, računajući i dva suspendovana tužioca, jednog tužioca koji je angažovan od strane VSTV-a, jednog tužioca koji je preminuo i jednog tužioca koji je stekao uslove za penziju, tako da su tokom izvještajnog perioda radila 53 tužioca zajedno sa vršiteljicom dužnosti glavnog tužioca.

Tužioci Tužilaštva BiH su raspoređeni u tri tužilačka odjela: Posebni odjel za ratne zločine (Odjel I), Posebni odjel za organizirani kriminal, privredni kriminal i korupciju (Odjel II) i Odjel III.

U toku izvještajnog perioda u Tužilaštvu BiH bilo je ukupno 257 zaposlenih (tužioci, stručno i administrativno osoblje). Od ukupnog broja zaposlenih, 219 zaposlenika je u stalnom radnom odnosu, 35 zaposlenika zaposleno je putem IPA projekta na određeno vrijeme, dok su 3 zaposlenika koristila neplaćeno odsustvo.

Osnovi organizacije Tužilaštva BiH propisani su Zakonom o Tužilaštvu BiH, a unutrašnja organizacija je uređena Pravilnikom o unutrašnjoj organizaciji Tužilaštva BiH. Dana 21.05.2013. godine na snagu je stupio novi Pravilnik o unutrašnjoj organizaciji Tužilaštva BiH (*"Službeni glasnik BiH"*, broj 36/13), čime je raniji Pravilnik o unutrašnjoj organizaciji stavljen van snage (*"Službeni glasnik BiH"*, broj 31/10, 104/11, 83/12). Stupanjem na snagu novog pravilnika, značajno je izmijenjena unutrašnja organizacija Tužilaštva BiH. Na osnovu analize obima i strukture poslova, ukazala se potreba za dodatnom koncentracijom i specijalizacijom poslova unutar tužilačkih odjela i uprave. U tom smislu, unutar tužilačkih odjela i odjela uprave formirani su odsjeci. Dana 11.03.2014. godine na snagu su stupile izmjene i dopune Pravilnika o unutrašnjoj organizaciji Tužilaštva BiH, kojima je povećan broj sistematizovanih radnih mjesta unutar uprave Tužilaštva (*"Službeni glasnik BiH"*, br. 16/14). Službeni prečišćeni tekst Pravilnika o unutrašnjoj organizaciji Tužilaštva BiH objavljen je 15.04.2014. godine (*"Službeni glasnik BiH"*, br. 29/14). Pravilnikom o izmjenama i dopunama Pravilnika o unutrašnjoj organizaciji Tužilaštva BiH formiran je Odsjek za terorizam (*"Službeni glasnik BiH"*, br. 56/15).

U organizacionom smislu, u Tužilaštvu BiH postoje četiri osnovne organizacione jedinice i to: tri tužilačka odjela i uprava Tužilaštva BiH; organizacija je prikazana na Šemi broj 1.

ŠEMA BROJ 1. ORGANIZACIJA TUŽILAŠTVA BiH

TUŽILAŠTVO BOSNE I HERCEGOVINE GLAVNI TUŽILAC TUŽILAŠTVA BiH			
ODJEL I (Posebni odjel za ratne zločine)	ODJEL II (Posebni odjel za organizirani kriminal, privredni kriminal i korupciju)	ODJEL III	UPRAVA



Tužilaštvo BiH svoju funkciju ostvaruje i kroz Ured glavnog tužioca, Kolegij glavnog tužioca, Kolegij tužilaca, Kolegij tužilačkih odjela kao i Kolegij uprave, koji postupaju u slučajevima kada to propisuje Zakon o krivičnom postupku Bosne i Hercegovine ili Pravilnik o unutrašnjoj organizaciji Tužilaštva BiH.

1.3. ODJELI I UPRAVA TUŽILAŠTVA BiH

Rad Tužilaštva BiH, a kako je to definisano Zakonom o Tužilaštvu BiH i Pravilnikom o unutrašnjoj organizaciji Tužilaštva BiH, organizovan je kroz odjele i to: Odjel I (*Posebni odjel za ratne zločine*), Odjel II (*Posebni odjel za organizirani kriminal, privredni kriminal i korupciju*) i Odjel III. Rad u tužilačkim odjelima organizuju i nadgledaju rukovodioci odjela, koji za svoj rad neposredno odgovaraju glavnom tužiocu. U pravilu, rukovodioci odjela imenuju se iz reda zamjenika glavnog tužioca. Odlukom Visokog sudskog i tužilačkog vijeća sistematizovane su 63 tužilačke pozicije. Međutim, u 2018. godini u Tužilaštvu BiH je zaposleno 58 tužilaca, računajući i dva suspendovana tužioca, jednog tužioca koji je angažovan od strane VSTV-a, jednog tužioca koji je preminuo i jednog tužioca koji je stekao uslove za penziju, tako da su tokom izvještajnog perioda radila 53 tužioca zajedno sa vršiteljicom dužnosti glavnog tužioca. Upravom Tužilaštva BiH rukovodi glavni tužilac. Sekretar Tužilaštva BiH, pod nadzorom glavnog tužioca, rukovodi, nadgleda i koordinira radom odjela uprave Tužilaštva BiH. Poslovi iz nadležnosti uprave Tužilaštva BiH, koji se mogu svrstati u stručne, administrativne i tehničke poslove, obavljaju se u okviru sljedećih organizacionih jedinica: Kabinet glavnog tužioca, Ured sekretara, Odjel za pravne, druge stručne, administrativno-tehničke i opšte poslove, Odjel za materijalno-finansijske poslove, Odjel za odnose s javnošću i Odjel za IKT i obradu elektronskog dokaznog materijala. Poslovi koji se mogu svrstati u poslove posebne podrške koja se pruža radu pojedinih tužilačkih odjela realizuju se kroz Ured registrara, te Odjel za istrage i podršku svjedocima.

1.3.1. ORGANIZACIJA I KADROVSKA STRUKTURA ODJELA I

U Odjelu I izmjenom Pravilnika o unutrašnjoj organizaciji Tužilaštva BiH iz 2013. godine formirana su tri odsjeka koja se temelje na već postojećoj podjeli poslova prema regionalnom principu. Zamjenik glavnog tužioca je rukovodilac odjela i ujedno rukovodilac jednog odsjeka, dok su za rukovodioce ostala dva odsjeka imenovana dva tužioca iz Odjela. Na osnovu izmjena Pravilnika formirana su tri odsjeka u Odjelu I koja svojim radom pokrivaju teritorijalno Bosnu i Hercegovinu, a kako je to prikazano na Šemi br. 2.

ŠEMA BROJ 2. ORGANIZACIJA POSEBNOG ODJELA ZA RATNE ZLOČINE

ODJEL I - POSEBNI ODJEL ZA RATNE ZLOČINE		
RUKOVODILAC ODJELA I ZAMJENIK GLAVNOG TUŽIOCA		
ODSJEK I	ODSJEK II	ODSJEK III
(Područje Sarajeva, dio Istočne Bosne, Foča, Hercegovina i dolina Neretve)	(Područje Sjeverozapadne Bosne, dio Posavine i Srednja Bosna)	(Područje Istočne Bosne, dio Posavine i Srebrenica)



U drugoj polovini 2016. godine, na poziciju rukovodioca Odjela I imenovan je zamjenik rukovodioca Odjela, jer je dotadašnji rukovodilac Odjela I, Odlukom Visokog sudskog i tužilačkog vijeća BiH, imenovan za vršioca dužnosti glavnog tužioca Tužilaštva BiH, koju dužnost je obavljao i tokom izvještajnog perioda.

U pogledu broja tužilaca, potrebno je naglasiti da je sa danom 31.12.2018. godine u Odjel I raspoređeno 26 tužilaca, a da je u odnosu na prethodni period, do smanjenja broja tužilaca sa 28 na 26 došlo iz razloga odlaska u penziju jednog tužioca i smrti jednog tužioca u 2018. godini. Dakle, u Odjelu I bilo je raspoređeno 26 tužilaca, ali od tog broja je jedan tužilac ujedno i zamjenik rukovoditeljice Posebnog odjela za ratne zločine i rukovodilac Odsjeka III i jedan tužilac je rukovodilac Odsjeka II.

U toku izvještajnog perioda u Odjelu I ukupno su raspoređena: 33 stručna saradnika-pravnika, 21 stručni saradnik - istražilac, 9 stručnih saradnika - koordinatora predmeta, 3 viša stručna saradnika - analitičara, 2 viša stručna saradnika analitičara na bazi podataka otvorenih predmeta ratnih zločina, 1 viši stručni saradnik za podršku svjedocima, 1 referent specijalist za podršku svjedocima i 12 daktilografa, dok je do 07.09.2018. godine bilo 7 volontera. Međutim, broj saradnika se u izvještajnom periodu mijenjao, pa su 3 stručna saradnika - pravnik bila odsutna zbog porodijskog bolovanja, kao i referent specijalist za podršku svjedocima, dok je 1 stručni savjetnik – analitičar koristio neplaćeno odsustvo. Od ukupno navedenog broja stručnih saradnika – pravnik, stručnih saradnika – istražilaca, stručnih saradnika – koordinatora predmeta, analitičara, 6 pravnik, 10 istražilaca, 4 koordinatora predmeta, 2 analitičara angažovani su po osnovu IPA projekta za procesuiranje predmeta ratnih zločina, kao i 2 daktilografa.

U određenim predmetima, gdje se radilo o izuzetno kompleksnim istragama, tužiocima je po potrebi dodjeljivano više stručnih saradnika - pravnik, što je u značajnoj mjeri doprinosilo efikasnijem radu na najsloženijim predmetima ratnih zločina.

1.3.2. ORGANIZACIJA I KADROVSKA STRUKTURA ODJELA II

U Odjelu II izmjenom Pravilnika o unutrašnjoj organizaciji Tužilaštva BiH iz 2013. godine formirana su tri odsjeka prema vrsti krivičnih djela iz okvira nadležnosti ovog Odjela, i to: Odsjek za organizirani kriminal, Odsjek za privredni kriminal i Odsjek za korupciju, a naknadno je 2015. godine formiran i Odsjek za terorizam. Na Šemi broj 3. je prikazana organizacija Odjela II.

ŠEMA BROJ 3. ORGANIZACIJA POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU

ODJEL II - POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU			
RUKOVODILAC ODJELA I ZAMJENIK GLAVNOG TUŽIOCA			
ODSJEK ZA ORGANIZIRANI KRIMINAL I TRGOVINU LJUDIMA	ODSJEK ZA PRIVREDNI KRIMINAL	ODSJEK ZA KORUPCIJU	ODSJEK ZA TERORIZAM



Zamjenik glavnog tužioca i rukovodilac Odjela II je suspendovan dana 01.03.2017. godine. S obzirom na to, vršiteljica dužnosti glavnog tužioca je rješenjem od 10.03.2017. godine zamjenika glavnog tužioca, Ozrenku Nešković, imenovala za rukovodioca Odjela II, dok su za rukovodioce preostala tri odsjeka imenovana tri tužioca iz Odjela II.

U toku izvještajnog perioda u radu Odjela II raspoređena su 22 tužioca, s tim što je, kao što smo već naveli, zamjenik glavnog tužioca i rukovodilac ovog odjela suspendovan 01.03.2017. godine, tako da je u izvještajnom periodu u Odjelu II radio 21 tužilac.

Tokom 2018. godine u radu Odjela II raspoređena su 2 stručna saradnika-savjetnika-pravnika, od kojih je jedan stručni savjetnik prestao sa radom u junu 2018. godine, 20 stručnih saradnika-pravnika (kao i 4 stručna saradnika-pravnika po IPA-i), 2 stručna saradnika-savjetnika-istražioca, 3 koordinatora predmeta i 5 daktilografa. Međutim, broj saradnika se u izvještajnom periodu mijenjao, pa su 2 str. saradnika-pravnika bila odsutna većinu izvještajnog perioda zbog porodiljskog bolovanja.

1.3.3. ORGANIZACIJA I KADROVSKA STRUKTURA ODJELA III

Odjel III Tužilaštva BiH je i u 2018. godini zadržao dosadašnju strukturu i formu u radu. Tužioci samostalno funkcionišu uz pomoć stručnih saradnika-pravnika, s tim da se održavaju kolegiji tužilaca na kojima tužioci međusobno ostvaruju saradnju razmjenom mišljenja i iskustava u radu, te zajednički prevazilaze probleme sa kojima su suočeni u radu po zaduženim predmetima.

Rad u Odjelu III organizovan je u skladu sa Pravilnikom o unutrašnjoj organizaciji Tužilaštva BiH („Službeni glasnik BiH“, broj 36/13, 16/14, 29/14 i 56/15), prema kojem su u okviru Odjela III formirana dva odsjeka i to: Odsjek za međunarodnu pravnu pomoć i Odsjek za ostala krivična djela iz nadležnosti Odjela III, što je prikazano na Šemi broj 4. Zbog malog broja tužilaca u Odjelu III i opravdanih izostanaka, predmete iz nadležnosti navedenih odsjeka rade svi tužioci Odjela III.

ŠEMA BROJ 4. ORGANIZACIJA ODJELA III

ODJEL III	
RUKOVODILAC ODJELA I ZAMJENIK GLAVNOG TUŽIOCA	
ODSJEK ZA MEĐUNARODNU PRAVNU POMOĆ	ODSJEK ZA OSTALA KRIVIČNA DJELA IZ NADLEŽNOSTI ODJELA III

U toku izvještajnog perioda, u radu Odjela III raspoređeno je 6 tužilaca, od kojih je 5 tužilaca radilo u Odjelu, dok je jedan tužilac profesionalno angažovan u svojstvu potpredsjednika VSTV-a BiH. U odnosu na ionako mali broj tužilaca u Odjelu III, određeni tužioci su bili opravdano odsutni tokom izvještajnog perioda, tako da su se aktivnosti odjela odvijale u krugu malog broja tužilaca koji su ulagali maksimalne napore u cilju ostvarenja dobrih rezultata rada odjela.

Tokom 2018. godine, u radu Odjela III učestvovalo je ukupno 5 stručnih saradnika-pravnika, te jedan stručni savjetnik-ekonomista, koji je istovremeno pružao pomoć i tužiocima iz Odjela II, kao i 4 daktilografa, koja su istovremena pružala pomoć u radu tužiocima drugih odjela Tužilaštva BiH.



2. IZVJEŠTAJ O RADU

Rad Tužilaštva BiH, a kako je to definisano Zakonom o Tužilaštvu BiH i Pravilnikom o unutrašnjoj organizaciji Tužilaštva BiH, organizovan je kroz odjele i to: Odjel I (*Posebni odjel za ratne zločine*), Odjel II (*Posebni odjel za organizirani kriminal, privredni kriminal i korupciju*) i Odjel III. Informaciju o radu navedenih odjela u izvještajnom periodu dat ćemo u nastavku za svaki odjel pojedinačno, sa osvrtom na oznake upisnika u kojima se evidentiraju krivični predmeti, a koji se obrađuju u gore navedenim odjelima. Oznake upisnika imaju za cilj evidentiranje i praćenje predmeta u radu. Oznake i opis krivičnih upisnika koji se vode u Tužilaštvu BiH, a kojima se označavaju krivični predmeti su:

- **KT** - Registar poznatih počilaca krivičnih djela (pravna i fizička lica);
- **KT-RZ** - Registar poznatih počilaca krivičnog djela ratnog zločina;
- **KTPO** - Registar poznatih počilaca krivičnog djela privrednog kriminala;
- **KTK** - Registar poznatih počilaca krivičnog djela korupcije;
- **KTT** - Registar poznatih počilaca krivičnog djela terorizma;
- **KTO** - Registar poznatih počilaca krivičnog djela organizovanog kriminala;
- **KTN** - Registar krivičnih predmeta nepoznatih počilaca;
- **KTN-RZ** - Registar nepoznatih počilaca krivičnog djela ratnog zločina;
- **KTNT; KTNK; KTNPO; KTNO** - Registar krivičnih predmeta nepoznatih počilaca (krivična djela terorizma, korupcije, privrede i organizovanog kriminala);
- **KTM** - Registar krivičnih predmeta maloljetnih počilaca;
- **KTPOM** - Registar predmeta međunarodne pravne pomoći;
- **KTZ** - Registar predmeta međunarodne pravne pomoći u krivičnim stvarima;
- **KTEKS** - Registar predmeta ekstradicije;
- **KTA** - Registar raznih krivičnih predmeta;
- **KTA-RZ** - Registar raznih krivičnih predmeta ratnog zločina;
- **KTAT, KTAK, KTAPO, KTAO** - Registar raznih krivičnih predmeta (krivična djela terorizma, korupcije, privrede i organizovanog kriminala);
- **KTŽ; KTTŽ; KTKŽ; KTPO; KTOŽ** - Žalba na presudu (krivična djela terorizma, korupcije, privrede i organizovanog kriminala);
- **KTP** - Pritužbe na odluke;
- **KTF** – Registar krivičnih predmeta za finansijske istrage;
- **A; A-RZ; A-P; A-US; A-I; A-R; P; R** - Upisnici za razne predmete opštih poslova.

Važno je istaći da se pored manuelne evidencije vodi elektronska evidencija po navedenim krivičnim upisnicima. Početkom 2011. godine, od strane VSTV-a je implementiran Sistem upravljanja predmetima u tužilaštvima (TCMS) koji ima za svrhu potpunu automatizaciju procesa rada u sudovima i tužilaštvima, čime se omogućava veća efikasnost i transparentnost u radu osoblja, te praćenje statističkih podataka i izvještavanje, kako na nivou pojedinačnih pravosudnih institucija, tako i na nivou kantona, entiteta i cijele države. Rad u TCMS sistemu je uređen Pravilnikom o sistemu za automatsko upravljanje predmetima u tužilaštvima, koji donosi Visoko sudsko i tužilačko vijeće Bosne i Hercegovine („Službeni glasnik BiH” br. 04/16).



2.1. UKUPNI REZULTATI RADA NA PREDMETIMA U 2018. GODINI

Rezultati rada za izvještajni period obuhvataju aktivnosti tužilačkih odjela koje će biti prezentirane kroz ostvarenu normu i kvalitet rada, te pregled prijava, pregled istraga i pregled podignutih optužnica, uz sumiranje podataka koji se upoređuju sa prethodnom 2017. godinom.

Visoko sudsko i tužilačko vijeće Bosne i Hercegovine je donijelo Pravilnik o orijentacionim mjerilima za rad tužilaca u tužilaštvima u Bosni i Hercegovini, kojim su propisana orijentaciona mjerila za praćenje i mjerenje rada i radnih rezultata svih tužilaca u tužilaštvima Bosne i Hercegovine, tj. u pravosuđu Bosne i Hercegovine.


Ostvarena orijentaciona norma, prema članu 5. Pravilnika o postupku ocjenjivanja rada glavnih tužilaca, zamjenika glavnih tužilaca, šefova odjela/odsjeka i tužilaca, za izvještajni period iznosi **132,83%**, dok kvalitet tužilačkih odluka, kada su u pitanju optužnice u izvještajnom periodu iznosi **92,57%**, a kvalitet tužilačkih odluka, kada su u pitanju naredbe o nesprovođenju i obustavljanju istraga iznosi **99,56%**.

Prosječna ostvarena norma tužilaca u Odjelu I iznosi 116,21%, u Odjelu II 144,67% i u Odjelu III 194,25%.

U posmatranom izvještajnom periodu, Odjel I je ostvario prosječnu normu 116,21%. U Odsjeku I ostvarena norma iznosi 116,86%, u Odsjeku II ostvarena norma iznosi 114,55% i u Odsjeku III ostvarena norma iznosi 117,23%. U posmatranom izvještajnom periodu, Odjel II je ostvario prosječnu normu 144,67%. U Odsjeku za organizirani kriminal i trgovinu ljudima ostvarena je norma od 128,09%, u Odsjeku za privredni kriminal ostvarena je norma od 130,67%, u Odsjeku za korupciju ostvarena je norma 141,03% i u Odsjeku za terorizam ostvarena je norma od 178,90%. U posmatranom izvještajnom periodu, Odjel III je ostvario prosječnu normu 194,25%.

Podaci o ostvarenju norme odjela u 2018. godini prikazani su na Grafikonu u nastavku.

PREGLED OSTVARENE NORME TUŽILAŠTVA BIH PO ODJELIMA U 2018. GODINI





Ukupni rezultati rada Tužilaštva BiH na prijavama u toku 2018. godine, prikazani prema broju predmeta i lica su sljedeći:

- Neriješene prijave iz ranijih godina na početku izvještajnog perioda: 886 predmeta u odnosu na 5694 lica;
- Zaprimljene prijave u toku izvještajnog perioda: 672 predmeta u odnosu na 2112 lica;
- Ukupno prijava u radu u toku izvještajnog perioda: 1558 predmeta u odnosu na 7800 lica;
- Riješene prijave u toku izvještajnog perioda: 681 predmet u odnosu na 2313 lica;
- Neriješene prijave na kraju izvještajnog perioda: 857 predmeta u odnosu na 5493 lica.

Podaci o rješavanju prijava u izvještajnom periodu prikazani su po predmetima i licima detaljnije u tabeli u nastavku.

PODACI O PRIJAVAMA ISKAZANI PO PREDMETIMA I LICIMA ZA IZVJEŠTAJNI PERIOD 01.01. - 31.12.2018.

Vrsta predmeta "Kt"	Neriješeno prijava iz ranijih godina		Primljeno prijava u toku izvještajnog perioda		Ukupno u radu prijava u toku izvještajnog perioda		Riješeno prijava u toku izvještajnog perioda		Neriješeno prijava na kraju izvještajnog perioda	
	P	L	P	L	P	L	P	L	P	L
KOLONA =										
OPŠTI KRIMINAL	99	213	209	302	308	515	130	188	178	327
PRIVREDNI KRIMINAL	252	569	214	369	466	932	221	336	245	602
KORUPCIJA	111	302	62	188	173	490	74	202	99	288
ORGANIZOVANII KRIM.	69	1022	66	600	135	1622	66	689	49	933
TERORIZAM	40	59	11	26	51	85	24	29	27	56
FINANSIJSKE ISTRAGE	0	0	1	11	1	11	1	11	0	0
RATNI ZLOČIN	315	3529	109	616	424	4145	165	858	259	3287
UKUPNO	886	5694	672	2112	1558	7800	681	2313	857	5493

U odnosu na 2017. godinu, priliv prijava u 2018. godini je smanjen za 92 u odnosu na predmete i 111 u odnosu na lica. Broj prijava u radu je povećan za 22 u odnosu na predmete i smanjen za 50 u odnosu na lica, dok je broj riješenih prijava povećan za 31 u odnosu na predmete i 158 u odnosu na lica. Nadalje, broj neriješenih prijava na kraju izvještajnog perioda je smanjen za 29 predmeta i 202 lica u odnosu na 2017. godinu.

Evidentno je da je rješavanje prijava u odnosu na 2017. godinu povećano i u odnosu na predmete i lica, dok je priliv prijava smanjen u odnosu na 2017. godinu.

Ukupni rezultati rada Tužilaštva BiH na istragama u toku 2018. godine, prikazani prema broju predmeta i lica su sljedeći:

- Neriješene istrage iz ranijih godina na početku izvještajnog perioda: 416 predmeta u odnosu na 2136 lica;
- Naređene istrage u toku izvještajnog perioda: 365 predmeta u odnosu na 906 lica;
- Istrage u radu u toku izvještajnog perioda: 781 predmet u odnosu na 3042 lica;
- Riješene istrage u toku izvještajnog perioda: 346 predmeta u odnosu na 848 lica;
- Neriješene istrage na kraju izvještajnog perioda: 435 predmeta u odnosu na 2194 lica.

Podaci o rješavanju istraga u izvještajnom periodu prikazani su po predmetima i licima detaljnije u tabeli u nastavku.



PODACI O ISTRAGAMA ISKAZANI PO PREDMETIMA I LICIMA ZA IZVJEŠTAJNI PERIOD 01.01. - 31.12.2018.

Vrsta predmeta "Kt"	Neriješene istrage iz ranijih godina		Naređeno istraga u toku izvještajnog perioda		Ukupno u radu istraga u toku izvještajnog perioda		Ukupno riješeno istraga u toku izvještajnog perioda		Broj neriješenih istraga na kraju izvještajnog perioda	
	P	L	P	L	P	L	P	L	P	L
KOLONA =										
OPŠTI KRIMINAL	24	40	75	100	99	140	59	74	40	66
PRIVREDNI KRIMINAL	71	262	141	196	212	458	142	218	70	240
KORUPCIJA	14	59	18	39	32	98	14	37	18	61
ORGANIZOVANI KRIM.	46	587	35	256	81	843	33	250	48	593
TERORIZAM	20	22	16	18	36	40	8	9	28	31
FINANSIJSKE ISTRAGE	0	0	1	11	1	11	0	0	1	11
RATNI ZLOČIN	241	1166	79	286	320	1452	90	260	230	1192
UKUPNO	416	2136	365	906	781	3042	346	848	435	2194

Rješavanje istraga u izvještajnom periodu u fazi prijave rezultiralo je naredbom o sprovođenju istrage u 365 predmeta protiv 906 lica, u 238 predmeta protiv 927 lica su donesene naredbe o nesprovođenju istrage, dok je na drugi način riješeno 78 predmeta protiv 462 lica. Rješavanje istraga u izvještajnom periodu u fazi istrage rezultiralo je naredbom o obustavi istrage u 124 predmeta protiv 341 lica, u 191 predmetu protiv 355 lica podizanjem optužnice, a 30 istraga protiv 172 lica je riješeno na drugi način. Na kraju izvještajnog perioda u fazi prijave tužiocu su riješili 316 predmeta u odnosu na 1389 lica, dok su u fazi istrage riješili 345 predmeta u odnosu na 848 lica, pa je na kraju izvještajnog perioda ukupno riješen 661 predmet u odnosu na 2237 lica.

Podaci o rješavanju predmeta u fazi prijave i fazi istrage u izvještajnom periodu prikazani su po predmetima i licima detaljnije u tabeli u nastavku.

VRSTE PROCESNIH ODLUKA U KT PREDMETIMA ZA IZVJEŠTAJNI PERIOD 01.01.- 31.12.2018.

Vrsta predmeta "Kt"	Broj naredbi o nesprovođenju istrage		Broj naredbi o sprovođenju istrage		Riješeno na drugi način		Broj naredbi o obustavi istrage		Broj podignutih optužnica		Riješeno na drugi način	
	P	L	P	L	P	L	P	L	P	L	P	L
KOLONA =												
OPŠTI KRIMINAL	48	78	75	100	7	10	12	15	47	57	0	2
PRIVREDNI KRIMINAL	75	121	141	196	5	19	51	93	90	112	0	13
KORUPCIJA	34	109	18	39	22	54	7	21	7	12	0	4
ORGANIZOVANI KRIM.	25	371	35	256	6	44	15	123	18	89	0	38
TERORIZAM	8	10	16	18	0	1	6	6	2	3	0	0
FINANSIJSKE ISTRAGE	0	0	1	11	0	0	0	0	0	0	0	0
RATNI ZLOČIN	48	238	79	286	38	334	33	83	27	62	30	115
UKUPNO	238	927	365	906	78	462	124	341	191	335	30	172

U odnosu na 2017. godinu, u Tužilaštvu BiH je povećan broj istraga otvorenih naredbom o sprovođenju istrage za 38 predmeta u odnosu na 54 lica, a broj riješenih istraga je manji za 14 predmeta u odnosu na 333 lica, što je rezultat rješavanja predmeta tužilaca u fazi prijave, a takođe i smanjenog priliva prijava u izvještajnom periodu.

Ukupni rezultati rada Tužilaštva BiH na optužnicama u toku 2018. godine, prikazani prema broju predmeta i lica su sljedeći:

- Podignute optužnice u toku izvještajnog perioda: 191 predmet u odnosu na 335 lica;
- Potvrđene optužnice u toku izvještajnog perioda: 197 predmeta u odnosu na 374 lica;



- Optužnice čije je potvrđivanje odbijeno u toku izvještajnog perioda: 5 predmeta u odnosu na 7 lica;
- Optužnice za koje do kraja izvještajnog perioda nije donesena odluka o potvrđivanju: 25 predmeta u odnosu na 65 lica.

Podaci o podignutim optužnicama u izvještajnom periodu prikazani su detaljnije po predmetima i licima u tabeli u nastavku.


PODACI O PODIGNUTIM OPTUŽNICAMA ZA IZVJEŠTAJNI PERIOD 01.01. - 31.12.2018.

Vrsta predmeta "Kt"	Broj optužnica podignutih prije izvještajnog perioda, a u kojima do 1.1.2018. nije bila donesena odluka o potvrđivanju ili odbijanju potvrđivanja		Ukupan broj podignutih optužnica u toku izvještajnog perioda 2018.		Ukupan broj potvrđenih optužnica u toku izvještajnog perioda		Broj optužnica čije je potvrđivanje odbijeno		Optužnice riješene na drugi način		Broj optužnica podignutih u toku izvještajnog perioda, a u kojima sa 31.12.2018. nije donesena odluka o potvrđivanju ili odbijanju potvrđivanja	
	P	L	P	L	P	L	P	L	P	L	P	L
KOLONA =												
OPŠTI KRIMINAL	3	4	47	57	44	54	3	3	0	0	3	4
PRIVREDNI KRIMINAL	18	31	90	112	98	129	2	3	0	0	8	11
KORUPCIJA	0	0	7	12	5	5	0	0	0	0	2	7
ORGANIZOVANI KRIM.	3	23	18	89	15	88	0	0	0	0	6	24
TERORIZAM	0	0	2	3	2	3	0	0	0	0	0	0
FINANSIJSKE ISTRAGE	0	0	0	0	0	0	0	0	0	0	0	0
RATNI ZLOČIN	16	59	27	62	33	95	0	1	4	6	6	19
UKUPNO	40	117	191	335	197	374	5	7	4	6	25	65

Rezultati rada, po broju riješenih predmeta u fazi prijave i istrage, a poređenjem sa podacima iz prethodne dvije godine, nesumnjivo pokazuju da se radi o veoma dobrim rezultatima rada tužilaca.

Podaci o optužnicama prikazani su i u Grafikonu u nastavku, poređenje 2016/2017/2018. godina.

PREGLED PODIGNutih OPTUŽNICA, POREĐENJE 2016/2017/2018. GODINA



Kako je najveći broj zaprimljenih prijava vezan za privredni kriminal, samim tim je i najveći broj podignutih optužnica u predmetima privrednog kriminala 90 optužnica protiv 112 lica, zatim u predmetima opšteg kriminala 47 optužnica protiv 57 lica, slijede ih i predmeti ratnih zločina sa 27 optužnica protiv 62 lica, a takođe i u predmetima organizovanog kriminala je podignuto 18 optužnica protiv 89 lica, u predmetima korupcije 7 optužnica protiv 12 lica, dok su u predmetima koji se odnose na krivično djelo terorizma podignute 2 optužnice protiv 3 lica. Ističemo da su koruptivne radnje



sadržane i u većini predmeta privrednog i organizovanog kriminala, a takođe se mogu naći i kod krivičnih djela terorizma.

U izvještajnom periodu, u predmetima Tužilaštva BiH, ukupno je doneseno 166 presuda protiv 297 lica, od kojih je osuđujućih presuda bilo 150 protiv 240 lica.

U okviru ovog broja, na osnovu rada tužilaca Tužilaštva BiH, po prvostepenim presudama, Sud BiH je u Odjelu I izrekao kazni zatvora u ukupnom iznosu od 289 godina i 8 mjeseci, u Odjelu II izrečeno je kazni zatvora u ukupnom trajanju od 95 godina, te je oduzeta protivpravno stečena imovinska korist u ukupnom iznosu od: 4.042.383,62 KM, kao i veliki broj nekretnina, vozila i ostalih pokretnih stvari. U Odjelu III, po prvostepenim presudama, Sud BiH je izrekao kazne zatvora u ukupnom trajanju od 4 godine i 10 mjeseci i novčane kazne kao glavne ili sporedne u ukupnom iznosu od: 56.000,00 KM.

Podaci o vrstama procesnih odluka u izvještajnom periodu prikazani su detaljnije po predmetima i licima u tabeli u nastavku.

PODACI O VRSTAMA SUDSKIH ODLUKA ISKAZANI PO PREDMETIMA/LICIMA U 2018. GODINI

Vrsta predmeta "Kt"	Broj predmeta u kojima je donesena odluka u toku izvještajnog perioda:															Ukupan broj donesenih sudskih odluka		
	Rješenja o obustavi postupka		Odbijajuće presude		Oslobađajuće presude		Osuđujuće presude / izrečene kazne								Ukupno osuđujućih presuda			
	P	L	P	L	P	L	zatvorska		novčana		uslovna		pres. pravna lica		Ukupno osuđujućih presuda		XI =I+II+III+X	
KOLONA =	P	L	P	L	P	L	P	L	P	L	P	L	P	L	P	L	P	L
OPŠTI KRIMINAL	0	0	0	0	2	7	14	18	2	2	20	26	0	0	36	46	38	53
PRIVREDNI KRIMINAL	0	1	1	1	4	5	10	11	2	9	69	82	0	2	81	104	84	111
KORUPCIJA	0	0	1	1	0	0	3	3	0	0	2	3	0	0	5	6	6	7
ORGANIZOVANI KRIMINAL	0	2	0	2	1	11	6	27	0	9	4	11	0	1	10	48	11	63
TERORIZAM	0	0	0	0	1	1	0	0	0	0	0	0	0	0	0	0	1	1
RATNI ZLOČINI	2	5	0	0	6	21	18	36	0	0	0	0	0	0	18	36	26	62
UKUPNO	2	8	2	4	14	45	51	95	4	20	95	122	0	3	150	240	166	297

Kada su u pitanju predmeti sa oznakama „KTA“ u izvještajnom periodu tužioci su radili po raznim izvještajima i informacijama (KTA, KTAK, KTAP, KTAPO, KTA-RZ i KTAT) te je ove vrste predmeta ukupno u radu bilo 3074, s tim da je 770 predmeta zaprimljeno u izvještajnoj godini. Na kraju izvještajnog perioda riješeno je 689 „KTA“ predmeta, dok je u radu ostalo 2385 predmeta ove oznake.

Kada su u pitanju predmeti sa oznakama „KTN“, u izvještajnom periodu tužioci su radili po raznim izvještajima i informacijama (KTN, KTNK, KTNAP, KTNPO, KTN-RZ i KTNT) te je ove vrste predmeta ukupno u radu bilo 1252, s tim da je 312 predmeta zaprimljeno u izvještajnoj godini. Riješeno je 385 predmeta, dok je u radu ostalo 867 predmeta.

Važno je napomenuti da se najveći broj predmeta sa KTA i KTN oznakom odnosi na predmete ratnih zločina čije rješavanje u najvećem broju slučajeva zavisi od svjedoka u smislu otkrivanja potrebnih činjenica za rješavanje ove vrste predmeta, a takođe u predmetima KTA-RZ veliki je broj predmeta koji se odnosi na ekshumacije, a čije rješavanje traje više godina iz razloga otežanog utvrđivanja identiteta ekshumiranih lica.

Podaci o radu na predmetima ove vrste u izvještajnom periodu, dati su u tabeli u nastavku.



PODACI O KTA, KTARZ, KTN I KTRNZ PREDMETIMA ZA IZVJEŠTAJNI PERIOD 01.01. - 31.12.2018.

Vrsta predmeta	Neriješeno iz ranijih godina	Primljeno u toku godine	Ukupno u radu	Riješeno u toku godine				Ukupno riješeno na kraju godine	Neriješeno na kraju godine
				naredbom o nesprovođenju istrage		prenošenjem u KT upisnik	na drugi način		
				zbog zastarjelosti	druge vrste naredbe o nesprovođenju istrage				
KOLONA =	I	II	III III = I+II	IV	V	VI	VII	VIII VIII = IV+...+VII	IX IX=III-VIII
KTA	597	553	1150	0	175	92	149	416	734
KTA-RZ	1707	217	1924	0	134	17	122	273	1651
Ukupno KTA	2304	770	3074	0	309	109	271	689	2385
KTN	339	274	613	0	218	24	31	273	340
KTN-RZ	601	38	639	0	2	8	102	112	527
Ukupno KTN	940	312	1252	0	220	32	133	385	867
Ukupno (KTA I KTN)	3244	1082	4326	0	529	141	404	1074	3252

Kada su u pitanju predmeti u kojima su počinioci maloljetna lica (KTM), Tužilaštvo BiH ima znatno manji broj ove vrste predmeta u odnosu na druga tužilaštva u BiH. U izvještajnom periodu imalo je u radu 8 predmeta ove vrste. U 2018. godini riješena su 2 predmeta, dok je na kraju izvještajnog perioda ostalo neriješeno 6 predmeta.

Dakle, imajući u vidu odredbe Kriterija za ocjenjivanje rada tužilaca u BiH koje se odnose na kvalitet rada, možemo konstatovati da je u 2018. godini odnos podignutih optužnica i nepotvrđenih optužnica, odnosno odnos osuđujućih prema oslobađajućim i odbijajućim presudama bio na zavidnom nivou. Ukupan broj osuđujućih presuda je 150, dok je ukupno oslobađajućih presuda bilo 14, te 2 odbijajuće presude.

Na osnovu navedenog, vidljivo je da tužioci Tužilaštva BiH rade efikasno i kvalitetno na predmetima, poštujući sve zakonske i profesionalne standarde, tako da je kvalitet rada u Tužilaštvu BiH u izvještajnom periodu bio na izuzetno visokom nivou.

Dalja analiza rezultata rada, s obzirom na specifičnu nadležnost Tužilaštva BiH, odnosno različitu prirodu predmeta koji se procesuiraju u različitim odjelima ovog Tužilaštva, razmatrat će se u ovom odjeljku kroz rad Odjela I (Posebni odjel za ratne zločine), rad Odjela II (Posebni odjel za organizirani kriminal, privredni kriminal i korupciju) i Odjela III, te kroz rad na predmetima korupcije i organizovanog kriminala kako slijedi u daljem tekstu.



2.2. REZULTATI RADA ODJELA I (POSEBNI ODJEL ZA RATNE ZLOČINE)

U Odjelu I je tokom 2018. godine podignuto 27 optužnica protiv 62 lica, te su tokom izvještajnog perioda potvrđene 33 optužnice protiv 95 lica, s obzirom da je 6 optužnica, koje su podignute u decembru 2017. godine potvrđeno od strane Suda BiH u januaru 2018. godine. Tužioci Odjela I su tokom 2018. godine donijeli 48 naredbi o nesprovođenju istrage protiv 238 lica i 33 naredbe o obustavi istrage protiv 83 lica. U izvještajnom periodu, na osnovu rada tužilaca ovog odjela donesene su pravosnažne presude u kojima je Sud BiH izrekao ukupno 119 godina i 6 mjeseci kazne zatvora.

2.2.1. STRUKTURA KRIVIČNIH DJELA U ODJELU I

U strukturi predmeta ratnih zločina potrebno je razlikovati dvije grupe predmeta:

- Predmeti ratnih zločina koji su zaprimljeni u rad nakon stupanja na snagu novih krivičnih zakona 1. marta 2003. godine, koji predmeti su po zakonu u isključivoj nadležnosti Suda i Tužilaštva BiH, te se jedino mogu ustupati drugim sudovima i tužilaštvima po članu 27. Zakona o krivičnom postupku BiH (ZKP BiH) (prenošenje vođenja postupka).
- Predmeti ratnih zločina koji su zaprimljeni u rad kod sudova i tužilaštava u entitetima i Brčko distriktu BiH prije stupanja na snagu ZKP-a BiH iz 2003. godine u kojima tada optužnica nije bila stupila na snagu, odnosno nije bila potvrđena. Ti sudovi i tužilaštva dužni su završiti ove predmete, izuzev ako Sud BiH ne odluči da preuzme takav predmet.

Međutim, postoji jasna opredijeljenost Tužilaštva BiH da se najsloženiji predmeti ratnih zločina iz obje navedene grupe procesuiraju pred Sudom i Tužilaštvom BiH, a da se predmeti koji se ocijene kao manje složeni procesuiraju pred kantonalnim, okružnim sudovima i tužilaštvima entiteta i Osnovnim sudom, odnosno Tužilaštvom Brčko distrikta BiH.

Prema evidenciji Tužilaštva BiH broj neriješenih KTRZ predmeta na dan 31.12.2018. godine iznosio je 489 predmeta protiv 4479 lica. Od ovoga broja predmeta ukupno 284 predmeta protiv 2853 lica su po složenosti Kategorija 1 (rok rješavanja 7 godina), a 205 predmeta protiv 1626 lica je po složenosti Kategorija 2 (rok rješavanja 15 godina).

2.2.2. RAD NA KT-RZ PREDMETIMA

Kada je riječ o predmetima sa oznakom „KT-RZ“, Odjel I je u izvještajnom periodu imao ukupno u radu 424 prijave protiv 4145 lica. Od navedenog broja, broj prijava koje su prenesene u rad iz prethodnih izvještajnih perioda je 315 protiv 3529 lica. U 2018. godini zaprimljeno je 109 novih prijava protiv 616 lica. Odjel I je u izvještajnom periodu ukupno riješio 165 prijava protiv 858 lica, od čega je 48 prijava protiv 238 lica riješeno na način da su donijete naredbe o nesprovođenju istrage, 79 prijava protiv 286 lica riješeno je na način da su donijete naredbe o sprovođenju istrage, dok je 38 prijava protiv 334 lica riješeno na drugi način. Na kraju izvještajnog perioda u Odjelu I u radu je ostalo 259 prijava protiv 3287 lica.

Ukoliko ove podatke uporedimo sa podacima iz 2017. godine primjetan je kontinuiran rad na predmetima ratnih zločina, u skladu sa Državnom strategijom za rad na predmetima ratnih zločina i preporukama Nadzornog organa za praćenje provođenja Državne strategije, što se može vidjeti pregledom ukupnih podataka o prijavama datim u Tabeli u nastavku.



PODACI O PRIJAVAMA U IZVJEŠTAJNOM PERIODU ZA KT-RZ PREDMETE

Prenesene prijave iz ranijeg perioda		Zaprimljene prijave u toku 2018.g.		Ukupno prijava u radu		Nesprovođenje istrage		Naređene istrage		Prijave riješene na drugi način		Ukupno riješeno prijava		Neriješene prijave na kraju izvještajnog perioda	
P	L	P	L	P	L	P	L	P	L	P	L	P	L	P	L
315	3529	109	616	424	4145	48	238	79	286	38	334	165	858	259	3287

U izvještajnom periodu tužioci Odjela I su sa prijavom starijom od 5 godina, od ukupno 198 predmeta protiv 2310 lica, riješili 57 prijave protiv 145 lica, sa prijavom starijom od 4 godine, od ukupno 20 predmeta prema 401 licu, riješili 1 predmet protiv 129 lica, sa prijavom starijom od 3 godine, od ukupno 20 predmeta protiv 278 lica, riješili 2 predmeta protiv 182 lica, sa prijavom starijom od 2 godine, od ukupno 41 predmeta protiv 293 lica, riješili 19 predmeta protiv 47 lica, sa prijavom starijom od 1 godine, od ukupno 36 predmeta protiv 247 lica, riješili 20 predmeta prema 113 lica, te sa prijavama iz 2018. godine od ukupno 109 predmeta protiv 616 lica riješili 66 predmeta protiv 242 lica.

Na kraju izvještajnog perioda za 2018. godinu u Odjelu I Tužilaštva BiH sa prijavom starijom od 5 godina ostao je neriješen 141 predmet prema 2165 lica, sa prijavom starijom od 4 godine ostalo je neriješenih 19 predmeta prema 272 lica, sa prijavom starijom od 3 godine ostalo je neriješenih 18 predmeta prema 96 lica, sa prijavom starijom od 2 godine ostala su neriješena 22 predmeta prema 246 lica, sa prijavom starijom od 1 godine ostalo je neriješeno 16 predmeta prema 134 lica, te sa prijavom iz 2018. godine ostala su neriješena 43 predmeta prema 374 lica. Navedeni podaci dati su u tabeli u nastavku.

PODACI O RJEŠAVANJU PRIJAVA ODJELA I ZA PERIOD OD 2003. DO 2018. GODINE

PRIJAVE ODJEL I (2003-2018)	2003-2013		2014		2015		2016		2017		2018	
	P	L	P	L	P	L	P	L	P	L	P	L
PREDMET/LICA												
UKUPNO U RADU	198	2310	20	401	20	278	41	293	36	247	109	616
UKUPNO RIJEŠENO	57	145	1	129	2	182	19	47	20	113	66	242
UKUPNO NERIJEŠENO	141	2165	19	272	18	96	22	246	16	134	43	374

Odjel I je u izvještajnom periodu imao ukupno u radu 320 istraga protiv 1452 lica. Od navedenog broja, broj istraga koje su prenesene u rad iz prethodnog izvještajnog perioda je 241 protiv 1166 lica. U 2018. godini naređeno je sprovođenje istrage u 79 predmeta protiv 286 lica. Odjel I je tokom 2018. godine ukupno riješio 90 istraga protiv 260 lica, od čega je u 33 istrage protiv 83 lica donesena naredba o obustavi istrage, podignuto je 27 optužnica protiv 62 lica, a 30 istraga protiv 115 lica riješeno je na drugi način. Na kraju izvještajnog perioda ostalo je neriješeno 230 istraga protiv 1192 lica, što se može vidjeti pregledom ukupnih podataka o istragama datim u Tabeli broj 8.

PODACI O ISTRAGAMA U IZVJEŠTAJNOM PERIODU ZA KT-RZ PREDMETE

Prenesene istrage iz ranijeg perioda		Naredbe o sprovođenju istrage u toku 2018.g.		Ukupno istraga u radu		Obustave istrage		Istrage riješene na drugi način		Podignute optužnice		Ukupno riješeno istraga		Neriješene istrage na kraju izvještajnog perioda	
pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica
241	1166	79	286	320	1452	33	83	30	115	27	62	90	260	230	1192



Tužiocima Odjela I u izvještajnom periodu riješili su 43 istrage protiv 151 lica iz 2018. godine, 17 istraga protiv 50 lica iz 2017. godine, 21 istragu protiv 33 lica iz 2016. godine, 1 istragu protiv 5 lica iz 2015. godine, 1 istragu protiv 1 lica iz 2014. godine i 7 istraga protiv 20 lica iz perioda 2004-2013. godine. U radu ovog Odjela je ostalo 36 istraga protiv 135 lica iz 2018. godine, 18 istraga protiv 66 lica iz 2017. godine, 36 istraga protiv 210 lica iz 2016. godine, 18 istraga protiv 69 lica iz 2015. godine, 13 istraga protiv 242 lica iz 2014. godine i 109 istraga protiv 470 lica iz ranijeg perioda. Navedeni podaci dati su u tabeli u nastavku.


PODACI O RJEŠAVANJU ISTRAGA ODJELA I ZA PERIOD OD 2003. DO 2018. GODINE

ISTRAGE -ODJEL I	2003-2013		2014		2015		2016		2017		2018	
	P	L	P	L	P	L	P	L	P	L	P	L
UKUPNO U RADU	116	490	14	243	19	74	57	243	35	116	79	286
UKUPNO RIJEŠENO	7	20	1	1	1	5	21	33	17	50	43	151
UKUPNO NERIJESENO	109	470	13	242	18	69	36	210	18	66	36	135

Odjel I je na osnovu Plana rada za 2018. godinu, pored rješavanja aktuelnih istraga, imao težište i na rješavanju najsloženijih istraga iz ranijih godina u skladu sa Državnom strategijom za rad na predmetima ratnih zločina, o čemu je redovno izvještavan Nadzorni organ za praćenje provođenja Državne strategije.

U toku izvještajnog perioda tužiocima Odjela I su podigli 27 optužnica protiv 62 lica. Potvrđene su optužnice u 21 predmetu, dok ni u jednom predmetu nije odbijeno potvrđivanje optužnice. Uporedno stanje podignutih optužnica i broja lica posmatrano za period 2017/2018 prikazano je Grafikonom u nastavku.

PREGLED PODIGNUTIH OPTUŽNICA KT-RZ PREDMETA, POREĐENJE 2017/2018. GODINA



Kako se vidi na prethodnom Grafikonu o optužnicama, u izvještajnom periodu Odjel I je podigao 27 optužnica protiv 62 lica, dok je struktura krivičnih djela propisanih krivičnim zakonima u Bosni i Hercegovini data u Tabeli u nastavku, gdje su detaljno navedeni članovi krivičnog zakona po kojima su podignute optužnice, sa iskazanim brojem predmeta i lica optuženih u predmetima.



STRUKTURA KRIVIČNIH DJELA ZA PODIGNUTE OPTUŽNICE U ODJELU I U 2018. GODINI

KRIVIČNO DJELO PROPISANO KRIVIČNIM ZAKONOM	PODIGNUTE OPTUŽNICE	
	PRED.	LICA
Član 142. KZ SFRJ - Ratni zločin protiv civilnog stanovništva	6	13
Član 172. KZ BiH - Zločini protiv čovječnosti	17	41
Član 173. KZ BiH - Ratni zločin protiv civilnog stanovništva	2	2
Član 175. KZ BiH - Ratni zločin protiv ratnih zarobljenika	2	6
UKUPNO:	27	62

U predmetima Odjela I izrečene su 24 presude protiv 57 lica. Tokom 2018. godine, po optužnicama ovog Odjela, Sud BiH je donio 18 osuđujućih presuda protiv 36 lica, 6 oslobađajućih presuda i niti jednu odbijajuću presudu. Napominjemo da suđenja u predmetima ratnih zločina uglavnom traju duži vremenski period.

2.2.3. RAD NA OSTALIM VRSTAMA PREDMETA

Tužioci Odjela I su u 2018. godini imali u radu 1924 **KTA-RZ** predmeta, od kojih je 1707 predmeta preneseno kao neriješeno iz prethodnih godina, dok je u toku 2018. godine u rad zaprimljeno 217 **KTA-RZ** predmeta. U 2018. godini tužioci Odjela I riješili su 273 **KTA-RZ** predmeta, od čega je 17 predmeta riješeno otvaranjem **KT-RZ** predmeta, pa je zaključno sa danom 31.12.2018. godine u radu ostao 1651 **KTA-RZ** predmet.

Tužioci Odjela I su, u 2018. godini, u radu imali 639 **KTN-RZ** predmeta, od kojih je 601 predmet prenesen kao neriješen iz prethodnih godina, dok je u toku 2018. godine zaprimljeno u rad 38 **KTN-RZ** predmeta. U 2018. godini tužioci Odjela I riješili su 112 **KTN-RZ** predmeta, od čega je 8 predmeta riješeno otvaranjem **KT-RZ** predmeta, pa je zaključno sa danom 31.12.2018. godine u radu ostalo 527 **KTN-RZ** predmeta.

U odnosu na **KTPOM** predmete, u 2018. godini Odjel I imao je u radu 10 predmeta. Od ovog broja, 6 predmeta je preneseno iz prethodne godine. Tokom 2018. godine, tužioci Odjela I riješili su 1 predmet.

Podaci o predmetima **KTA-RZ**, **KTN-RZ** i **KTPOM** prikazani su u Tabeli u nastavku, s posebnim osvrtom na prenesene predmete iz ranijih godina, predmete u tekućoj godini i podacima o ukupno riješenim predmetima u tekućoj godini.


PODACI O PREDMETIMA **KTA-RZ**, **KTN-RZ** I **KTPOM** U 2018. GODINI

Vrsta predmeta	U radu	Preneseno iz prethodne godine	Zaprimljeni predmeti u tekućoj godini	Riješeni predmeti
KTA-RZ	1924	1707	217	273
KTN-RZ	639	601	38	112
KTPOM	10	6	4	1



Rezultati rada na ovim predmetima prikazani su u Grafikonu u nastavku, gdje se vidi da je kod KTA-RZ predmeta riješeno više za 126% predmeta u odnosu na zaprimljene predmete u tekućoj godini, dok je KTN-RZ i KTPOM riješeno 295%, odnosno 25% u odnosu na zaprimljeni broj predmeta u tekućoj godini.

PREGLED ZAPRIMLJENIH I RIJEŠENIH PREDMETA KTA-RZ, KTN-RZ I KTPOM U 2018. GODINI



2.2.4. PREDMETI EKSHUMACIJA (KTA-E-RZ)

Tužilaštvo BiH od kraja 2008. godine zaprima sve informacije vezane za nestala lica, a gdje se ukaže potreba za izvršenje ekshumacije, upućuje Sudu Bosne i Hercegovine prijedlog za izdavanje naredbe za ekshumaciju. Od 01.01.2011. godine, svi zahtjevi Instituta za nestala lica BiH u vezi sa predmetima ekshumacija i reekshumacija se rješavaju naredbama Suda BiH, po prijedlogu Tužilaštva BiH.

Tokom 2018. godine u Tužilaštvu BiH su bila u radu 1163 KTA-E-RZ predmeta, koji se odnose na ekshumacije i traženje nestalih lica. U 2018. godini Institut za nestala lica BiH uputio je 154 zahtjeva, na osnovu kojih je Tužilaštvo formiralo KTA-E-RZ predmete. Navedeni predmeti uključuju zahtjeve za ekshumaciju, reekshumaciju, preuzimanje posmrtnih ostataka iz susjednih država i dr., po kojima je postupano i od Suda Bosne i Hercegovine zatraženo izdavanje naredbe. Ovi podaci su prikazani u Tabeli u nastavku.

Pored navedenog, predmeti koji se nalaze u radu u Tužilaštvu BiH sadrže i različite informacije udruženja žrtava i drugih ustanova, koje informacije se nalaze u fazi istrage ili provjere kako bi se utvrdili osnovi sumnje da će podneseni zahtjev/informacije rezultirati uspješnom ekshumacijom odnosno pronalaskom posmrtnih ostataka.

PODACI O PREDMETIMA KTA-E-RZ U 2018. GODINI

KTA-E-RZ	PREDMETI
PRENESENO IZ PRETHODNE GODINE	1009
ZAPRIMLJENO U 2018. GODINI	154
U RADU	1163
RIJEŠENO	180
NERIJEŠENO	983



Tokom 2018. godine tužioci Odjela I uspjeli su riješiti 180 predmeta ekshumacija, što je znatan pomak posmatrano u odnosu na zaprimljene predmete u 2018. godini i prenesene predmete iz prethodnih godina. Najveći broj predmeta koji su iskazani kao završeni potiče iz prethodnih godina. U izvještajnom periodu Sud BiH je, po prijedlogu Tužilaštva BiH, izdao naredbu za vršenje ekshumacije u 151 predmetu.

Po naredbama Suda Bosne i Hercegovine postupala su ovlaštena službena lica Tužilaštva BiH. Izvršenje naredbi za ekshumaciju zahtijeva rad ovlaštenih službenih lica na terenu, odnosno neposredni nadzor i rukovođenje nad izvršenjem svih neophodnih radnji od same ekshumacije, sudsko-medicinske obrade posmrtnih ostataka do konačne identifikacije.

Predmeti ekshumacije su veoma kompleksni i predstavljaju prikupljanje dokaza, odnosno radnju dokazivanja u predmetima ratnih zločina. S obzirom na to, prije same ekshumacije radnja može da traje i po nekoliko godina jer obuhvata razne operativne provjere, saslušanje svjedoka, provjere statusa lica koja se traže, okolnosti pod kojima su ta lica nestala, kao i druge provjere kojima bi se potvrdilo da je nestalo lice u nadležnosti Tužilaštva BiH, tačnije da je okolnost njegovog nestanka povezana sa izvršenim krivičnim djelom ratnog zločina.

S obzirom da Institut za nestala lica više ne vrši probno kopanje, stotine takvih zahtjeva su tretirani kao zahtjevi za ekshumaciju koji su iziskivali višemjesečnu provjeru i druge operativne procedure, zbog čega je došlo do porasta broja predmeta u radu u Tužilaštvu BiH.

Bitno je napomenuti da broj riješenih i neriješenih predmeta ekshumacija u izvještajnom periodu nije stvarni pokazatelj rada Odjela I na predmetima ekshumacija. Sam postupak ekshumacija podrazumijeva rad vještaka sudske medicine, angažovanje arheologa i antropologa, vršenje složenih sudskomedicinskih obrada, DNK analize, identifikaciju posmrtnih ostataka, uzimanje izjava od porodica koje su često jako bitni svjedoci u predmetima ratnih zločina, kao i vršenje drugih vrsta vještačenja koja su vrlo kompleksna, a koja je potrebno provesti da bi se u potpunosti završila ova radnja dokazivanja, a njeni rezultati koristili u otvorenim KTRZ istragama ratnih zločina.

U većem broju predmeta koji su ostali kao neriješeni, tužioci i OSL Tužilaštva BiH su preduzeli radnje koje su im bile na raspolaganju, ali se zbog drugih okolnosti predmeti ne mogu okončati. Npr. u nekim predmetima je izvršena ekshumacija, ali se čekaju DNK nalazi koje dostavlja ICMP samo u slučaju ako su oni pozitivni. U slučaju negativnih DNK nalaza, ICMP ne izvještava Tužilaštvo BiH, te su ti predmeti i dalje aktivni. U pojedinim predmetima u kojima je DNK nalaz dobijen čeka se na nalaze patologa ili na porodice žrtava da preuzmu posmrtne ostatke, kako bi se predmet ekshumacije mogao iskazati završenim.

Jedan od prioriteta rada tužilaca Odjela I su i rad na predmetima ekshumacija i saradnja sa drugim institucijama u BiH na pronalasku i identifikaciji nestalih lica proteklog rata, zbog čega su tužioci ovog odjela aktivno uključeni u rad stručnog tima Vijeća ministara na iznalaženju rješenja unapređenja saradnje sa ICMP-om u pogledu nastavka saradnje u cilju identifikacije posmrtnih ostataka pronađenih u pojedinačnim i masovnim grobnicama.

U izvještajnom periodu završena je revizija 12 kosturnica/mrtvačnica u BiH koja je rađena po nalogu glavnog tužioca, a u saradnji sa ICMP-om i Institutom za nestala lica, a u cilju identifikacije posmrtnih ostataka koji se nalaze u kosturnicama/mrtvačnicama u BiH, što će sve skupa doprinijeti procesuiranju predmeta ratnih zločina.



2.2.5. DRŽAVNA STRATEGIJA ZA RAD NA PREDMETIMA RATNIH ZLOČINA

S ciljem sprečavanja nekažnjivosti počinitelaca krivičnih djela ratnih zločina, zločina protiv čovječnosti i genocida, te kako bi se omogućilo procesuiranje svih ili barem najvećeg broja počinitelaca krivičnih djela u realnom vremenskom periodu, ali prevashodno zbog velikog broja predmeta ratnih zločina i potrebe sistematskog pristupa, Vijeće ministara BiH je dana 29.12.2008. godine donijelo Državnu strategiju za rad na predmetima ratnih zločina.

Strategija predviđa sistemski pristup problematici rješavanja velikog broja predmeta ratnih zločina u sudovima i tužilaštvima Bosne i Hercegovine, određuje vremenske rokove, kapacitete, kriterije i mehanizme upravljanja predmetima ratnih zločina, ujednačavanje sudske prakse, pitanja regionalne saradnje, zaštite i podrške žrtvama i svjedocima, te finansijske aspekte i nadzor nad provođenjem Strategije. Takođe predviđa procesuiranje najsloženijih i najprioritetnijih predmeta ratnih zločina u roku od sedam godina, te procesuiranje ostalih predmeta ratnih zločina u roku od petnaest godina. Na nivou Suda BiH i Tužilaštva BiH uspostavljena je centralna evidencija o svim predmetima ratnih zločina u BiH.

Donošenjem Strategije, Visoko sudsko i tužilačko vijeće Bosne i Hercegovine formiralo je Nadzorni organ za praćenje provođenja Državne strategije za rad na predmetima ratnih zločina kao organ koji je zadužen da prati proces provođenja Strategije i rješavanja predmeta ratnih zločina, te na osnovu toga Nadzorni organ za praćenje provođenja Državne strategije za rad na predmetima ratnih zločina donosi Akcioni plan za rješavanje predmeta ratnih zločina za period od tri godine.

Posljednji Akcioni plan donesen je za period od 2016-2018. godine, čiji podaci se redovno ažuriraju shodno ostvarenom planu prioritetnih predmeta koje donosi Tužilaštvo BiH.

IZMJENE/DOPUNE DRŽAVNE STRATEGIJE ZA RAD NA PREDMETIMA RATNIH ZLOČINA

Kako je Strategija usvojena 2008. godine, rok od sedam godina za rješavanje najsloženijih predmeta je istekao, zbog toga je iskazana potreba za izmjenu ili dopunu Državne strategije za rad na predmetima ratnih zločina. Stoga je Vijeće ministara BiH, na 86. sjednici održanoj dana 20.12.2016. godine, usvojilo Informaciju Ministarstva pravde BiH o potrebi izmjene ili dopune Strategije.

Vijeće ministara BiH je zadužilo nadležno Ministarstvo pravde BiH da u koordinaciji sa drugim pravosudnim organima sačini prijedlog odluke o formiranju radne grupe koja je imala zaduženje da do kraja marta 2017. godine sačini prijedlog izmjena ili dopuna Državne strategije za rad na predmetima ratnih zločina. Vijeće ministara Bosne i Hercegovine na 98. sjednici održanoj 12.04.2017. godine je donijelo "Odluku o formiranju Radne grupe za izradu izmjena i dopuna Državne strategije za rad na predmetima ratnih zločina".

U procesu izmjena ili dopuna Strategije stručnu pomoć navedenoj Radnoj grupi će pružati predstavnici Suda BiH i Tužilaštva BiH, te predstavnici udruženja sudija i tužilaca iz Federacije BiH i Republike Srpske. Imajući u vidu doprinos Misije OSCE-a u BiH, predstavnici Organizacije za sigurnost i saradnju u Evropi (OSCE BiH) će takođe pružati podršku radnoj grupi.

Tužilaštvo Bosne i Hercegovine je tokom 2018. godine aktivno radilo na ostvarenju ranije postavljenih strateških mjera iz Državne strategije za rad na predmetima ratnih zločina, te je redovno podnosilo izvještaj Nadzornom organu za praćenje sprovođenja Državne strategije.



Predstavnici Tužilaštva BiH, po pozivu Nadzornog organa, prisustvuju sastancima na kojima se analizira sprovođenje Strategije i predlažu mjere s ciljem efikasnijeg sprovođenja Strategije u radu na predmetima ratnih zločina.

Najveći broj aktivnosti vezan je za ažuriranje baze podataka otvorenih predmeta ratnih zločina, prenošenje vođenja postupaka na entitetska tužilaštva i unapređenje regionalne saradnje. Istovremeno, cilj Strategije je da se osigura funkcionalan mehanizam upravljanja predmetima, odnosno njihovog raspoređivanja između državnog pravosuđa i pravosuđa entiteta.

Radna grupa je usvojila Prijedlog izmjena Državne strategije za rad na predmetima ratnih zločina koji je prihvaćen od strane Nadzornog organa za praćenje provođenja Državne strategije za rad na predmetima ratnih zločina, te je takav Prijedlog izmjena Državne strategije upućen u septembru mjesecu 2018. godine Vijeću ministara Bosne i Hercegovine na usvajanje. Međutim, do danas još nije došlo do usvajanja nove Državne strategije za rad na predmetima ratnih zločina.

PRENOŠENJE VOĐENJA POSTUPKA ZA KRIVIČNA DJELA IZ GLAVE XVII KZ-a BiH **IZ ČLANA 27a. ZKP-a BiH**

Sud Bosne i Hercegovine je rješenjima i dopisima u 2018. godini usvojio **67 prijedloga** Tužilaštva BiH za **140 lica**, nakon čega su predmeti ustupljeni na dalji rad u kantonalne/okružne sudove i tužilaštva, kako je prikazano u Tabeli u nastavku.

PREGLED USVOJENIH PRIJEDLOGA U ODJELU I ZA PRENOS I VOĐENJE POSTUPKA NA DRUGA
TUŽILAŠTVA/SUDOVE U BiH TOKOM 2018. GODINE

TUŽILAŠTVO/SUD	BROJ PREDMETA	BROJ LICA
Kantonalni sud Novi Travnik	12	29
Okružni sud Trebinje	7	9
Okružni sud Istočno Sarajevo	9	23
Okružni sud Banja Luka	1	1
Kantonalni sud Bihać	4	4
Okružni sud Bijeljina	9	28
Osnovni sud Brčko	1	1
Okružni sud Doboj	2	2
Kantonalni sud Livno	2	4
Kantonalni sud Mostar	8	14
Kantonalni sud Odžak	3	3
Kantonalni sud Sarajevo	4	8
Kantonalni sud Tuzla	3	10
Kantonalni sud Zenica	2	2
UKUPNO PRIJEDLOGA:	67	138

Pregled ukupnog broja entitetskih tužilaštava i Tužilaštva Distrikta Brčko na koje je preneseno vođenje postupka dat je u Tabeli u nastavku. Svi predmeti u kojima je doneseno rješenje o usvajanju prijedloga za prenošenje vođenja postupka prosljeđeni su nadležnom kantonalnom ili okružnom tužilaštvu ili Tužilaštvu Brčko distrikta BiH.



PREGLED UKUPNO USVOJENIH PRENESENIH VOĐENJA POSTUPKA NA DRUGA TUŽILAŠTVA U BiH

TUŽILAŠTVO	2010 – 2018. godina
KT TRAVNIK	54
OT TREBINJE	25
OT ISTOČNO SARAJEVO	47
OT BANJA LUKA	42
KT BIHAĆ	71
OT BIJELJINA	37
TUŽILAŠTVO BRČKO DISTRIKTA	5
OT DOBOJ	22
KT LIVNO	12
KT MOSTAR	102
KT ORAŠJE	6
KT SARAJEVO	46
KT TUZLA	25
KT ZENICA	33
KT GORAŽDE	5
UKUPNO USVOJENIH PRIJEDLOGA:	532

STRATEŠKA MJERA BR. 12 - (REDOVNI SASTANCI PREDSTAVNIKA SUDA BiH S CILJEM OSIGURANJA JEDINSTVENE PRIMJENE USAGLAŠENIH KRITERIJA)

U cilju realizacije ove mjere tokom 2018. godine održani su zajednički sastanci predstavnika Posebnog odjela za ratne zločine Tužilaštva Bosne i Hercegovine i Odjela I Suda Bosne i Hercegovine.

Na tim sastancima, između ostalog, usaglašeno je da je neophodno što prije pristupiti izmjenama Državne strategije za rad na predmetima ratnih zločina u Bosni i Hercegovini. Opredjeljenje je i predstavnika Suda i Tužilaštva Bosne i Hercegovine da izmjene Državne strategije za procesuiranje predmeta ratnih zločina budu ne samo u pogledu rokova, nego i u pogledu kriterija, kao i ljudskih i materijalno-tehničkih resursa, odnosno pretpostavki za ostvarenje Strategije. Pružanje stručne pomoći su i dalje nastavili i predstavnici OSCE-a i Terenskog ureda ICTY-a, u čemu su predstavnici Tužilaštva BiH i Suda BiH imali aktivno učešće.

STRATEŠKA MJERA BR. 23 (JAČANJE REGIONALNE PRAVOSUDNE SARADNJE U VEZI PREDMETA RATNIH ZLOČINA)

Cijenimo da je strateška mjera br. 23, koja se odnosi na jačanje regionalne pravosudne saradnje u vezi predmeta ratnih zločina, u toku 2018. godine kontinuirano izvršavana.

Tužioci Tužilaštva BiH, u okviru regionalne saradnje, a u cilju izvršenja ove strateške mjere, uzimali su učešće na regionalnim konferencijama i forumima na kojima se raspravljalo o pitanjima vezanim za rad na predmetima ratnih zločina i to organizovanih kako u Bosni i Hercegovini, tako i u susjednim državama.

U septembru 2018. godine, u okviru projekta UNDP-a „Unapređenje regionalne saradnje u procesuiranju ratnih zločina i potrazi za nestalim osobama“, u Istanbulu je održan Regionalni sastanak kojem su prisustvovali predstavnici tužilaštava regiona i to Tužilaštva Bosne i Hercegovine, Državnog odvjetništva Republike Hrvatske, Tužilaštva za ratne zločine Republike Srbije i Vrhovnog državnog



tužilaštva Crne Gore, na kojem se raspravljalo o programskim aktivnostima koje bi trebale da prihvate sva tužilaštva iz regije, a sve u cilju da se regionalna saradnja unaprijedi u odnosu na dosadašnju, naročito sa stanovišta potreba Tužilaštva Bosne i Hercegovine iz razloga što je upravo Tužilaštvo BiH najviše zainteresirano za unapređenje odnosa regionalne saradnje jer ima najveći broj riješenih i neriješenih predmeta ratnih zločina u regiji, iz razloga što se dio osumnjičenih lica, kao i svjedoka, nalazi upravo u zemljama regije, Republike Srbije i Republike Hrvatske i Crne Gore.

S tim u vezi, vrijedi pomenuti da su pored regionalnih sastanaka, u okviru istog projekta UNDP-a održani sastanci između tužilaca Tužilaštva Bosne i Hercegovine, Državnog odvjetništva Republike Hrvatske i Tužilaštva za ratne zločine Republike Srbije. Prvi takav sastanak održan je 28. i 29.03.2018. godine u Osijeku, na kojem su prisustvovali tužioci Tužilaštva Bosne i Hercegovine i tužilac Državnog odvjetništva u Osijeku, na kojem je dogovoren prenos dva manje složena predmeta ratnih zločina od strane Tužilaštva Bosne i Hercegovine.

Prema istom principu, dana 14.06.2018. godine u Beogradu je održan sastanak između tužioca Tužilaštva Bosne i Hercegovine i tužioca Tužilaštva za ratne zločine Republike Srbije.

Segment međunarodne saradnje sa državama regiona putem međunarodne pravne pomoći je veoma bitan u procesuiranju predmeta ratnih zločina i traženju nestalih lica.

Osim toga, dana 31. januara 2013. godine, pod pokroviteljstvom Evropske komisije i Tužilaštva MKSJ-a, u Briselu je zaključen "Protokol Tužilaštva BiH i Tužilaštva za ratne zločine Republike Srbije o saradnji u progonu počinitelja krivičnih djela ratnih zločina, zločina protiv čovječnosti i genocida", a nakon toga, dana 3. juna 2013. godine u Sarajevu je zaključen "Protokol između Državnog odvjetništva Republike Hrvatske i Tužilaštva BiH o saradnji u gonjenju počinitelja krivičnih djela ratnih zločina, zločina protiv čovječnosti i genocida". Uspostavljen je i kontakt sa predstavnicima Vrhovnog državnog tužilaštva Republike Crne Gore i zaključen je Protokol o saradnji u progonu počinitelja ratnih zločina sa ovim tužilaštvom po uzoru na protokole zaključene sa Tužilaštvom za ratne zločine R Srbije i Državnim odvjetništvom R Hrvatske.

Regionalnoj saradnji i napretku, a u cilju rješavanja krivičnih predmeta ratnih zločina regionalnog karaktera, izuzetan doprinos davao je Međunarodni krivični sud za bivšu Jugoslaviju (MKSJ), a sada Međunarodni mehanizam za krivične sudove (MMKS).

2.2.6. SARADNJA SA MEĐUNARODNIM MEHANIZMOM ZA KRIVIČNE SUDOVE (MMKS)

Nakon zatvaranja Međunarodnog krivičnog suda za bivšu Jugoslaviju (MKSJ), ovlaštenja je preuzeo Međunarodni mehanizam za krivične sudove (MMKS) sa kojim je Tužilaštvo Bosne i Hercegovine nastavilo intenzivnu saradnju.

Tokom 2018. godine, od strane tužilaca Odjela za ratne zločine Tužilaštva BiH, upućeno je ukupno 217 zahtjeva za pružanje pomoći prema MMKS-u, od ovog broja, 172 zahtjeva prema Kancelariji tužioca i 45 zahtjeva prema Kancelariji registrara.

Osim toga, u toku 2018. godine MMKS su posjetila 3 tužioca, 2 stručna saradnika – istražioca i 1 analitičar iz Tužilaštva BiH.

Važno je istaći da se projekat "Oficiri za vezu", koji se finansira od strane Evropske komisije, ponovo nastavlja od 2019. godine.



2.3. REZULTATI RADA ODJELA II (POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU)

Tužioci Odjela II, u 2018. godini podigli su ukupno **107 optužnica protiv 206 lica**. U predmetima koji su se radili u Odjelu II, Sud BiH je izrekao kazne zatvora u ukupnom trajanju od **95 godina**, oduzeta je protivpravno stečena imovinska korist u ukupnom iznosu od: **4.042.383,62 KM**, kao i veliki broj nekretnina, vozila i ostalih pokretnih stvari. Po optužnicama tužilaca ovog odjela, od 2004. godine do kraja 2018. godine, pravosnažno je osuđeno **1599 lica na 2172 godine zatvora**.

2.3.1. STRUKTURA KRIVIČNIH DJELA U PREDMETIMA ODJELA II

U toku 2018. godine u radu Odjela II primjenjivani su Kriteriji za raspodjelu predmeta između odjela Tužilaštva BiH, broj A-518/09 od 30.06.2009. godine. U predmetima u kojima tokom istrage dođe do lišavanja slobode većeg broja lica (grupe za organizovani kriminal u skladu sa članom 1. stavom 20. Krivičnog zakona BiH), više tužilačkih timova zajednički rade na takvom predmetu s ciljem efikasnog, blagovremenog i zakonitog okončanja istrage. Prema tim kriterijima Odjelu II raspodijeljene su sljedeće vrste predmeta:

- svi predmeti organizovanog kriminala i organizovanog privrednog kriminala iz nadležnosti Tužilaštva BiH;
- predmeti za krivična djela terorizma iz člana 201. KZ-a BiH i krivična djela finansiranja terorističkih aktivnosti iz člana 202. KZ-a BiH;
- predmeti za krivična djela trgovine ljudima iz člana 186. KZ-a BiH i krijumčarenja ljudi iz člana 189. KZ-a BiH, kada se radi o 10 ili više krijumčarenih lica odnosno žrtava trgovine ili koji uključuju izuzetno otežavajuće ili posebne okolnosti;
- predmeti za krivična djela protiv privrede i jedinstva tržišta, te krivična djela iz oblasti carina iz glave XVIII čija vrijednost prelazi iznos od 1.000.000,00 KM;
- predmeti za krivična djela povrede autorskih prava iz glave XXI čija vrijednost prelazi iznos od 1.000.000,00 KM;
- krivična djela u vezi korupcije visokih zvaničnika Bosne i Hercegovine i odgovornih lica s najvišim funkcijama u privrednim društvima i drugim pravnim licima;
- drugi predmeti u vezi sa ostalim krivičnim djelima, a naročito predmeti krivičnih djela protiv privrede i platnog prometa i krivičnih djela počinjenih od strane službenog ili ovlaštenog lica kada je krivično gonjenje od posebne važnosti za Bosnu i Hercegovinu, zbog okolnosti ili načina na koji je djelo izvršeno.

2.3.2. RAD NA KT PREDMETIMA

Najveći broj predmeta po kojima postupaju tužioci Odjela II odnosi se na predmete koje Tužilaštvu BiH prosljeđuju agencije za provođenje zakona u BiH, ali postoji i određeni broj predmeta koji su ustupljeni na nadležnost od strane drugih tužilaštava iz Republike Srpske, Federacije BiH i Brčko distrikta, kao i predmeti koji su oformljeni na osnovu usmenih ili pismenih prijava građana.

U odnosu na „KT“ predmete, u Odjelu II je u toku 2018. godine bilo u radu ukupno 716 prijava protiv 2.875 lica. U izvještajnom periodu riješeno je prijava u 283 predmeta protiv 1205 lica.

U toku 2018. godine, u odnosu na broj prijava u radu naređene su 174 istrage protiv 465 lica, dok su donesene 93 naredbe o nesprovođenju istrage protiv 530 lica. Takođe, na drugi način riješeno je prijava u 16 predmeta protiv 72 lica. Na kraju izvještajnog perioda, ostale su 433 neriješene prijave protiv 1670 lica. Gore navedeni podaci prikazani su u Tabeli u nastavku.



PODACI O PRIJAVAMA U IZVJEŠTAJNOM PERIODU ZA KT PREDMETE ODJELA II

Prenesene prijave iz ranijih godina		Zaprimljene prijave u toku 2018. godine		Ukupno prijava u radu		Nesprovođenje istrage		Naređene istrage		Prijave riješene na drugi način		Ukupno riješeno prijava		Neriješene prijave na kraju izvještajnog perioda	
P	L	P	L	P	L	P	L	P	L	P	L	P	L	P	L
365	1735	351	1140	716	2875	93	530	174	465	16	72	283	1205	433	1670

Rješavanje prijava Odjela II u izvještajnom periodu može se prikazati na ovaj način: sa prijavom starijom od 5 godina, od ukupno 27 predmeta protiv 444 lica riješio je 9 predmeta protiv 231 lica, sa prijavom starijom od 4 godine, od ukupno 10 predmeta protiv 155 lica riješio je 1 predmet protiv 10 lica, sa prijavom starijom od 3 godine, od ukupno 34 predmeta protiv 250 lica riješio je 10 predmeta protiv 62 lica, sa prijavom starijom od 2 godine, od ukupno 102 predmeta protiv 350 lica riješio je 43 predmeta protiv 103 lica, te sa prijavom starijom od 1 godine, od ukupno 192 predmeta protiv 536 lica riješio je 79 predmeta protiv 206 lica.

Na kraju izvještajnog perioda, neriješene prijave po starosti su: sa prijavom starijom od 5 godina, u predmetima iz nadležnosti Odjela II ostalo je neriješenih 18 predmeta prema 210 lica; sa prijavom starijom od 4 godine ostalo je neriješenih 9 predmeta protiv 145 lica, sa prijavom starijom od 3 godine ostala su neriješena 24 predmeta protiv 188 lica, sa prijavom starijom od 2 godine ostalo je neriješenih 59 predmeta protiv 247 lica, te sa prijavom starijom od 1 godine ostalo je neriješenih 113 predmeta protiv 317 lica. Podaci o rješavanju prijava ovog odjela za period od 2003. godine do 2018. godine, prikazani su u tabeli u nastavku.

PODACI O RJEŠAVANJU PRIJAVA ODJELA II ZA PERIOD OD 2003. DO 2018. GODINE

PRIJAVE ODJEL II	2003-2013		2014		2015		2016		2017		2018	
PREDMET/LICA	P	L	P	L	P	L	P	L	P	L	P	L
UKUPNO U RADU	27	444	10	155	34	250	102	350	192	536	351	1140
UKUPNO RIJEŠENO	9	231	1	10	10	62	43	103	79	206	141	439
UKUPNO NERIJEŠENO	18	210	9	145	24	188	59	247	113	317	210	701

U radu Odjela II tokom 2018. godine bile su ukupno 293 istrage protiv 1338 lica. Od tog broja, neriješenih istraga iz ranijih godina je bilo 119 predmeta protiv 873 lica. Odjel II je tokom 2018. godine ukupno riješio 146 istraga protiv 430 lica. Od navedenog broja, u 39 istraga protiv 169 lica donesena je naredba o obustavi istrage, protiv 55 lica istraga je riješena na drugi način, dok su tužiocima Odjela II u 2018. godini za KT predmete podigli 107 optužnica protiv 206 lica. Na kraju izvještajnog perioda je ostalo neriješeno 147 istraga protiv 908 lica. Gore navedeni podaci prikazani su u Tabeli u nastavku.

PODACI O ISTRAGAMA U IZVJEŠTAJNOM PERIODU ZA KT PREDMETE ODJELA II

Prenesene istrage iz ranijeg perioda		Naredbe o sprovođenju istrage		Ukupno istraga u radu		Obustave istrage		Istrage riješene na drugi način		Podignute optužnice		Ukupno riješeno istraga		Neriješene istrage na kraju izvještajnog perioda	
P	L	P	L	P	L	P	L	P	L	P	L	P	L	P	L
119	873	174	465	293	1338	39	169	0	55	107	206	146	430	147	908

Rješavanje istraga Odjela II u izvještajnom periodu može se prikazati na ovaj način: sa istragom starijom od 5 godina, od ukupno 20 predmeta protiv 212 lica riješio je 6 predmeta protiv 74 lica, sa istragom starijom od 4 godine, od ukupno 4 predmeta protiv 101 lica nisu riješene istrage, sa istragom



starijom od 3 godine, od ukupno 16 predmeta protiv 107 lica riješio 2 predmeta protiv 20 lica, sa istragom starijom od 2 godine, od ukupno 41 predmeta protiv 188 lica riješio 11 predmeta protiv 40 lica, te sa istragom starijom od 1 godine, od ukupno 38 predmeta protiv 265 lica riješio 19 predmeta protiv 69 lica.


Na kraju izvještajnog perioda neriješene istrage po starosti su: sa istragom starijom od 5 godina, u predmetima iz nadležnosti Odjela II ostalo je neriješeno 14 predmeta protiv 138 lica, sa istragom starijom od 4 godine ostala su neriješena 4 predmeta protiv 101 lica, sa istragom starijom od 3 godine ostalo je neriješeno 14 predmeta protiv 87 lica, sa istragom starijom od 2 godine ostalo je neriješeno 30 predmeta protiv 148 lica, te sa istragom starijom od 1 godine ostalo je neriješeno 19 predmeta protiv 196 lica. Podaci o rješavanju istraga ovog odjela za period od 2003. godine do 2018. godine, prikazani su u tabeli u nastavku.

PODACI O RJEŠAVANJU ISTRAGA ODJELA II ZA PERIOD OD 2003. DO 2018. GODINE

ISTRAGE-PREGLED ODJEL II	2003-2013		2014		2015		2016		2017		2018	
	P	L	P	L	P	L	P	L	P	L	P	L
PREDMETI/LICA												
UKUPNO U RADU	20	212	4	101	16	107	41	188	38	265	174	465
UKUPNO RIJEŠENO	6	74	0	0	2	20	11	40	19	69	108	227
UKUPNO NERIJEŠENO	14	138	4	101	14	87	30	148	19	196	66	238

Tužiocima Odjela II su u 2018. godini podigli ukupno 107 optužnica protiv 206 lica, od kojih je tokom posmatranog perioda potvrđeno 114 optužnica protiv 221 lica. Upoređujući ove podatke sa ostvarenim rezultatima rada Odjela II iz 2017. godine, po pitanju podignutih optužnica, evidentno je da su tužiocima ovog Odjela tokom 2018. godine podigli 11 optužnica više u odnosu na prethodnu 2017. godinu. Podaci o optužnicama prikazani su na grafikonu u nastavku.

PODACI O PODIGNUTIM OPTUŽNICAMA U ODJELU II, POREĐENJE 2017/2018. GODINA



Kako se vidi na Grafikonu ispred, u izvještajnom periodu Odjel II je podigao 107 optužnica protiv 206 lica, dok je struktura krivičnih djela propisanih krivičnim zakonima u Bosni i Hercegovini, na osnovu kojih su podignute optužnice, data u Tabeli u nastavku, gdje su detaljno navedeni članovi krivičnog zakona po kojima su podignute optužnice, sa iskazanim brojem predmeta i lica optuženih u predmetima.



STRUKTURA KRIVIČNIH DJELA ZA PODIGNUTE OPTUŽNICE U ODJELU II U 2018. GODINI

KRIVIČNO DJELO PROPISANO KRIVIČNIM ZAKONIMA U BOSNI I HERCEGOVINI	BROJ PODIGNUTIH OPTUŽNICA	
	PRED.	LICA
Član 187. KZ BiH – Međunarodno navođenje na prostituciju	0	0
Član 189. KZ BiH – Krijumčarenje ljudi	33	42
Član 201. KZ BiH – Terorizam	1	2
Član 193. KZ BiH - Neovlašteni promet oružjem i vojnom opremom te proizvodima dvojne upotrebe	1	1
Član 195. KZ BiH – Neovlašteni promet opojnim drogama	4	5
Član 205. KZ BiH – Krivotvorenje novca	3	5
Član 209. KZ BiH – Pranje novca	1	2
Član 210. KZ BiH – Porezna utaja ili prevara	14	21
Član 220. KZ BiH – Zloupotreba položaja ili ovlaštenja	2	7
Član 214. KZ BiH – Krijumčarenje	5	7
Član 223. KZ BiH – Posluga u službi	1	1
Član 224. KZ BiH – Nesavjestan rad u službi	2	2
Član 235. KZ BiH – Davanje lažnog iskaza	1	1
Član 189a. KZ BiH – Organiziranje grupe ili udruženja za izvršenje krivičnog djela 'krijumčarenje migranata'	3	12
Član 162b. KZ BiH – Protivzakonito formiranje i pridruživanje stranim paravojnim ili parapolicijskim formacijama	1	1
Član 195. stav 1. KZ BiH – Neovlašteni promet opojnim drogama	1	3
Član 195. stav 2. KZ BiH – Neovlašteni promet opojnim drogama	2	4
Član 210a. KZ BiH – Nedoovoljen promet akciznih proizvoda	19	19
Član 246 m. KZ BiH – Krađa oružja i vojne opreme	1	1
Član 249. – 210a. KZ BiH – Udruživanje radi činjenja krivičnih djela, Nedoovoljen promet akciznih proizvoda	2	12
Član 250. - 186. KZ BiH – Organizirani kriminal, Međunarodna trgovina ljudima	1	8
Član 250. - 189. KZ BiH – Organizirani kriminal, Krijumčarenje ljudi	1	4
Član 250. – 195. KZ BiH – Organizirani kriminal, Neovlašteni promet opojnim drogama	6	17
Član 250. KZ BiH - 287. KZ FBiH – Organizirani kriminal, Teška krađa	1	27
Član 342. - 373. KZ FBiH - Organizirani kriminal, Krivotvorenje isprave	1	2
Ukupno:	107	206

Nadalje, u predmetima Odjela II izrečene su 93 presude protiv 179 lica, od kojih je 88 osuđujućih presuda protiv 151 lica. Na odluke Suda BiH, tužiocima Odjela II uložili su 13 žalbi protiv 31 lica. Takođe, predložili su Sudu BiH prihvatanje sporazuma o priznanju krivice sa 110 optuženih lica u 63 predmeta, od čega je Sud Bosne i Hercegovine u toku posmatranog perioda prihvatio sporazume sa 105 optuženih lica u 62 predmeta. U toku posmatranog perioda, u predmetima Odjela II izrečene su kazne zatvora u ukupnom trajanju od 95 godina, te je oduzeta protivpravno stečena imovinska korist u ukupnom iznosu od: 4.042.383,62 KM, kao i veći broj nekretnina, vozila i ostalih pokretnih stvari.



2.3.3. RAD NA OSTALIM VRSTAMA PREDMETA

U odnosu na „KTA“ predmete u Odjelu II iz prethodnog perioda u rad je preneseno ukupno 414 predmeta. U toku 2018. godine zaprimljena su 294 nova predmeta. Dakle, u 2018. godini u Odjelu II je ukupno u radu bilo 708 predmeta. U 2018. godini riješeno je ukupno 177 predmeta, a ostao je neriješen 531 predmet.

U odnosu na „KTN“ predmete, u Odjelu II iz prethodnog perioda u rad su prenesena ukupno 33 predmeta. U toku 2018. godine zaprimljen je 21 novi predmet. Dakle, u toku 2018. godine na Odjelu II su bila u radu ukupno 54 predmeta. U toku 2018. godine riješeno je ukupno 7 predmeta, a ostalo je neriješeno 47 predmeta. Poredeći ove podatke sa 2017. godinom, proizlazi da je bilo 14 „KTN“ predmeta više, dok je broj riješenih „KTN“ predmeta za 7 veći nego u prethodnoj godini.

U odnosu na „KTPOM/KTEKS“ predmete, u Odjelu II iz prethodnog perioda u rad je prenesen 41 predmet. U toku 2018. godine zaprimljena su 22 nova predmeta. Dakle, u toku 2018. godine na Odjelu II su bila u radu ukupno 63 predmeta. U 2018. godini riješen je 31 KTPOM/KTEKS predmet, dok je broj neriješenih predmeta iznosio 32. Poredeći ove podatke sa 2017. godinom, u radu Odjela II bila su 3 „KTPOM“ i „KTEKS“ predmeta više, dok je broj riješenih „KTPOM“ i „KTEKS“ predmeta za 9 više u 2018. godini.

U odnosu na „KTM“ predmete, u Odjelu II iz prethodnog perioda u rad je prenesen 1 predmet. U 2018. godini su zaprimljena 2 KTM predmeta, dok je u izvještajnom periodu riješen 1 predmet, tako da su ostala 2 neriješena KTM predmeta.

Podaci o KTA, KTN, KTPOM i KTM predmetima dati su u Tabeli u nastavku.

PODACI O KTA, KTN, KTPOM I KTM PREDMETIMA U 2018. GODINI

VRSTA PREDMETA	U RADU	PRENESENO IZ PRETHODNE GODINE	ZAPRIMLJENI PREDMETI U TEKUĆOJ GODINI	RIJEŠENI PREDMETI
KTA	708	414	294	177
KTN	54	33	21	7
KTPOM/KTEKS	63	41	22	31
KTM	3	1	2	1



2.4. REZULTATI RADA ODJELA III

Tužioci Odjela III su tokom 2017. godine podigli 52 optužnice protiv 66 lica, a riješili su 284 predmeta inicijalne oznake „KT“ protiv 523 lica. U predmetima iz nadležnosti Odjela III oduzeta je imovinska korist pribavljena izvršenjem krivičnih djela u ukupnom novčanom iznosu od 63.268,00 KM.

2.4.1. STRUKTURA KRIVIČNIH DJELA ODJELA III

Vrsta i struktura krivičnih djela u predmetima po kojima postupa Odjel III, Internim kriterijima za raspodjelu predmeta unutar odjela Tužilaštva BiH, datira od 30.06.2009. godine, a određeno je da su u nadležnosti Odjela III sljedeći predmeti:

- a) Predmeti svih krivičnih djela iz nadležnosti Tužilaštva BiH osim:
 - krivičnih djela iz djelokruga rada Posebnog odjela za ratne zločine u smislu člana II Internih kriterija za raspodjelu predmeta od 30.06.2009. godine;
 - krivičnih djela iz djelokruga rada Posebnog odjela za organizirani kriminal, privredni kriminal i korupciju u smislu izmjena Internih kriterija od 30.06.2009. godine.
- b) Predmeti po krivičnim djelima korupcije koja počinje službena lica i odgovorna lica, a koja nisu visoki zvaničnici niti odgovorna lica s najvišim funkcijama u privrednom društvu ili drugim pravnim licima u smislu tačke 3. člana III ovih kriterija.
- c) Predmeti u vezi zahtjeva za izručenje, molbi za pružanje pravne pomoći i pitanja iz oblasti međunarodne pravne pomoći i saradnje.

U cilju pojašnjenja naprijed navedenog, neophodno je istaći da Odjel III radi na svim predmetima iz nadležnosti Tužilaštva BiH, uključujući i neke predmete iz organizovanog kriminala koje glavni tužilac svojom odlukom rasporedi u rad tužiocima ovog odjela. Nadalje, imovinski cenzus odlučan za raspodjelu predmeta u rad Odjelu III, u odnosu na krivična djela iz glave XVIII Krivičnog zakona BiH, tj. krivična djela protiv privrede, jedinstva tržišta, te krivična djela iz oblasti carine, ne prelazi iznos od 1.000.000,00 KM.

Kada su u pitanju krivična djela povrede autorskih prava iz glave XXI Krivičnog zakona BiH, imovinska vrijednost pribavljena izvršenjem navedenog krivičnog djela takođe ne prelazi iznos od 1.000.000,00 KM.

U skladu sa gore navedenim kriterijima u nadležnosti Odjela III su i predmeti trgovine ljudima iz člana 186. Krivičnog zakona BiH i krijumčarenja ljudi iz člana 189. Krivičnog zakona BiH, uvijek kada je u iste involvirano manje od 10 žrtava trgovine ljudima ili krijumčarenih lica, isključujući s tim u vezi predmete nastale kao posljedica izvršenja krivičnih djela pod izuzetno otežavajućim ili posebnim okolnostima. Nadalje ističemo, kao i prethodnih godina, Interni kriteriji su uzrok znatnog priliva predmeta u Odjel III Tužilaštva BiH, s obzirom da se povećao imovinski cenzus u predmetima krivičnih djela protiv privrede i jedinstva tržišta, krivičnih djela iz oblasti carina i krivičnih djela povrede autorskih prava, koji su prema ranije uspostavljenim Internim kriterijima za raspodjelu predmeta od 20.07.2007. godine, inače raspoređivani u rad Posebnom odjelu za organizirani kriminal, privredni kriminal i korupciju.

Pored navedenog, povećanje broja krijumčarenih lica u svim predmetima u odnosu na krivično djelo krijumčarenje ljudi iz člana 189. KZ-a BiH, jednim dijelom doprinijelo je takođe dodatnom prilivu predmeta ove vrste u Odjelu III, a što se u krajnjem odrazilo i na ukupan broj predmeta u radu ovog odjela.



2.4.2. RAD NA KT PREDMETIMA

U toku 2018. godine, u radu Odjela III u „KT” predmetima bilo je ukupno 419 prijava protiv 787 lica, od kojih su zaključno sa 31.12.2018. godine, riješene ukupno 233 prijave protiv 387 lica, na način da je u 97 predmeta protiv 176 lica, donesena naredba o nesprovođenju istrage, u 112 predmeta protiv 155 lica otvorena istraga, te su u 24 predmeta protiv 56 lica, prijave riješene na drugi način, tako da je na kraju posmatranog izvještajnog perioda u radu ostalo još 186 neriješenih prijava u odnosu na predmete, te 400 neriješenih prijava u odnosu na lica u predmetima ove oznake. Podaci o prijavama prikazani su u tabeli u nastavku.

PODACI O PRIJAVAMA U IZVJEŠTAJNOM PERIODU ZA KT PREDMETE ODJELA III

Prenesene prijave iz ranijih godina		Zaprimljene prijave u toku 2018. godine		Ukupno prijava u radu		Nesprovođenje istrage		Naređene istrage		Prijave riješene na drugi način		Ukupno riješeno prijava		Neriješene prijave na kraju izvještajnog perioda	
P	L	P	L	P	L	P	L	P	L	P	L	P	L	P	L
206	430	213	357	419	787	97	176	112	155	24	56	233	387	186	400

Rješavanje prijava Odjela III u izvještajnom periodu može se prikazati na ovaj način: U izvještajnom periodu, Odjel III je sa prijavom starijom od 5 godina, od ukupno 3 predmeta u radu prema 9 lica, riješio 2 predmeta prema 2 lica, sa prijavom starijom od 4 godine, od ukupno 4 predmeta u radu prema 30 lica, riješio 0 predmeta prema 1 licu, sa prijavom starijom od 3 godine, od ukupno 18 predmeta u radu prema 37 lica, riješio 11 predmeta prema 28 lica, sa prijavom starijom od 2 godine, od ukupno 43 predmeta u radu prema 111 lica, riješio 11 predmeta prema 28 lica, te sa prijavom starijom od 1 godine, od ukupno 138 predmeta u radu prema 243 lica, riješio 74 predmeta prema 119 lica.

U pomenutom Odjelu Tužilaštva BiH sa prijavom starijom od 5 godina na kraju izvještajnog perioda, tj. 2018. godine, ostao je neriješen 1 predmet prema 7 lica, sa prijavom starijom od 4 godine, ostala su neriješena 4 predmeta prema 29 lica, sa prijavom starijom od 3 godine, ostalo je neriješeno 7 predmeta prema 9 lica, sa prijavom starijom od 2 godine, ostala su neriješena 32 predmeta prema 83 lica, te sa prijavom starijom od 1 godine, ostala su neriješena 64 predmeta prema 124 lica. Podaci o rješavanju prijava ovog odjela za period od 2003. godine do 2018. godine, prikazani su u tabeli u nastavku.

PODACI O RJEŠAVANJU PRIJAVA ODJELA III ZA PERIOD OD 2003. DO 2018. GODINE

ODJEL III	2003-2013		2014		2015		2016		2017		2018	
PREDMET/LICA	P	L	P	L	P	L	P	L	P	L	P	L
UKUPNO U RADU	3	9	4	30	18	37	43	111	138	243	213	357
UKUPNO RIJEŠENO	2	2	0	1	11	28	11	28	74	119	135	209
UKUPNO NERIEŠENO	1	7	4	29	7	9	32	83	64	124	78	148

U periodu od 01.01.2018. do 31.12.2018. godine, u predmetima Odjela III bilo je ukupno 168 otvorenih istraga protiv 252 lica, od kojih je na dan 31.12.2018. godine, riješeno 110 u odnosu na predmete te 158 u odnosu na lica, odnosno tokom posmatranog izvještajnog perioda obustavljene su 52 istrage protiv 89 lica, podignuto je 57 optužnica protiv 67 lica, te je jedna istraga prema dva lica



riješena na drugi način, tako da je u narednu godinu kao neriješeno preneseno 58 istraga protiv 94 lica. Gore navedeni podaci prikazani su u Tabeli u nastavku.


PODACI O ISTRAGAMA U IZVJEŠTAJNOM PERIODU ZA KT PREDMETE ODJELA III

ODJEL III	2003-2013		2014		2015		2016		2017		2018	
	P	L	P	L	P	L	P	L	P	L	P	L
PREDMET/LICA												
UKUPNO U RADU	15	33	3	7	3	3	6	8	29	46	112	155
UKUPNO RIJEŠENO	2	6	1	2	1	1	4	5	19	32	83	112
UKUPNO NERIJEŠENO	13	27	2	5	2	2	2	3	10	14	29	43

Što se tiče vrste kriminaliteta riješenih istraga, najviše je riješeno predmeta privrednog kriminala, 88 protiv 130 lica. U predmetima korupcije riješeno je 5 istraga protiv 5 lica, u predmetima opšteg kriminala, 16 istraga protiv 18 lica, dok je u predmetima organizovanog kriminala riješena 1 istraga protiv 5 lica.

Odjel III je u izvještajnom periodu ostvario vrlo uspješne rezultate rada tako što je broj podignutih optužnica u toku 2018. godine za 5 veći nego u 2017. godini. Tokom 2018. godine, podignuto je 57 optužnica protiv 67 lica, potvrđeno je 48 optužnica protiv 55 lica, a odbijena je 1 optužnica protiv 1 lica. Podaci o optužnicama dati su u grafikonu u nastavku.

PREGLED PODIGNUTIH OPTUŽNICA U ODJELU III, 2017/2018. GODINA



Struktura krivičnih djela propisanih krivičnim zakonima u Bosni i Hercegovini, na osnovu kojih su podignute optužnice u Odjelu III, data je u Tabeli sa iskazanim brojem predmeta i lica optuženih u predmetima.



STRUKTURA KRIVIČNIH DJELA ZA PODIGNUTE OPTUŽNICE U ODJELU III U 2018. GODINI

KRIVIČNO DJELO PROPISANO KRIVIČNIM ZAKONIMA U BOSNI I HERCEGOVINI	BROJ PODIGNUTIH OPTUŽNICA	
	PRED.	LICA
189. KZ BiH – Krijumčarenje ljudi	2	2
195. KZ BiH – Neovlašteni promet opojnim drogama	2	2
205. KZ BiH – Krivotvorenje novca	5	9
210. KZ BiH – Porezna utaja ili prevara	10	13
212. KZ BiH – Nedopuštena trgovina	2	3
214. KZ BiH – Krijumčarenje	5	5
216. KZ BiH – Carinska prevara	1	2
221. KZ BiH – Pronevjera u službi	1	1
224. KZ BiH – Nesavjestan rad u službi	1	1
243. KZ BiH – Nedoizvoljeno korištenje autorskih prava	2	2
210a. KZ BiH – Nedoizvoljen promet akciznih proizvoda	24	25
241a. KZ BiH – Sprečavanje službene osobe u vršenju službene radnje	1	1
241b. KZ BiH – Napad na službeno lice u vršenju poslova sigurnosti, otkrivanju ili lišenju slobode počinioca krivičnih djela	1	1
Ukupno	57	67

U predmetima Odjela III izrečeno je 49 presuda protiv 56 lica, od kojih su 44 presude protiv 50 lica bile osuđujuće. Od ukupnog broja izrečenih osuđujućih presuda Odjela III, najveći broj se odnosio na optužnice podignute u predmetima privrednog kriminala, jer je u predmetima privrednog kriminala izrečeno ukupno 37 osuđujućih presuda. U izvještajnom periodu, na osnovu rada tužilaca ovog odjela, donesene su prvostepene presude u kojima je Sud BiH izrekao kazne zatvora u ukupnom trajanju od 4 godine i 10 mjeseci i novčane kazne kao glavne ili sporedne u ukupnom iznosu od: 56.000,00 KM.

U 2018. godini, u predmetima Odjela III, zaključeni su sporazumi o priznanju krivice u 32 predmeta prema 35 lica i svi su prihvaćeni tokom izvještajnog perioda. Dakle, nijedan sporazum nije odbijen. Pored navedenog, u posmatranom periodu, u predmetima Odjela III izrečene su 3 oslobađajuće presude prema 3 lica, a takođe su uložene 4 žalbe, dok su tokom izvještajnog perioda 4 žalbe odbijene, a jedna žalba je uvažena.

2.4.3. PREDMETI PRUŽANJA MEĐUNARODNE PRAVNE POMOĆI

Postupanja Odjela III po predmetima koji se odnose na pružanje međunarodne pravne pomoći i izvršenja međunarodnih ugovora u krivičnopravnim stvarima, tj. predmetima izručenja osumnjičenih, optuženih i osuđenih lica imaju oznaku KTPOM, KTEKS.

Naime, ovdje se radi o vrlo značajnim predmetima koji predviđaju sprovođenje postupka ekstradicije, preuzimanje krivičnog gonjenja od strane države, preuzimanje izvršenja krivičnih sankcija



izrečenih u drugim državama od strane Bosne i Hercegovine, te pružanje pravne pomoći u smislu sprovođenja istražnih radnji (prikupljanja dokaza, saslušanja svjedoka i sl.).

U ovim predmetima postupa se u skladu sa konvencijama koje je ratifikovala Bosna i Hercegovina, te u skladu sa međunarodnim bilateralnim, odnosno multilateralnim sporazumima koje je Bosna i Hercegovina potpisala sa drugim državama, a usljed čega je pružanje pravne pomoći i stvarna obaveza za Bosnu i Hercegovinu.

U radu po ovim predmetima, pored Zakona o međunarodnoj pravnoj pomoći u krivičnim stvarima i Zakona o izmjenama i dopunama Zakona o međunarodnoj pravnoj pomoći u krivičnim stvarima, direktno se primjenjuju i međunarodne konvencije i to:

- Evropska konvencija o međusobnom pružanju pravne pomoći u krivičnim stvarima, Strazbur, 20.04.1959. godine;
- Dodatni protokol Evropskoj konvenciji o uzajamnoj pomoći u krivičnim stvarima, Strazbur, 17.03.1978. godine;
- Evropska konvencija o ekstradiciji, Pariz, 13.12.1957. godine;
- Dodatni protokol uz Evropsku konvenciju o ekstradiciji, Strazbur, 15.10.1975. godine;
- Drugi dodatni protokol uz Evropsku konvenciju o ekstradiciji, Strazbur, 17.03.1978. godine;
- Evropska konvencija o prenosu postupka u krivičnim stvarima, Strazbur, 15.03.1972. godine;
- Evropska konvencija o transferu osuđenih lica, Strazbur, 21.03.1983. godine;
- Evropska konvencija o obavještenju o stranom pravu, London, 07.06.1968. godine;
- Konvencija o Centru za sprovođenje zakona u Jugoistočnoj Evropi, Bukurešt, 26.05.1999. godine.

Osim navedenih konvencija, Bosna i Hercegovina je notifikacijom o sukcesiji preuzela veliki broj međunarodnih bilateralnih ugovora o pravnoj pomoći.

U posmatranom periodu, Odjel III je imao u radu ukupno 149 predmeta koji se odnose na postupke pružanja međunarodne pravne pomoći, izručenja lica, izvršenja inostranih sudskih odluka, te provođenja istražnih radnji dokazivanja koje imaju karakter istrage, od kojih je u 2018. godini završeno 87, dok su u radu ostala još 63 predmeta.

U poređenju sa 2017. godinom, evidentno je da je tokom posmatranog izvještajnog perioda riješeno 8 predmeta više, jer je 2017. godine riješeno 79 predmeta ove inicijalne oznake. Nadalje, broj predmeta zaprimljenih tokom 2018. godine, manji je za 24 predmeta u odnosu na 2017. godinu.

Ono što karakteriše ovu vrstu predmeta sa elementom inostranosti je nužno poštivanje strogog formalizma u postupanju po zamolnicama stranih država, što bitno utiče na brzinu i efikasnost u postupanju. Nerijetko se provode kroz ispitivanje potraživanih lica, saslušavanje svjedoka i prikupljanje dokumentacije.

2.4.4. RAD NA OSTALIM VRSTAMA PREDMETA

Kada su u pitanju predmeti inicijalne oznake „KTA”, u posmatranom periodu u radu Odjela III su bila ukupno 442 predmeta. Na kraju izvještajnog perioda, riješeno je ukupno 239 predmeta i to: nesprovođenjem istrage riješena su 103 predmeta, 103 predmeta riješena su na drugi način, dok su 33 predmeta riješena spajanjem na drugi predmet ili prelaskom u drugu vrstu predmeta. Dakle, u 2018. godini riješeno je 15 predmeta više u odnosu na 2017. godinu, jer su u 2017. godini riješena ukupno 224 KTA predmeta. U narednu, 2019. godinu, prenesena su 203 neriješena predmeta. Kada je u pitanju ova vrsta predmeta, treba imati u vidu činjenicu da ulazne informacije koje se zavode u predmete ove vrste, u Tužilaštvo BiH većinom ne dostavljaju agencije za provođenje zakona, nego razni organi i institucije, te fizička lica, te se u navedenim predmetima, u cilju utvrđivanja da li određeni događaji



uopšte predstavljaju krivično djelo, sprovodi niz istražnih radnji koje nerijetko traju duži vremenski period.

Kada su u pitanju predmeti inicijalne oznake „KTN”, odnosno protiv nepoznatih počilaca krivičnih djela, Odjel III je u posmatranom periodu imao u radu ukupno 563 predmeta, od kojih su riješena 272 predmeta, te je u narednu godinu kao neriješen prenesen 291 predmet. Broj „KTN” predmeta riješenih u toku 2018. godine, brojčano je veći za 130 predmeta u odnosu na 2017. godinu, s obzirom da su 2017. godine riješena 142 predmeta ove inicijalne oznake. Budući da su tokom 2018. godine zaprimljena 254 predmeta navedene oznake, evidentno je da je priliv predmeta u odnosu na prošlu godinu smanjen za 126 predmeta.

Kada su u pitanju predmeti inicijalne oznake „KTM”, odnosno u pogledu predmeta koji se odnose na maloljetne počinioce krivičnih djela, Odjel III je u 2018. godini imao u radu ukupno 5 predmeta oznake „KTM” protiv 6 maloljetnih lica. Tokom 2018. godine, riješena su 2 predmeta protiv 2 maloljetnika. Na kraju 2018. godine ostala su u radu 3 „KTM” predmeta u odnosu na 3 maloljetna lica. Tokom 2018. godine, zaprimljena su 3 KTM predmeta, protiv 4 maloljetna lica, identično kao i 2017. godine. Podaci o KTA, KTN, KTPOM i KTM predmetima dati su u Tabeli u nastavku.

PODACI O KTA, KTN, KTPOM/KTEKS I KTM PREDMETIMA U 2018. GODINI

VRSTA PREDMETA	U RADU	PRENESENO IZ PRETHODNE GODINE	ZAPRIMLJENI PREDMETI U TEKUĆOJ GODINI	RIJEŠENI PREDMETI
KTA	442	183	259	239
KTN	563	309	254	272
KTPOM/KTEKS	149	61	87	87
KTM	5	2	3	2

2.5. RAD NA PREDMETIMA KORUPCIJE I ORGANIZOVANOG KRIMINALA

U skladu sa svojom nadležnošću, Tužilaštvo BiH kontinuirano radi na rješavanju predmeta korupcije i organizovanog kriminala. Rezultate rada na ovim predmetima iskazat ćemo u nastavku ovog poglavlja. Na ovim vrstama predmeta u 2018. godini zaduženja su imali tužioci Odjela II i Odjela III. U periodu od 2004. godine do kraja 2018. godine, po optužnicama Tužilaštva BiH, za koruptivna djela pravosnažno je osuđeno 195 lica na 197 godina zatvora.

2.5.1. RAD NA PREDMETIMA KORUPCIJE

Tokom 2018. godine, za krivična djela korupcije zaprimljene su 62 prijave protiv 188 lica, dok je iz ranijeg izvještajnog perioda u rad preneseno 111 prijava protiv 302 lica, tako da su ukupno u radu bile 173 prijave protiv 490 lica. Na kraju izvještajnog perioda ukupno su riješene 74 prijave za 202 lica, dok je u radu ostalo 99 prijava protiv 288 lica. Podaci o prijavama za predmete korupcije prikazani su u tabeli u nastavku.



PODACI O PRIJAVAMA ZA PREDMETE KORUPCIJE U 2018. GODINI

PRIJAVE	Neriješene prijave iz prethodnog perioda		Zaprimljene prijave u toku izvještajnog perioda		Ukupno prijava u radu u izvještajnom periodu		RIJEŠENE PRIJAVE								Neriješene prijave na kraju izvještajnog perioda	
	P	L	P	L	P	L	Naređeno nesprovođenje istrage		Naređene istrage		Prijave riješene na drugi način		Ukupno riješeno prijava		P	L
P/L	P	L	P	L	P	L	P	L	P	L	P	L	P	L	P	L
ODJEL II	64	200	29	92	93	292	13	65	14	35	5	10	32	110	61	182
ODJEL III	47	102	33	96	80	198	21	44	4	4	17	44	42	92	38	106
UKUPNO	111	302	62	188	173	490	34	109	18	39	22	54	74	202	99	288

Kada su u pitanju istrage u predmetima korupcije, ukupno je riješeno 14 istraga protiv 37 lica, od čega je 7 podignutih optužnica protiv 12 lica, a obustavljeno je 7 istraga za 21 lice. Na kraju izvještajnog perioda ostalo je 18 neriješenih istraga protiv 61 lica. Podaci o rješavanju istraga za predmete korupcije prikazani su Tabeli u nastavku.

PODACI O ISTRAGAMA ZA PREDMETE KORUPCIJE U 2018. GODINI

ISTRAGE	Neriješene istrage iz prethodnog izvještajnog perioda		Naređene istrage		Ukupno istraga u radu		RIJEŠENE ISTRAGE								Potvrđene optužnice		Neriješene istrage na kraju izvještajnog perioda	
	P	L	P	L	P	L	Obustavljene istrage		Istrage riješene na drugi način		Podignute optužnice		Ukupno riješeno istraga		P	L	P	L
P/L	P	L	P	L	P	L	P	L	P	L	P	L	P	L	P	L	P	L
ODJEL II	11	56	14	35	25	91	4	18	0	4	5	10	9	32	4	4	16	59
ODJEL III	3	3	4	4	7	7	3	3	0	0	2	2	5	5	1	1	2	2
UKUPNO	14	59	18	39	32	98	7	21	0	4	7	12	14	37	5	5	18	61

Kada je riječ o presudama za krivična djela korupcije, ukupno je doneseno 6 presuda protiv 7 lica, od čega je 5 osuđujućih i 1 odbijajuća presuda. Po osnovu prvostepenih presuda, postupaka po žalbama kao redovnim pravnim lijekovima izjavljenim na prvostepene presude, u izvještajnom periodu za krivična djela korupcije izjavljena je 1 žalba za 1 lice i 1 žalba je odbijena u izvještajnom periodu.

Poređenjem rezultata rada sa 2017. godinom, zaprimljeno je mnogo manje prijave u odnosu na prethodnu godinu, dok se na rješavanju ove vrste predmeta kontinuirano radi.

Detaljnije podatke o radu na predmetima korupcije u Odjelima II i III dajemo u nastavku teksta.

U odnosu na rezultate rada na predmetima korupcije, Odjel II je u 2018. godini u rad zaprimio 29 prijave protiv 92 lica, dok su iz ranijeg izvještajnog perioda u radu ovog Odjela bile 64 prijave protiv 200 lica. Tokom izvještajnog perioda tužiocima Odjela II su riješili 32 prijave protiv 110 lica, a na kraju izvještajnog perioda ostala je neriješena 61 prijava protiv 182 lica. Nadalje, riješeno je 9 istraga protiv 32 lica, od čega je 5 podignutih optužnica protiv 10 lica, na drugi način su riješene istrage za 4 lica, dok su obustavljene 4 istrage protiv 18 lica. Na kraju izvještajnog perioda ostalo je 16 neriješenih istraga protiv 59 lica. Kada je riječ o presudama za krivična djela korupcije ukupno su donesene 3 presude protiv 3 lica, od čega su sve 3 osuđujuće. Po osnovu prvostepenih presuda, postupaka po žalbama kao



redovnim pravnim lijekovima izjavljenim na prvostepene presude, u izvještajnom periodu tužiocima Odjela II nisu ulagali žalbe.

U odnosu na rezultate rada na predmetima korupcije, Odjel III je u 2018. godini u rad zaprimio 33 prijave protiv 96 lica, dok je iz ranijeg izvještajnog perioda u rad ovog Odjela preneseno 47 prijava protiv 102 lica. Tokom izvještajnog perioda tužiocima Odjela III su riješili 42 prijave protiv 92 lica, a na kraju izvještajnog perioda ostalo je neriješeno 38 prijava protiv 106 lica. Nadalje, riješeno je 5 istraga protiv 5 lica, od čega su 2 podignute optužnice protiv 2 lica, a obustavljene su 3 istrage za 3 lica. Na kraju izvještajnog perioda ostale su 2 neriješene istrage protiv 2 lica. Kada je riječ o presudama za krivična djela korupcije ukupno su donesene 2 osuđujuće presude protiv 3 lica. Oslobođajućih presuda u radu tužilaca Odjela III nije bilo u izvještajnom periodu. Po osnovu prvostepenih presuda, postupaka po žalbama kao redovnim pravnim lijekovima izjavljenim na prvostepene presude, u izvještajnom periodu tužiocima Odjela III su uložili 1 žalbu za 1 lice.

Ističemo da su koruptivne radnje sadržane i u većini predmeta privrednog i organizovanog kriminala, a takođe se mogu naći i kod krivičnih djela terorizma, koji predmeti spadaju u Odjel II u kojem je podignuto 107 optužnica. Tužilaštvo BiH je tokom prethodnog izvještajnog perioda VSTV-u BiH dostavilo prijedlog za dopunu jedinstvene liste krivičnih djela korupcije iz KZ-a BiH, a koja djela prema praksi Tužilaštva imaju elemente koruptivnosti.

2.5.2. RAD NA PREDMETIMA ORGANIZOVANOG KRIMINALA

Na predmetima organizovanog kriminala u 2018. godini zaduženja su imali tužiocima Odjela II i tužiocima Odjela III, s tim da su najveći broj zaduženja, a samim tim i bolje rezultate u radu na ovim predmetima, imali tužiocima Odjela II.

Tokom 2018. godine, za krivična djela organizovanog kriminala zaprimljeno je 66 prijava protiv 600 lica, dok je iz ranijeg izvještajnog perioda u radu bilo 69 prijava protiv 1022 lica, tako da su ukupno u radu imali 135 prijava protiv 1622 lica. Tokom izvještajnog perioda riješeno je 66 prijava protiv 689 lica. Na kraju izvještajnog perioda ostalo je neriješeno 69 prijava protiv 933 lica. Navedeni podaci dati su u tabeli u nastavku.

PODACI O PRIJAVAMA ZA PREDMETE ORGANIZOVANOG KRIMINALA U 2018. GODINI

PRIJAVE	Neriješene prijave iz prethodnog perioda		Zaprimljene prijave u toku izvještajnog perioda		Ukupno prijave u radu u izvještajnom periodu		RIJEŠENE PRIJAVE								Neriješene prijave na kraju izvještajnog perioda	
	P	L	P	L	P	L	Naređeno nesprovođenje istrage		Naređene istrage		Prijave riješene na drugi način		Ukupno riješeno prijave		P	L
P/L	P	L	P	L	P	L	P	L	P	L	P	L	P	L	P	L
ODJEL II	65	988	64	589	129	1577	23	357	34	251	5	42	62	668	67	909
ODJEL III	4	34	2	11	6	45	2	14	1	5	1	2	4	21	2	24
UKUPNO	69	1022	66	600	135	1622	25	371	35	256	6	44	66	689	69	933

Ukupno su riješene 33 istrage protiv 250 lica, od čega je 18 podignutih optužnica protiv 89 lica, obustavljeno je 15 istraga protiv 123 lica i riješeno je na drugi način istraga za 38 lica. Na kraju izvještajnog perioda ostalo je 48 neriješenih istraga protiv 593 lica. Detaljniji podaci dati su u tabeli u nastavku.



PODACI O ISTRAGAMA ZA PREDMETE ORGANIZOVANOG KRIMINALA U 2018. GODINI

ISTRAGE	Neriješene istrage iz prethodnog izvještajnog perioda		Naređene istrage		Ukupno istraga u radu		RIJEŠENE ISTRAGE								Potvrđene optužnice		Neriješene istrage na kraju izvještajnog perioda	
							Obustavljene istrage		Istrage riješene na drugi način		Podignute optužnice		Ukupno riješeno istraga					
P/L	P	L	P	L	P	L	P	L	P	L	P	L	P	L	P	L	P	L
ODJEL II	45	585	34	251	79	836	14	118	0	38	18	89	32	245	15	88	47	591
ODJEL III	1	2	1	5	2	7	1	5	0	0	0	0	1	5	0	0	1	2
UKUPNO	46	587	35	256	81	843	15	123	0	38	18	89	33	250	15	88	48	593

Kada je riječ o presudama za krivična djela organizovanog kriminala, ukupno je doneseno 11 presuda protiv 63 lica, od čega je 10 osuđujućih i 1 oslobađajuća. Po osnovu prvostepenih presuda, postupaka po žalbama kao redovnim pravnim lijekovima izjavljenim na prvostepene presude, u izvještajnom periodu izjavljeno je 5 žalbi za 135 lica, s tim da je u izvještajnom periodu uvažena 1 žalba, a 3 žalbe su odbijene.

Detaljnije podatke o radu na predmetima korupcije u Odjelima II i III dajemo u nastavku teksta.

U odnosu na rezultate rada na predmetima organizovanog kriminala, Odjel II je u 2018. godini u rad zaprimio 64 prijave protiv 589 lica, dok je iz ranijeg izvještajnog perioda u rad ovog Odjela preneseno 65 prijava protiv 988 lica. Tokom izvještajnog perioda tužioci Odjela II su riješili 62 prijave protiv 668 lica, a na kraju izvještajnog perioda ostalo je neriješeno 67 prijava protiv 909 lica. Nadalje, riješene su 32 istrage protiv 245 lica, od čega je u 18 predmeta podignuto optužnica protiv 89 lica, na drugi način riješeno je istraga protiv 38 lica, dok je obustavljeno 14 istraga protiv 118 lica. Na kraju izvještajnog perioda ostalo je 47 neriješenih istraga protiv 591 lica. Kada je riječ o presudama, ukupno je doneseno 11 presuda protiv 63 lica, od čega je 10 osuđujućih i 1 oslobađajuća. Po osnovu prvostepenih presuda, postupaka po žalbama kao redovnim pravnim lijekovima izjavljenim na prvostepene presude, u izvještajnom periodu tužioci Odjela II su izjavili 5 žalbi za 13 lica, s tim da je uvažena 1 žalba, a 3 žalbe su odbijene.

U odnosu na rezultate rada na predmetima organizovanog kriminala, Odjel III je u 2018. godini u rad zaprimio 2 prijave protiv 11 lica, dok su iz ranijeg izvještajnog perioda u rad ovog Odjela prenesene 4 prijave protiv 34 lica. Tokom izvještajnog perioda tužioci Odjela III riješili su 4 prijave protiv 21 lica, a na kraju izvještajnog perioda ostale su neriješene 2 prijave protiv 24 lica. Ovaj odjel je u fazi istrage riješio 1 istragu obustavljanjem, a na kraju izvještajnog perioda ostala je neriješena 1 istraga protiv 2 lica.

Konstatujemo da je u izvještajnom periodu ostvaren napredak u radu na predmetima organizovanog kriminala, tako što se i prijave i istrage blagovremeno rješavaju, a rezultati rada su jasni pokazatelji da je kvalitet u radu na ovim predmetima na zavidnom nivou.

Cijenimo da je napravljen napredak u rješavanju predmeta korupcije, te rješavanju ostalih najtežih vrsta predmeta koji se odnose na organizovani kriminal, ratne zločine, privredni kriminal, terorizam, te krivična djela sa međunarodnim i prekograničnim elementima i druge vrste predmeta za koje je nadležno Tužilaštvo BiH. Tužilaštvo BiH je u uspješnoj saradnji sa policijskim agencijama i intenzivnom saradnjom provelo niz aktivnosti iz svojih nadležnosti po pitanju suzbijanja navedenih vrsta kriminala, što će nastaviti i u budućnosti.



2.6. RAD NA PREDMETIMA TERORIZMA UZ OSVRT NA RAD UDARNE GRUPE ZA BORBU PROTIV TERORIZMA

Tužilaštvo BiH aktivno radi na dostavljenim informacijama u predmetima terorizma u Bosni i Hercegovini. Trenutno se u Tužilaštvu BiH provodi veći broj predistražnih i istražnih radnji, a odnose se na krivična djela terorizam iz člana 201., finansiranje terorističkih aktivnosti iz člana 202., javno podsticanje na terorističke aktivnosti iz člana 202a., te krivično djelo vrbovanje radi terorističkih aktivnosti iz člana 202b. Krivičnog zakona Bosne i Hercegovine. U 2004. godini, Odlukom Vijeća ministara Bosne i Hercegovine, uspostavljena je Grupa za borbu protiv terorizma i jačanje sposobnosti za borbu protiv terorizma (Udarne grupa). Osnivanjem ove Udarne grupe, institucionalizirana je borba protiv terorizma u Bosni i Hercegovini. Udarnom grupom za borbu protiv terorizma rukovodi glavni tužilac Tužilaštva Bosne i Hercegovine.

Tužilaštvo BiH se susreće sa različitim pojavnim oblicima terorističkog djelovanja na području Bosne i Hercegovine, a koja su propisana Krivičnim zakonom Bosne i Hercegovine. Naročito se izdvajaju predistražne radnje usmjerene na dokazivanje krivičnog djela iz člana 202a. javno podsticanje na terorističke aktivnosti. Ove radnje obavlja Operativna grupa koju čine predstavnici policijskih agencija, koja zaprima prikupljene informacije, te vrši provjere na osnovu kojih Tužilaštvo BiH u saradnji sa Sudom Bosne i Hercegovine sprovodi posebne istražne radnje iz člana 116. Zakona o krivičnom postupku Bosne i Hercegovine prema licima koja se dovode ili mogu dovesti u vezu sa izvršenjem ovog krivičnog djela. Članovi Operativne grupe sudjeluju u provođenju potrebnih istražnih radnji na terenu te su direktno ili indirektno, vršeći provjere kroz raspoložive evidencije svojih agencija, ustupali prikupljene podatke i saznanja agencijama koje su bile zadužene za vođenje istrage. Operativnom grupom rukovodi tužilac Tužilaštva Bosne i Hercegovine. Bitno je istaći da se prioritetni zadaci Tužilaštva BiH, kao i istražne radnje koje se u okviru borbe protiv svih oblika terorizma preduzimaju, odnose na prioritetne predmete koji su delegirani od strane Udarne grupe za borbu protiv terorizma. Operativna grupa vrši presjeke informacija i saznanja koji se potom dostavljaju Tužilaštvu BiH, te se u odnosu na određeni broj lica vrše, kako predistražne, tako i istražne radnje a sve u cilju provjera ili dokumentovanja krivičnih djela terorizma. Tužilaštvo BiH zaprima informacije o prikupljenim saznanjima od strane svih policijskih agencija u BiH. Dostavljene informacije se dalje prosljeđuju Operativnoj grupi koja dobijene informacije pohranjuje u bazu podataka i pomoću koje se vrši profiliranje i identifikacija lica koja se mogu dovesti i dovode u vezu sa terorističkim aktivnostima na području Bosne i Hercegovine. Primjenom novih zakonskih rješenja u Krivičnom zakonu Bosne i Hercegovine, Tužilaštvu BiH se omogućava da blagovremeno preduzima sve neophodne predistražne i istražne radnje u cilju sprečavanja počinjenja ovih krivičnih djela. Bitna za napomenuti je i činjenica da Tužilaštvo BiH u proteklom periodu sprovodi istrage prema određenom broju lica za koja postoje osnovi sumnje da sami ili putem svojih posrednika direktno ili indirektno finansiraju određene terorističke aktivnosti, koje su prije svega usmjerene na vrbovanje ili propagandu za počinjenje terorističkog čina.

Kada je riječ o finansiranju terorističkih aktivnosti na području Bosne i Hercegovine, Finansijsko-obavještajno odjeljenje pri Državnoj agenciji za istrage i zaštitu, shodno naredbama Tužilaštva BiH te Zakonu o sprečavanju pranja novca i finansiranja terorističkih aktivnosti, izvršava određene provjere sumnjivih finansijskih transakcija te iste prosljeđuje Operativnoj grupi kako bi se identifikovali pošiljaoci i primaoci novčanih transakcija. Tužilaštvo BiH takođe redovno uspostavlja i saradnju sa drugim državama u cilju prikupljanja i razmjene informacija o licima koja se dovode u vezu sa izvršenjem krivičnih djela terorizma. U tom pravcu je održano nekoliko sastanaka sa predstavnicima policijskih agencija te su dogovorene dalje zajedničke aktivnosti koje će se realizovati u toku 2019. godine.



Zbog oružanih sukoba koji se odvijaju na području Sirije, veći broj bosanskohercegovačkih državljana koji su aktivni članovi ISIL-a napuštaju ratom zahvaćena područja, te se upućuju u druge države u kojima dolazi do njihovog lišenja slobode. Imajući u vidu činjenicu da je Sud Bosne i Hercegovine raspisao Interpolove potjernice za lica koja se nalaze na stranim ratištima, ista će kroz postupak ekstradicije biti dostupna pravosuđu BiH, na koji način će biti omogućeno procesuiranje tih lica pred Sudom Bosne i Hercegovine. Po naredbama tužilaca Tužilaštva BiH članovi Operativne grupe su bili uključeni, direktno ili indirektno, u svaki od registrovanih događaja u BiH, odnosno u sigurnosno-interesantne događaje gdje je postojala sumnja u povezanost sa terorizmom ili krivičnim djelima koja imaju obilježja terorizma, zatim prijetnje predstavnicima vlasti u BiH, predstavnicima međunarodnih organizacija i institucija i slične događaje.

Rezultati rada na predmetima za krivična djela terorizma su sljedeći: u 2018. godini, u rad je zaprimljeno 11 prijava protiv 26 lica, dok je iz ranijeg izvještajnog perioda u rad preneseno 40 prijava protiv 59 lica, tako da je u radu ukupno bila 51 prijava protiv 85 lica. Tokom izvještajnog perioda riješene su 24 prijave protiv 29 lica. Na kraju izvještajnog perioda ostalo je neriješeno 27 prijava protiv 56 lica. Podaci o prijavama dati su u tabeli u nastavku.

PODACI O PRIJAVAMA ZA PREDMETE TERORIZMA U 2018. GODINI

PRIJAVE	Neriješene prijave iz prethodnog perioda		Zaprimljene prijave u toku izvještajnog perioda		Ukupno prijava u radu u izvještajnom periodu		RIJEŠENE PRIJAVE								Neriješene prijave na kraju izvještajnog perioda	
							Naređeno nesprovođenje istrage		Naređene istrage		Prijave riješene na drugi način		Ukupno riješeno prijava			
P/L	P	L	P	L	P	L	P	L	P	L	P	L	P	L	P	L
UKUPNO	40	59	11	26	51	85	8	10	16	18	0	1	24	29	27	56

Istrage u predmetima koji se odnose na terorizam u 2018. godini riješene su na sljedeći način: iz ranijeg perioda preneseno je 20 istraga protiv 22 lica, u radu je bilo 36 istraga protiv 40 lica, riješeno je 8 istraga protiv 9 lica, s tim da je 6 istraga protiv 6 lica riješeno obustavom istrage, a rad na 2 istrage protiv 3 lica je rezultirao podizanjem optužnica. Podaci o istragama dati su u tabeli u nastavku.

PODACI O ISTRAGAMA ZA PREDMETE TERORIZMA U 2018. GODINI

ISTRAGE	Neriješene istrage iz prethodnog izvještajnog perioda		Naređene istrage		Ukupno istraga u radu		RIJEŠENE ISTRAGE								Potvrđene optužnice		Neriješene istrage na kraju izvještajnog perioda	
							Obustavljene istrage		Istrage riješene na drugi način		Podignute optužnice		Ukupno riješeno istraga					
P/L	P	L	P	L	P	L	P	L	P	L	P	L	P	L	P	L		
UKUPNO	20	22	16	18	36	40	6	6	0	0	2	3	8	9	2	3	28	31

Kada je riječ o presudama za krivična djela terorizma, donesene su 2 pravosnažne presude protiv 2 lica. Po osnovu prvostepenih presuda, postupaka po žalbama kao redovnim pravnim lijekovima izjavljenim na prvostepene presude, u izvještajnom periodu izjavljena je 1 žalba za 1 lice, s tim da je ista i uvažena.

Tužilaštvo BiH posvećuje posebnu pažnju radu na predmetima krivičnih djela terorizma, a da bi se došlo do konačnih tužilačkih odluka mora prethoditi dobra saradnja sa obavještajnim agencijama i Državnom agencijom za istrage i zaštitu, te međunarodnim agencijama i institucijama u cilju suzbijanja ove vrste kriminaliteta, što se i pokazalo u prethodnom periodu kroz rad tužilaca ovog odsjeka, rad Udarne grupe i Operativne grupe za borbu protiv terorizma.



2.7. RAD NA PREDMETIMA TRGOVINE LJUDIMA I ORGANIZOVANE ILEGALNE IMIGRACIJE UZ OSVRT NA UDARNU GRUPU ZA BORBUTRGOVINE LJUDIMA I ORGANIZOVANE ILEGALNE IMIGRACIJE

Rad na predmetima trgovine ljudima i organizovane ilegalne imigracije odvija se kroz Udarne grupu za borbu protiv trgovine ljudima i organizovane ilegalne imigracije (u daljem tekstu „Udarne grupa“), čiji rad i nadležnosti će biti detaljnije prezentirane u nastavku ovog poglavlja.

Udarne grupa za borbu protiv trgovine ljudima i organizovane ilegalne imigracije formirana je od strane Vijeća ministara BiH Odlukom o formiranju Udarne grupe za borbu protiv trgovine ljudima i organizovane ilegalne imigracije („Službeni glasnik BiH“, broj 3/04), sa izmjenama i dopunama Odluke o formiranju Udarne grupe za borbu protiv trgovine ljudima i organizovane ilegalne imigracije („Službeni glasnik BiH“, broj 103/06).

Saradnja sa Uredom državnog koordinatora za borbu protiv trgovine ljudima i ilegalne imigracije zasniva se na Memorandumu o saradnji, s tim da je državni koordinator i stalni član Udarne grupe, koji je isto kao i svi članovi Udarne grupe imenovan rješenjem Ministarstva sigurnosti BiH. Uključivanje državnog koordinatora u rad Udarne grupe se pokazalo korisnim za realizaciju operativnih aktivnosti Udarne grupe, a imajući u vidu strateške ciljeve koji su definisani u Strategiji za borbu protiv trgovine ljudima, čije sprovođenje je povjereno Ministarstvu sigurnosti BiH - Uredu državnog koordinatora za borbu protiv trgovine ljudima i ilegalne imigracije.

Unaprijeđena je saradnja i sa nevladinim organizacijama putem neposrednog kontakta na konkretnim slučajevima, a posebno saradnja sa Međunarodnim forumom solidarnosti EMMAUS, čiji predstavnik redovno prisustvuje sastancima Udarne grupe i izvještava o podršci i pomoći koju pružaju žrtvama trgovine ljudima. Članovi Udarne grupe sudjeluju u edukativnim aktivnostima koje organizuje Međunarodni forum solidarnosti - EMMAUS, a sudjeluju i u svojstvu predavača na seminarima koje su organizovale nevladine i međunarodne organizacije/NVO, Međunarodni forum solidarnosti EMMAUS, OSCE, UNICEF, ICMPD, UNDP, Save The Children i drugi. Takođe, članovi Udarne grupe iz reda tužilaca bili su angažovani u radne grupe koje je formiralo Ministarstvo sigurnosti BiH, te su na taj način bili uključeni u projekte koji se vežu za oblast trgovine ljudima, dječije pornografije, seksualnog zlostavljanja djece i drugih srodnih oblasti. Članovi Udarne grupe uključeni su u radne grupe međunarodnog nivoa, kao što su JIT (Zajednički istražni tim), projekat koji realizuje Ministarstvo pravde BiH i TRM (Transnacionalni regionalni timovi) za borbu protiv trgovine ljudima i organizovane ilegalne imigracije - ICMPD i UNDP.

Rezultati rada na predmetima za ovu vrstu krivičnih djela su sljedeći: u 2018. godini, u rad je zaprimljeno 149 prijava protiv 290 lica. Tokom izvještajnog perioda naređeno je 59 istraga protiv 127 lica, dok je podignuto 39 optužnica protiv 66 lica. Na kraju izvještajnog perioda za ovu vrstu krivičnih djela presuđeno je u 23 predmeta protiv 37 lica. Podaci o rješavanju predmeta za krivična djela trgovine ljudima i organizovane ilegalne imigracije dati su u tabeli u nastavku.

PREGLED RJEŠAVANJA PREDMETA ZA KRIVIČNA DJELA TRGOVINE LJUDIMA I ORGANIZOVANE ILEGALNE IMIGRACIJE U 2018. GODINI

REZULTATI RADA	Zaprimljene prijave		Naredbe o sprovođenju istrage		Podignute optužnice		Presude	
	P	L	P	L	P	L	P	L
UKUPNO	149	290	59	127	39	66	23	37



3. OSTVARIVANJE FUNKCIJE TUŽILAŠTVA KROZ DRUGE AKTIVNOSTI

U prethodnim poglavljima ove informacije izložen je pregled djelovanja tužilačkih odjela kroz koje se suštinski i realizuje funkcija Tužilaštva BiH. Ipak, Tužilaštvo BiH svoju funkciju ostvaruje i kroz druge aktivnosti koje ne spadaju u postupanje po pojedinačnim krivičnim predmetima. Pregled najznačajnijih aktivnosti ove vrste izložen je u poglavljima koja slijede.

3.1. RAD UPRAVE TUŽILAŠTVA BiH

U toku 2018. godine, kao i u prethodnom periodu, u okviru uprave Tužilaštva BiH pružana je podrška radu tužilačkih odjela u smislu pružanja posebne stručne podrške radu tužilaca u krivičnim predmetima, kao i opšte podrške u smislu obezbjeđenja obavljanja stručnih, administrativno-tehničkih i opštih poslova, kojima se stvaraju neophodni uslovi za rad tužilaca. Aktivnim postupanjem uprave Tužilaštva BiH realizira se i učešće Tužilaštva BiH u aktivnostima vezanim za proces evropskih integracija, programiranje i implementaciju raznih projekata, postupanje po zahtjevima podnesenim na osnovu Zakona o zaštiti tajnih podataka kao i zahtjeva podnesenih na osnovu Zakona o slobodi pristupa informacijama i drugih zahtjeva raznih institucija, nevladinih organizacija i građana, dostavljanja Visokom sudskom i tužilačkom vijeću BiH raznih podataka neophodnih za njihov rad, izvještaja i drugo. Na predmetima A, A-I i A-R postupa se u Kabinetu glavnog tužioca i Uredu sekretara, a po znatno manjem broju ovih predmeta postupa se u okviru tužilačkih odjela. Na predmetima sa oznakom P postupa se u Odjelu za pravne, druge stručne, administrativno-tehničke i opšte poslove. Na predmetima sa oznakom R postupa se u Odjelu za materijalno-finansijske poslove.

3.2. AKTIVNOSTI KABINETA GLAVNOG TUŽIOCA

Kabinet glavnog tužioca je pružao podršku u radu glavnog tužioca po pitanjima koja su od opšteg značaja za rad Tužilaštva BiH.

Dinamika aktivnosti i poslova u Kabinetu glavnog tužioca artikulirala se kroz različite stručne sastanke, konferencije i seminare, kako sa domaćim tako i sa stranim stručnjacima. Cilj ovih aktivnosti bio je da se pojačaju stručni kapaciteti Tužilaštva BiH razmjenom mišljenja i znanja u oblasti prava.

Kabinet glavnog tužioca je učestvovao u organizaciji niza posjeta Tužilaštvu BiH od strane Međunarodnog krivičnog suda za bivšu Jugoslaviju, različitih predstavnika diplomatskog kora, međunarodnih organizacija i nevladinih organizacija.

Poseban značaj dat je komunikaciji sa predstavnicima Evropske komisije, koji kroz IPA fondove daju značajnu podršku radu Tužilaštvu BiH.

Aktivnosti Kabineta bile su usmjerene i ka regionalnoj saradnji po pitanju procesuiranja ratnih zločina, te su održavani sastanci na ovu temu kako sa tužilaštvima iz regiona, tako i sa glavnim tužiocem Tužilaštva MKSJ-a Sergeom Brammertzom.

U pogledu zaprimljenih predmeta, u radu Kabineta u 2018. godini je formirano 516 A predmeta. Od toga je završeno i arhivirano 146 predmeta, a u radu je ostalo 370 predmeta, te je završeno i arhivirano još 87 A predmeta formiranih u ranijem periodu, prije 2018. godine. U 2018. godini formiran je 661 A-I predmet, od kojih su završena i arhivirana 502 predmeta, a u radu je ostalo 159 predmeta.




Uz to je završeno i arhivirano još 80 A-I predmeta, koji su formirani u ranijem periodu, prije 2018. godine. Kabinet glavnog tužioca je iskazao ažurnost i na obradi predmeta oznake A-R, kojih je u 2018. godini formirano 254, od kojih je završeno i arhivirano 107 predmeta, a u radu je ostalo 147 predmeta, te su završena i arhivirana još 52 A-R predmeta, formirana u ranijem periodu, prije 2018. godine.

Pored svih aktivnosti Kabineta glavnog tužioca koje su prethodno obrađene, Kabinet glavnog tužioca je postupao i u predmetima po pritužbama na odluke tužilaca (AP i KTP predmeti), pa je od ukupno 101 predmeta u radu u 2018. godini završeno i arhivirano ukupno 48 predmeta, od kojih je u 5 predmeta pritužba uvažena, a u 43 predmeta pritužba je odbijena, odnosno odbačena.

Gore navedeni podaci o rješavanju pritužbi na odluke tužilaca dati su na Grafikonu u nastavku.

PREGLED RJEŠAVANJA PRITUŽBI NA ODLUKE TUŽILACA U 2018. GODINI



3.3. SARADNJA TUŽILAŠTVA BiH SA INSTITUCIJAMA EU I AKTIVNOSTIMA U Približavanju evropskim integracijama

Bosna i Hercegovina je na putu evropskih integracija u cilju pristupanja EU ostvarila vidljiv napredak u smislu aktivnosti od regionalnog značaja, međunarodnih obaveza, vladavine prava i tranzicijske pravde pa su institucije Evropske unije i Evropske komisije tokom 2018. godine, u svojim dokumentima i izvještajima iznosile podršku naporima Tužilaštva BiH u jačanju vladavine prava u Bosni i Hercegovini, a predstavnici Tužilaštva BiH su se u više navrata sastajali sa zvaničnicima iz Evropske unije. Tužilac Mehanizma za međunarodne krivične sudove Serge Brammertz je u svom obraćanju Vijeću sigurnosti UN-a krajem 2018. godine istaknuo da je Mehanizam nastavio davati podršku daljem provođenju Strategije okončanja rada Međunarodnog suda za bivšu Jugoslaviju, te da je sa njegovim zatvaranjem dalje utvrđivanje odgovornosti za zločine sada u potpunosti zavisno od nacionalnog pravosuđa u zemljama bivše Jugoslavije, a da je Tužilaštvo Mehanizma nastavilo pružati pomoć, posebno omogućavanjem pristupa zbirci dokaza Tužilaštva i pružanjem stručne pomoći.

Navedeno je da se Tužilaštvo Mehanizma i dalje oslanja na punu saradnju država u cilju uspješnog okončanja svog mandata, te da je saradnja sa Bosnom i Hercegovinom tokom izvještajnog perioda bila zadovoljavajuća, kao i to da je neophodna pomoć kako bi se pružila podrška krivičnom gonjenju u predmetima vezanim za ratne zločine pred nacionalnim sudovima u bivšoj Jugoslaviji, jer je to od suštinske važnosti za postizanje veće pravde za žrtve, izgradnju i održavanje vladavine prava, utvrđivanje istine o onome što se dešavalo i podsticanje pomirenja. Naznačeno je da su neophodne odlučne mjere u cilju poboljšanja regionalne pravosudne saradnje u vezi sa ratnim zločinima između zemalja bivše Jugoslavije, kako bi se osiguralo da ratni zločinci ne pronalaze utočište u okolnim



zemljama, pri čemu je posebno istaknuto da Tužilaštvo Mehanizma pozdravlja plodnu saradnju koja se razvila i nastavila između Tužilaštva Bosne i Hercegovine i Tužilaštva za ratne zločine Srbije.

Naglašeno je da je Tužilaštvo Mehanizma sa zadovoljstvom nastavilo voditi pozitivne razgovore sa vršiteljicom dužnosti glavnog tužioca Tužilaštva Bosne i Hercegovine u vezi dalje saradnje u procesuiranju ratnih zločina, da je istaknuta želja za još tješnjom saradnjom, te da je Tužilaštvo Mehanizma riješeno nastaviti pružati podršku radu Tužilaštvu Bosne i Hercegovine, posebno u vezi sa zajedničkim ciljem uspješnog provođenja Državne strategije za rad na predmetima ratnih zločina.

U obraćanju Vijeću sigurnosti UN-a istaknuto je i to da je Tužilaštvo Bosne i Hercegovine nastavilo podizati važne optužnice u složenim predmetima protiv lica visokog i srednjeg ranga, a takav rad rezultirao je izricanjem bitnih osuđujućih presuda, te da Tužilaštvo Mehanizma očekuje dalji napredak u rješavanju predmeta koji su zajednički identifikovani kao važan prioritet za dalje postupanje.

U Saopštenju Evropske komisije Evropskom parlamentu, Vijeću, Evropskom ekonomskom i socijalnom odboru i Odboru regija, pod nazivom „Izveštaj o Bosni i Hercegovini za 2018. godinu“ od 17.04.2018. godine naglašeno je da je Bosna i Hercegovina dostigla određeni nivo pripremljenosti za provođenje *acquis-a* i evropskih standarda u ovoj oblasti, te je istaknuto da je postignut određen napredak u vezi sa pravosuđem, iako su se reforme generalno sporo odvijale.

Istaknuta je potreba za jačanjem vladavine prava, te da su osnaženo i nezavisno sudstvo, kao i odgovorne vlade i uprave osnova za sprovođenje trajnih društvenih promjena koje su neophodne.

Značajno je napomenuti da rad na predmetima ratnih zločina i predmetima privrednog, organizovanog kriminala i korupcije u velikoj mjeri ovisi o budžetskim sredstvima i popunjenosti kadrovskih kapaciteta, kako je Tužilaštvo BiH u više navrata isticalo.

3.4. RAD ODJELA ZA ODNOS E S JAVNOŠĆU TUŽILAŠTVA BiH

Tužilaštvo Bosne i Hercegovine redovno izvještava javnost o predmetima u kojima ovo tužilaštvo postupa, ako to ne šteti interesima postupka i kada za to postoji interesovanje javnosti. Komuniciranje sa zainteresovanim stranama je izuzetno važan proces u poboljšanju razumijevanja rada i djelovanja ove institucije, kao i transparentnosti u radu.

U izvještajnom periodu Odjel za odnose s javnošću Tužilaštva BiH je informisao javnost o svakodnevnom aktivnostima koje provodi Tužilaštvo BiH.

Informacije o radu Tužilaštva BiH, Odjel za odnose s javnošću je pripremao i dostavljao elektronskim i printanim medijima u Bosni i Hercegovini i regionu. Pored dostavljanja informacija o radu Tužilaštva BiH gore navedenim medijima, odjel je informisao građanstvo dnevnom ažurnošću informacija koje su objavljivane i putem web stranice Tužilaštva BiH.

Odjel za odnose s javnošću Tužilaštva BiH redovno i ažurno dostavlja informacije medijima po njihovim upitima, što ima za cilj blagovremeno informisanje javnosti o aktivnostima i događajima koji su vezani za rad i postupanje na predmetima iz nadležnosti Tužilaštva BiH.

Tokom 2018. godine, Odjel za odnose s javnošću Tužilaštva BiH je plasirao oko 250 vijesti i saopštenja za printane i elektronske medije, sve to dokumentujući adekvatnim video materijalom dostupnim uz date informacije. Pored informisanja javnosti vezano za operativne aktivnosti Tužilaštva BiH, odjel je u izvještajnom periodu informisao javnost i o aktivnostima vršiteljice dužnosti glavnog tužioca. Na službenoj internet stranici Tužilaštva BiH zabilježeno je ukupno 197.214 pregleda, što iznosi 540 pregleda dnevno.



3.5. EDUKACIJA TUŽILACA I STRUČNOG OSOBLJA TUŽILAŠTVA BIH U 2018. GODINI

Tužioci i stručno osoblje imaju obavezu prisustva edukacijama koje se organizuju od strane centara za edukaciju sudija i tužilaca u Federaciji Bosne i Hercegovine i Republici Srpskoj. Navedeni centri su ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope.

Naprijed navedene edukacije su u toku 2018. godine organizovane od strane entitetskih centara za edukaciju sudija i tužilaca u saradnji sa Misijom OSCE-a u BiH, Pravosudnom komisijom Brčko distrikta BiH, Udruženjem ARBITRI, sa Visokim sudskim i tužilačkim vijećem Bosne i Hercegovine u okviru projekta „Jačanje tužilačkih kapaciteta u sistemu krivičnog pravosuđa“ i USAID-ovog Projekta pravosuđa u BiH, sa Vijećem Evrope, Programom edukacije pravnih profesionalaca o Evropskoj konvenciji o ljudskim pravima /HELP program/ i projektom „Jačanje kapaciteta institucije Ombudsmana za ljudska prava u borbi protiv diskriminacije“, Ambasdom SAD-a putem Ureda američkog Ministarstva pravde za razvoj, pomoć i edukaciju tužilaštava u prekomorskim zemljama (OPDAT), Vijećem Evrope u okviru projekta „Jačanje pravosudne ekspertize o slobodi izražavanja i medija u Jugoistočnoj Evropi - JUFREX“, OSCE-ovim projektom „Praćenje rada na predmetima ratnih zločina“ u saradnji sa Mehanizmom za međunarodne krivične sudove (MMKS), Njemačkom fondacijom za međunarodnu pravnu saradnju (IRZ), Sarajevskim otvorenim centrom (SOC), sa Twinning projektom IPA 2013 „Podrška borbi protiv pranja novca“, Udruženjem sudija/sudaca u Federaciji BiH, Udruženjem sudija Bosne i Hercegovine, Udruženjem sudija Republike Srpske, Udruženjem tužilaca Bosne i Hercegovine, Udruženjem tužilaca/tužitelja Federacije BiH, Udruženjem tužilaca Republike Srpske, Advokatskim komorama Federacije BiH i Republike Srpske, sa Udruženjem „EkoLog“, OPDAT-om i Ambasdom SAD-a u BiH te stalnim partnerom NVO „CRPC“, sa projektom „Borba protiv organizovanog kriminala“ koji u BiH implementira GIZ, uz CILC - Centar za međunarodnu pravnu saradnju Holandije i Ministarstvo unutrašnjih poslova Italije, sa Međunarodnim programom pomoći u kriminalističkoj obuci (ICITAP), Ambasdom Ujedinjenog Kraljevstva, UNICEF-om, udruženjem Međunarodni forum solidarnosti – EMMAUS, Ministarstvom sigurnosti BiH, Ambasdom Republike Francuske u BiH, Programom HELP Vijeća Evrope, Pravnim fakultetom Univerziteta u Banjoj Luci, sa saorganizatorima Advokatskom i Notarskom komorom RS, Pravnim fakultetom Univerziteta u Istočnom Sarajevu, sa GIZ-om, Heinrich Böll fondacijom, sa organizacijom TRAIL INTERNATIONAL, Atlantskom inicijativom, AIRE Centrom London i Ustavnim sudom BiH, te uz finansijsku podršku vlada Njemačke, Švicarske i Norveške.

Obaveza svakog tužioca, prema entitetskim zakonima o centrima za edukaciju, je provođenje minimalne edukacije od tri dana godišnje. U posmatranom periodu, tužioci su se, pored pohađanja obaveznih zakonom propisanih seminara, aktivno uključili i u ostale procese edukacije tužilaca, a isto tako su bili angažovani i kao edukatori, predavači, panelisti i moderatori, te su prenosili svoja znanja i iskustva učesnicima seminara.

Tužioci su, u periodu obuhvaćenom ovom informacijom, svoje znanje proširivali na seminarima i konferencijama na sljedeće teme:

- Razlikovanje krivičnog djela trgovine ljudima i krivičnog djela zapuštanje ili zlostavljanje djeteta;
- Arbitraža;
- Zakonitost dokaza i priprema optužnica - aktuelni izazovi i dobre prakse (specijalizacija tužilaca Korupcija);
- Međunarodna pravna pomoć u krivičnim stvarima;
- Unapređenje saradnji i razmjena iskustava u predmetima nasilja u porodici;
- Korupcija u javnim nabavkama;



- Oblici provođenja organizovanog kriminala putem korištenja informacionih tehnologija, uključujući društvene mreže – izazovi savremenog doba (specijalizacija tužilaca);
- Finansijska i forenzička istraga i oduzimanje imovinske koristi stečene krivičnim djelom – aktuelni izazovi i dobre prakse (specijalizacija tužilaca Organizovani i privredni kriminal);
- Seksualno nasilje nad djecom i odraslima;
- Troškovi krivičnog postupka;
- Sistem elektronskog pristupa dokazima MKSJ-a;
- Javne nabavke u Bosni i Hercegovini – identifikacija korupcije u javnim nabavkama;
- Finansijska i forenzička istraga i oduzimanje imovinske koristi stečene krivičnim djelom – aktuelni izazovi i dobre prakse (specijalizacija tužilaca Korupcija);
- Baza sudskih odluka CSD-a VSTV-a i TCMS;
- Pregovaranje u krivičnom postupku;
- Etički standardi sa posebnim fokusom na sprečavanje sukoba interesa u pravosuđu BiH;
- Analiza, čuvanje i korištenje elektronskih dokaza i međunarodna saradnja – aktuelni izazovi i dobre prakse (specijalizacija tužilaca Kibernetički kriminal);
- Etika i integritet;
- Zakonitost dokaza i priprema optužnice – aktuelni izazovi i dobre prakse (specijalizacija tužilaca Organizovani i privredni kriminal);
- Zaštita temeljnih prava u EU i BiH;
- I Savjetovanje iz prekršajno-pravne oblasti;
- Pisanje optužnica, žalbi i drugih akata u predmetima ratnih zločina;
- Edukacija u organizaciji Twinning projekta IPA 2013 „Podrška borbi protiv pranja novca“;
- XVII savjetovanje iz krivične oblasti „Aktuelna pitanja krivičnog prava u Bosni i Hercegovini – 15. godina reforme krivičnog zakonodavstva, prijedeni put i pogled naprijed“;
- Sprovođenje istrage i zajednički istražni timovi;
- Krijumčarenje ugroženih vrsta i CITES konvencija;
- Prošireno oduzimanje imovinske koristi pribavljene krivičnim djelom;
- Posebne istražne radnje – relevantne odredbe EKLJP i praksa Evropskog suda za ljudska prava;
- Mjere zaštite oštećenog kao svjedoka;
- Pranje novca;
- Tehnike izrade tužilačkih akata;
- Seminar o zaštiti ličnih podataka;
- Oduzimanje imovinske koristi pribavljene izvršenjem krivičnog djela;
- Krivična djela protiv sigurnosti javnog prometa u krivičnopravnoj teoriji i sudskoj praksi;
- Pravo na slobodu izražavanja – član 10. EKLJP;
- Tehnike rješavanja stresnih situacija u radu;
- Istraga i presuđivanje slučajeva koji uključuju strane terorističke borce u jugoistočnoj Evropi;
- Visokotehnološki kriminal;
- Forenzičko računovodstvo;
- XI savjetovanje tužilaca u Bosni i Hercegovini;
- Visokotehnološki kriminal;
- Radionica “Komandna odgovornost”;
- Borba protiv međunarodnog organizovanog kriminala;
- XV savjetovanje Oktobarski pravnički dani „Izgradnja i funkcionisanje pravnog sistema“;
- Jednakost spolova i zaštita od nasilja u porodici;
- Radionica “Udruženi zločinački poduhvat”;



- Praksa Vrhovnog suda F BiH iz krivične oblasti;
- Vještine zastupanja optužnice;
- Regionalna konferencija za sudije, tužioce i advokate o slobodi izražavanja: Pravo na privatnost i dobro upravljanje pravosuđem;
- Forenzička daktiloskopija;
- Upravljanje vremenom i efikasno obavljanje radnih zadataka;
- Radnje dokazivanja i zakonitost dokaza;
- Forenzička biologija;
- Seksualno nasilje u ratu;
- Imovinskopravni zahtjevi u krivičnom postupku;
- Aktuelna praksa Ustavnog suda Bosne i Hercegovine po apelacijama iz krivične oblasti;
- Vještine komunikacije i psihologija sudnice;
- Seksualno uznemiravanje u pravosuđu u sudskoj praksi – zakonski okvir i izazovi;

Početna obuka stručnih saradnika i stručnih savjetnika provedena je u skladu s trogodišnjim planom i programom obuke usvojenim od strane Visokog sudskog i tužilačkog vijeća Bosne i Hercegovine za lica koja se namjeravaju baviti profesijom sudije ili tužioca.

Ovaj program predviđa provođenje obuke kroz četiri modula na godišnjem nivou, što u trogodišnjem periodu znači da će stručnim saradnicima biti pružena obuka iz 12 Modula. U 2018. godini je provedena početna obuka za prvu generaciju polaznika 2018/2020 (Moduli I-IV), drugu generaciju polaznika 2017/2019 (Moduli I-IV) i za treću generaciju 2016/2018 (Moduli I-IV), te komplementarna obuka. Komplementarna obuka je namijenjena stručnim saradnicima i savjetnicima koji su završili Program početne obuke, a još uvijek rade u institucijama pravosuđa.

Početnom obukom obuhvaćene su sljedeće oblasti:

<p>1 godina</p> <p>Modul 1 - Nosioци pravosudne funkcije i društvo Modul 2 – Građanska oblast Modul 3 - Krivična oblast Modul 4 - Izvršna i vanparnična oblast</p>	<p>2 godina</p> <p>Modul 1 – Evropska konvencija i ravnopravnost spolova Modul 2 – Građanska oblast Modul 3 – Krivična oblast Modul 4 - Izvršna i upravna oblast</p>
<p>3 godina</p> <p>Modul 1 - Građanska oblast Modul 2 - Krivična oblast Modul 3 - Alternativno rješavanje sporova, medijacija i arbitražā Modul 4 - Nosioци pravosudne funkcije i društvo</p>	<p>Komplementarna obuka</p> <p>Ugovori o prodaji u domaćem i međunarodnom pravu Kaznena politika Posebni vanparnični postupci</p>



4. ZAKLJUČNA RAZMATRANJA, UZ OSVRT NA PROBLEME KOJI UTIČU NA REZULTATE RADA TUŽILACA U RADU NA PREDMETIMA

Rezultati rada tužilaca Tužilaštva BiH su najbolji pokazatelj izuzetno dobrih ostvarenih rezultata rada Tužilaštva BiH u cjelini, te svakog pojedinačnog tužioca Tužilaštva BiH tokom 2018. godine. Cijenimo da su rezultati rada Tužilaštva BiH veoma dobri i pored svih poteškoća sa kojima smo se susretali u prethodnom periodu.

Kada je u pitanju rad Posebnog odjela za ratne zločine, kako je već obrazloženo u rezultatima rada ovog odjela, u izvještajnom periodu tužioci ovog odjela su podigli značajne optužnice koje se odnose na teška i sistematski izvršena krivična djela pravne kvalifikacije ratnog zločina, od ratnog zločina protiv civilnog stanovništva do genocida i zločina protiv čovječnosti. O kvalitetu rada tužilaca ovog odjela govori i činjenica da je u izvještajnom periodu na Sudu BiH u prvostepenim presudama izrečeno 289 godina i 8 mjeseci kazni zatvora protiv optuženih za ratne zločine, dok su donesene pravosnažne presude u iznosu od 119 godina i 6 mjeseci.

Pored dobrih rezultata rada i značajnog napretka u rješavanju ove vrste predmeta, veliki broj složenih činjeničnih i pravnih pitanja karakteriše rad ovog Odjela. Ova pitanja odnose se na teška i sistematski izvršena krivična djela pravne kvalifikacije ratnog zločina, od ratnog zločina protiv civilnog stanovništva do genocida i zločina protiv čovječnosti, veliki broj osumnjičenih koji su obavljali visoke vojne i civilne funkcije tokom rata, veliki broj svjedoka i žrtava, obimnu materijalnu dokumentaciju i druge okolnosti. Istrage ratnih zločina su zahtjevne i dugotrajne istrage koje uključuju veliki broj osumnjičenih od kojih je značajan broj van granica BiH i posjeduju dvojna ili državljanstva drugih zemalja, te svjedoka i oštećenih koji su takođe u velikom broju van granica BiH, a ne pokazuju spremnost za dolazak radi svjedočenja, ili je njihov dolazak otežan iz objektivnih okolnosti koje se tiču starosti i lošeg zdravstvenog stanja.

Bitno je istaći da se predmeti ratnih zločina većinom dokazuju putem svjedoka, koji spadaju u takozvana subjektivna dokazna sredstva, prisutna je zamorenost svjedoka koja utiče na njihovu spremnost da svjedoče, lošeg su zdravstvenog stanja, starije životne dobi i slično, zbog čega je u većini slučajeva potrebna stručna pomoć Odjela za podršku svjedocima i udruženja žrtava rata. Poteškoće i sporost pri prikupljanju materijalne dokumentacije takođe su redovni problemi koji usporavaju tok istrage u ovim predmetima, posebno kada se ima u vidu da se u istrazi obično mora pretraživati i prikupljati dokumentacija iz vojnih i civilnih arhiva u zemlji i regionu, kao i obimnih baza podataka Međunarodnog krivičnog suda za bivšu Jugoslaviju, sa kojim je ostvarena i nastavljena izuzetno dobra saradnja. Imajući u vidu navedene razloge, jasno proizlazi da rad na vrlo složenim predmetima zahtijeva jako puno vremena.

U izvještajnom periodu nastavljena je regionalna saradnja koja predstavlja stratešku mjeru iz Državne strategije za rad na predmetima ratnih zločina, međutim i dalje u pojedinim predmetima u vezi progona počilaca krivičnih djela ratnih zločina postoji otežana saradnja.

Tužilaštvo BiH preduzima aktivne radnje na provođenju strateških mjera iz Državne strategije za rad na predmetima ratnih zločina u pogledu bolje podrške svjedocima, ali preduzima i mjere u okviru regionalne saradnje koje trebaju, između ostalog, i poboljšati pristup svjedocima-oštećenima. U ovom pogledu saradnja sa pravosudnim institucijama zemalja regiona, ali i trećim zemljama je od značaja za ostvarenje lakšeg pristupa svjedocima-oštećenima.

Jedan od prioriteta rada tužilaca Odjela I su i rad na predmetima ekshumacija i saradnja sa drugim institucijama u BiH na pronalasku i identifikaciji nestalih lica proteklog rata, zbog čega su tužioci



ovog odjela aktivno uključeni u rad stručnog tima Vijeća ministara na iznalaženju rješenja unapređenja saradnje sa ICMP-om u pogledu nastavka saradnje u cilju identifikacije posmrtnih ostataka pronađenih u pojedinačnim i masovnim grobnicama.

U izvještajnom periodu završena je revizija 12 kosturnica/mrtvačnica u BiH koja je rađena po nalogu glavnog tužioca, a u saradnji sa ICMP-om i Institutom za nestala lica, a u cilju identifikacije posmrtnih ostataka koji se nalaze u kosturnicama/mrtvačnicama u BiH, što će sve skupa doprinijeti procesuiranju predmeta ratnih zločina.

Poseban fokus tužilaca Tužilaštva BiH je učešće u Radnoj grupi za izradu izmjena Državne strategije za rad na predmetima ratnih zločina, kojim izmjenama bi se omogućio lakši protok manje složenih predmeta prema entitetskim tužilaštvima i Tužilaštvu Brčko distrikta, što će uticati na rasterećenje tužilaca Odjela I i omogućiti veću posvećenost radu na najsloženijim i najkompleksnijim predmetima ratnih zločina i doprinijeti bržem procesuiranju ovih predmeta.

Takođe, potrebno je naglasiti da su rukovodioci Posebnog odjela za ratne zločine tokom 2018. godine nastavili ostvarivati značajnu saradnju sa udruženjima žrtava rata sa područja cijele Bosne i Hercegovine, u okviru čega je održano više sastanaka sa svim udruženjima, a na dva sastanka je učestvovao i glavni tužilac MKSJ-a, Serge Brammertz.

Posebno ističemo da su u izvještajnom periodu za rad u predmetima ratnih zločina pomoć i podršku pružili MKSJ, OSCE i UNDP sa kojima je Tužilaštvo BiH ostvarilo značajnu saradnju u više oblasti i projekata, a što je bilo od izuzetnog uticaja na unapređenje rada na procesuiranju ovih predmeta.

Pored navedenog, istaknut ćemo probleme sa kojima se Tužilaštvo BiH susretalo u izvještajnom periodu u okviru ovog odjela. Kako je već ranije navedeno, u toku izvještajnog perioda 1 tužilac iz Odjela I je preminuo, a jedan tužilac je penzionisan.

Rezultati rada Posebnog odjela za organizovani kriminal, privredni kriminal i korupciju, tokom 2018. godine ukazuju na procesuiranje nekih od najznačajnijih predmeta Tužilaštva BiH.

Tokom 2018. godine, u aktivnostima Tužilaštva BiH u saradnji sa partnerskim policijskim i sigurnosnim agencijama iz BiH i regiona, zaplijenjeno je blizu 2 tone opojne droge marihuana-skunk, čija vrijednost, na ilegalnom narko tržištu zemalja EU, dostiže iznos veći od 6 miliona eura.

U segmentu borbe protiv terorizma treba izdvojiti lišenje slobode osumnjičenog za terorizam, povratnika sa sirijskog ratišta, a treba istaći i optužnicu protiv dva lica optužena za krivična djela terorizma, odnosno planiranja terorističkih napada na zgradu SIPA-e i MUP-a TK, u predmetu u kojem traje suđenje i izvođenje dokaza. Takođe, podignuta je optužnica za krivično djelo protuzakonitog formiranja i pridruživanja stranim paravojnim ili parapolijskim formacijama iz člana 162b. KZ-a BiH, a izrečena je i pravosnažna presuda u 1 predmetu u kojem je optuženi osuđen na 3 godine zatvora.

U 2018. godini zabilježena je i najveća prvostepena presuda u oblasti finansijskog kriminala u predmetu Jerko Lijanović i dr., kada je optuženima izrečeno ukupno 53 godine zatvora, oduzimanje nezakonite imovinske koristi od skoro 14 miliona KM, kao i novčane kazne.

Od značajnijih međunarodnih operacija u borbi protiv organizovanog kriminala sa međunarodnim elementom, ističemo predmet kodnog naziva „Granica,“ usmjeren na procesuiranje lica osumnjičenih za neovlašteni promet opojnim drogama, oružjem i municijom, koji je realizovan sa partnerskim institucijama Austrije, zatim akciju kodnog naziva „Centar“ u borbi protiv krijumčarenja ilegalnih migranata preko teritorije BiH. Provedene su i međunarodne akcije kodnih naziva „Taurus“ i „Ox“, usmjerene na sprečavanje krijumčarenja migranata i krivičnih djela međunarodnog krijumčarenja lica, te je podignuta optužnica u predmetu kodnog naziva „CD“, koji je realizovan u saradnji sa partnerskim institucijama R Francuske, a koji se odnosi na krivična djela trgovine ljudima, povezana sa ilegalnim boravkom državljana BiH u Francuskoj, koji su činili veliki broj krivičnih djela iz oblasti uličnog



kriminala. Ističemo i akciju naziva „Solinjanka“, koja je realizovana sa kolegama iz Hrvatske, a usmjerena je na otkrivanje i procesuiranje lica koja su vršila krijumčarenje opojnih droga iz BiH prema Hrvatskoj.

Značajne su i optužnice u predmetima kodnih naziva „Papyrus“ i „Kruna“, koje su se odnosile na organizovani kriminal, povezan sa ishodovanjem ličnih dokumenata IDDEEA licima sa krivotvorenim identitetima, koji su prodavani kriminogenim licima iz BiH i regiona, kako bi se skrivali od međunarodnih potjernica, kao i sudjelovanje u velikoj međunarodnoj akciji „Albatros“ usmjerenoj na borbu protiv krijumčarenja lica, te optužnicu u predmetu kodnog naziva „Kurir“, koja se odnosi na poreznu utaju i pranje novca, te ilegalno iznošenje velikih novčanih iznosa.

Od bitnijih predmeta svakako treba istaći predmet kodnog naziva „Volan“ u kojem je sredinom 2018. godine, podignuta optužnica protiv 27 lica, čime je ovaj predmet rezultirao podizanjem najobimnije optužnice protiv struktura auto-mafije ikada podignute u BiH.

Nadalje, potrebno je naglasiti da je broj podignutih optužnica u ovom Odjelu veći u odnosu na prethodni izvještajni period za 11 optužnica, a u odnosu na 2016. godinu više za 21 optužnicu, što je rezultat pojačanih aktivnosti Tužilaštva BiH u radu na predmetima Odjela II. Tužiocima Odjela II su se susretali sa problemima u radu koji se odnose na: prostornu distancu velikog broja osumnjičenih i svjedoka koji borave u drugim državama, te probleme vještačenja u složenim predmetima.

Posmatrajući rezultate rada tužilaca Odjela II u izvještajnom periodu može se zaključiti da tužiocima rade na veoma složenim predmetima organizovanog kriminala, korupcije, privrednog kriminala i terorizma, dakle radi se uglavnom o kompleksnim i zahtjevnim predmetima, u smislu dokazivanja, sa velikim brojem različitih vještačenja, potrebom za međunarodnom pravnom pomoći, primjenom posebnih istražnih radnji i međunarodnih istražnih timova.

Potrebno je istaći i nekoliko napomena vezano za rad Odjela III. U Odjelu III u izvještajnom periodu ostvarena je izuzetno dobra norma, kao i rezultati rada. Napominjemo da su i ove, kao i prošle godine, u narednu godinu kao neriješeni preneseni većinom predmeti kod čijeg rješavanja su tužiocima ovog Odjela bili suočeni s velikim problemima, odnosno u kojima je pribavljanje dokaza bilo isprepletano s brojnim poteškoćama. Tokom 2018. godine, rješavanje predmeta privrednog kriminala usporavala su vremenski duga finansijska vještačenja, ali i druga vještačenja koja su u predmetima ovog Odjela vršena u okviru policijskih agencija, kao i velikih poteškoća kod pronalaska identifikacije svjedoka zbog nedovoljnih i nepotpunih podataka u dostavljenim izvještajima.

Nadalje, tokom posmatranog perioda dosta vremena u radu gubilo se i zbog nepotpunih dostavljenih izvještaja o počinjenom krivičnom djelu, zbog dugih čekanja na realizaciju zamolnica za pružanje međunarodne pravne pomoći, a čime se direktno produžavalo vrijeme donošenja tužilačkih odluka u predmetima Odjela III.

U izvještajnom periodu Tužilaštvo BiH je nastavilo intenzivno raditi na rješavanju starih predmeta u skladu sa Planom za rješavanje starih predmeta za 2018. godinu i Uputstvom Visokog sudskog i tužilačkog vijeća Bosne i Hercegovine za izradu plana rješavanja starih predmeta u tužilaštvima u Bosni i Hercegovini br. 13-02-2-2134-4/2016 od 15.12.2016. godine.

Saradnja Tužilaštva BiH sa agencijama za provođenje zakona u BiH se odvijala kontinuirano kroz sudjelovanje u koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela.

U toku 2018. godine vršiteljica dužnosti glavnog tužioca Tužilaštva BiH značajnu pažnju je posvetila aktivnostima Udarne grupe za borbu protiv trgovine ljudima i organizovane ilegalne imigracije, Udarne i Operativne grupe za borbu protiv terorizma i jačanja sposobnosti za borbu protiv



terorizma, Radne grupe za borbu protiv visokotehnološkog kriminala uključujući i cyber kriminal i drugih radnih grupa koje se bave problemima iz oblasti kriminaliteta.

Značajna pažnja bila je posvećena i saradnji sa tužilaštvima u zemljama regije i šire kroz primjenu međunarodnih multilateralnih i bilateralnih ugovora i protokola o saradnji.

S ciljem rješavanja pretpostavljenog obima rada vršiteljica dužnosti glavnog tužioca Tužilaštva BiH je donijela niz podzakonskih akata koji nisu bili ranije doneseni ili nisu bili usklađeni sa pozitivnim propisima, radi efikasnijeg procesa rada u Tužilaštvu BiH.

Vršiteljica dužnosti glavnog tužioca Tužilaštva BiH je u izvještajnom periodu preraspodijelila broj zaposlenika (stručni saradnici, istražioc, analitičar, daktilograf, pripravnik ili volonter) u tužilačkim timovima, kako bi navedeni zaposlenici pružili optimalnu podršku u radu tužilačkih timova, kako bi se poboljšao kvalitet i kvantitet tužilačkih timova i što je više moguće ubrzale istrage i okončale u zakonskim rokovima. Nadalje, u cilju rješavanja pretpostavljenog obima rada i dostizanja stopostotne norme, vršiteljica dužnosti glavnog tužioca Tužilaštva BiH je definirala plan unapređenja unutrašnje organizacije Tužilaštva BiH koji bi trebao biti realiziran u narednom periodu te se angažirala na izmjenama relevantne zakonske regulative u smislu rješavanja praktičnih pitanja bitnih za uspješno sprovođenje istraga, kao i na izmjenama postojeće i donošenju nove zakonske regulative kojom će se precizno urediti i definisati oblast oduzimanja protivpravno stečene imovinske koristi i upravljanja istom.

U izvještajnom periodu značajna pažnja je posvećena rješavanju pitanja smještajnih kapaciteta, okončane su planirane aktivnosti na izgradnji i završetku nove zgrade Tužilaštva BiH, te je tokom 2018. godine okončan proces preseljenja određenog broja zaposlenika. Nadalje, potrebno je navesti da je nastavljeno aktivno provođenje plana adaptacije i nadogradnje zgrade FUP-a koju Tužilaštvo BiH koristi za svoje potrebe, te je nastavljena saradnja sa predstavnicima vlasti na državnom nivou radi nastavka aktivnosti na tom planu.

Bez obzira na sve gore navedene probleme u radu odjela Tužilaštva BiH, rezultati rada tužilaca Tužilaštva BiH u odnosu na podignute optužnice i presude, pravi su pokazatelji kontinuiranog, temeljitog i odgovornog rada na krivičnim predmetima, čemu svjedoči veliki broj osuđujućih presuda u odnosu na oslobađajuće presude, kao i aktivan rad na istragama i rješavanju najtežih i najobimnijih predmeta koji se odnose na krivična djela ratnih zločina, korupcije, organizovanog kriminala, privrednog kriminala i terorizma.



5. SMJERNICE ZA UNAPREĐENJE RADA U NAREDNOM PERIODU

Uzimajući u obzir sve navedeno, Tužilaštvo BiH je u 2018. godini i pored svih teškoća ostvarivalo svoju funkciju u skladu sa propisanom nadležnošću i ciljevima utvrđenim u prethodnom periodu. Kako bi se u budućnosti nastavilo sa unapređivanjem efikasnosti rada u ovoj instituciji, Tužilaštvo BiH u narednom periodu planira sljedeće aktivnosti:

- Nastaviti sa radom na unapređivanju kvaliteta i efikasnosti u postupcima otkrivanja i procesuiranja počinitelja krivičnih djela iz nadležnosti Tužilaštva BiH. U tom smislu će se rješavati stari predmeti prema utvrđenom planu u kojem će se prioritet dati značajnijim predmetima posmatrano sa raznih aspekata, povećati broj tužilačkih odluka sa akcentom na povećanje broja istraga i optužnica za najteža krivična djela, te jačati i razvijati timski rad. Nastavit će se rad na sprovođenju Državne strategije za rad na predmetima ratnih zločina, dok će se kroz postupke ekshumacija intenzivirati traženje nestalih lica na području cijele Bosne i Hercegovine;

- Na osnovu analize postojeće unutrašnje organizacije, finalizirati izmjenu Pravilnika o unutrašnjoj organizaciji, sa posebnim osvrtom na povećanje potrebnih ljudskih kapaciteta za obezbjeđenje uslova rada u novoj zgradi i u skladu sa procesom rada izvršiti adekvatan raspored tužilaca i zaposlenika po odjelima i upravi Tužilaštva BiH;

- U cilju popunjavanja sistematizovanih pozicija (tužiocima, stručni saradnici, ostalo stručno i administrativno osoblje), Tužilaštvo BiH nastavlja aktivnosti radi obezbjeđenja sredstava za navedena systemska popunjavanja, a jedan od načina je putem korištenja sredstava iz projekta IPA, čime će se povećati produktivnost rada na svim predmetima iz nadležnosti Tužilaštva BiH, podići efikasnost i smanjiti ročnost predmeta, jer su postojeći personalni kapaciteti preopterećeni;

- Aktivno će se raditi na stvaranju materijalnih i tehničkih uslova koji bi osigurali nesmetan i efikasan rad tužilaca, što podrazumijeva jačanje svih vrsta podrške u osiguranju uslovnih radnih prostora i renoviranje i nadogradnju zgrade koju trenutno koristi Federalna uprava policije, te opremanje tih prostora vlastitim sredstvima i putem projekata donatora sa kojima već imamo saradnju putem VSTV-a, posebno u obezbjeđenju adekvatnog prostora za čuvanje aktivnih i arhiviranih spisa, kao i pohranjivanje privremeno oduzetih predmeta i drugog dokaznog materijala krivičnih predmeta u Tužilaštvu BiH i obezbjeđenja sigurnosnih područja u skladu sa Zakonom o zaštiti tajnih podataka;

- Nastavit će se sa realizacijom obaveza u skladu sa Zakonom o zaštiti tajnih podataka, Zakonom o zaštiti ličnih podataka, te ostalim propisima koji uređuju rad u Tužilaštvu BiH;

- Aktivno će se učestvovati u praćenju primjene postojećih propisa u oblasti krivičnog prava i unapređenju istih kroz iniciranje njihovih izmjena i novih propisa koji će cjelovitije regulisati ovu oblast, a što bi trebalo da obezbijedi stvaranje boljeg zakonskog okvira u cjelini, kako za funkcionisanje Tužilaštva BiH, tako i za pružanje krivičnopravne zaštite građanima Bosne i Hercegovine;

- Pojačati angažman na izmjenama relevantne zakonske regulative u smislu rješavanja praktičnih pitanja bitnih za uspješno sprovođenje istraga i izmjena postojeće i donošenja nove zakonske regulative kojom će se urediti oblast oduzimanja protivpravno stečene imovinske koristi i upravljanja istom;

- I dalje kontinuirano vršiti edukaciju i specijalizaciju tužilaca i drugog stručnog osoblja, vezano za primjenu krivičnog zakonodavstva Bosne i Hercegovine, te oblasti međunarodnog prava i pozitivnih praksi primijenjenih u ovoj oblasti, a koje mogu znatno unaprijediti rad Tužilaštva BiH;

- Nastaviti saradnju sa agencijama za provođenje zakona u BiH i kroz sudjelovanje u koordinaciji aktivnosti svih agencija za provođenje zakona na teritoriji BiH u cilju otkrivanja i suzbijanja najtežih krivičnih djela, te primjenjivanje podzakonskih akata koji su proizašli iz učešća u projektu "Uspostava



boljih mehanizama saradnje između policije i tužilaštava u BiH” i njihovo dalje razvijanje i prilagođavanje potrebama. Sa agencijama za provođenje zakona u BiH i tužilaštvima u BiH nastaviti će se sa sprovođenjem aktivnosti Udarne grupe za borbu protiv trgovine ljudima i organizovane ilegalne imigracije, Udarne i Operativne grupe za borbu protiv terorizma i jačanja sposobnosti za borbu protiv terorizma, Radne grupe za borbu protiv visokotehnološkog kriminala, uključujući i cyber kriminal, i drugih radnih grupa koje se bave problemima iz oblasti kriminaliteta;

- Nastaviti i unaprijediti saradnju sa tužilaštvima u zemljama regije i šire, kroz primjenu međunarodnih multilateralnih i bilateralnih ugovora i protokola o saradnji, kao i razmjenom iskustava u progonu počinitelja najtežih krivičnih djela, posebno terorizma, organizovanog kriminala, pranja novca, cyber kriminala i krivičnih djela ratnih zločina;

- Nastaviti i unapređivati saradnju sa svim međunarodnim organizacijama i tužilačkim asocijacijama.

6. FINANSIJSKI IZVJEŠTAJ ZA 2018. GODINU

Odobreni budžet za Tužilaštvo BiH za 2018. godinu iznosi 13.681.000 KM, a struktura odobrenog budžeta je:

- Budžet za Tužilaštvo BiH je 13.601.000 KM
- Udarne grupe za borbu protiv trgovine ljudima i ilegalne imigracije BiH..... 80.000 KM
- U K U P N O :..... 13.681.000 KM

Naime, u okviru budžeta Tužilaštva BiH za 2018. godinu, a u skladu sa Odlukom o formiranju Udarne grupe za borbu protiv trgovine ljudima i organizovane ilegalne imigracije („Sl. glasnik BiH“ broj: 03/04 od 19.02.2004. godine), kao i Odluke o izmjenama i dopunama Odluke o formiranju Udarne grupe za borbu protiv trgovine ljudima i organizovane ilegalne imigracije u BiH („Sl. glasnik BiH“ broj: 103/06), planirana su navedena sredstva.

U toku 2018. godine izvršeno je prestrukturiranje sredstava na osnovu Odluke o prestrukturiranju rashoda budžeta broj: 05-16-2-10854-2/18 od 27.11.2018. godine, te se povećanje budžetskih pozicija u okviru odobrenih rashoda za 2018. godinu odnosilo na sljedeće kategorije:

- 611200 - naknade troškova zaposlenih i skupštinskih zastupnika u iznosu od..... 30.000,00 KM
- 613700 - izdaci za tekuće održavanje u iznosu od 15.000,00 KM
- 613800 - izdaci osiguranja i bankarskih usluga u iznosu od 5.000,00 KM
- U K U P N O :..... 50.000,00 KM

Umanjenje se odnosi na sljedeće ekonomske kategorije:

- 613900 - ugovorene i druge posebne usluge u iznosu od 50.000,00 KM
- U K U P N O :..... 50.000,00 KM

Imajući u vidu prethodno navedeno, struktura budžeta: redovan budžet i Udarne grupe za borbu protiv trgovine ljudima i ilegalne imigracije u BiH, nakon izvršenog prestrukturiranja je promijenjena, tako da se 50.000 KM sa Udarne grupe /Ugovorene usluge/ raspoređuje na neposrednu potrošnju po navedenim pozicijama. Tužilaštvo BiH je ostvarilo ukupne troškove u iznosu od 12.635.451 KM ili 92,60% ukupno odobrenog budžeta za 2018. godinu, od čega se 12.635.337 KM odnosi na neposrednu potrošnju, a svega 114,40 KM je utrošeno za Udarnu grupu za borbu protiv trgovine



ljudima i ilegalne imigracije u BiH, iz razloga što nije došlo do isplate naknade za rad ove grupe dok se ne nađe odgovarajući modus. Podaci o izvršenju budžeta za 2018. godinu, dati su u Tabeli u nastavku.

PREGLED IZVRŠENJA BUDŽETA ZA TUŽILAŠTVO BiH ZA 2018. GODINU

Opis	Ekonomski kod	Budžet (nakon prestruktuiranja)	Izvršenje budžeta	Index 4/3
1	2	3	4	5
1. Tekući izdaci		13,451,000	12,434,755	97,7
Bruto plaće i naknade	611100	10,956,000	10,698,179	99,7
Naknade troškova zaposlenih	611200	570,000	556,479	98,7
Putni troškovi	613100	300,000	274,835	91,3
Izdaci telefonskih i pošt. usluga	613200	100,000	79,390	88,6
Izdaci za energiju i kom. usluge	613300	84,000	75,232	74,2
Nabavka materijala	613400	120,000	93,942	97,3
Izdaci za usl. prevoza i goriva	613500	85,000	58,163	84,8
Unajmljivanje imovine i opreme	613600	2,000	1,489	79,6
Izdaci za tekuće održavanje	613700	65,000	54,446	95,4
Izdaci za osiguranje	613800	20,000	14,477	80,0
Ugovorene usluge i druge usluge	613900	1,149,000	528,121	92,6
2. Kapitalni izdaci	821000	230,000	200,696	39,23
Nabavka opreme	821300	230,000	200,696	39,23
I. Ukupno (1+2)		13,681,000	12,635,451	97,7

Potrebna sredstva za sufinansiranje infrastrukturnog projekta na državnom nivou, pod nazivom „Izgradnja zgrade Tužilaštva BiH“ u okviru IPA 2012/2013, u iznosu od 338.123 KM prenesena su u 2018. godinu. Sredstva su u obliku direktnih transfera, namijenjena za izgradnju novog krila unutar kompleksa pravosudnih institucija BiH, a u cilju proširenja smještajnog kapaciteta Tužilaštva BiH. Od ukupno raspoloživih sredstava u ove svrhe, potrošeno je ukupno 172.182 KM.

Tužilaštvo BiH je dobilo donaciju od strane Evropske unije u vidu budžetske podrške sektoru pravosuđa, a u svrhu realizacije projekta „Tužilaštvo BiH-IPA 2012/2013“ te se u 2018. godinu prenio ostatak sredstava u ukupnom iznosu od 38.818 KM. Kad je u pitanju realizacija ovog projekta, Tužilaštvo BiH je ostvarilo troškove u ukupnom iznosu od 25.706 KM ili 66% od ukupno raspoloživih sredstava za 2018. godinu. Od strane Evropske komisije Tužilaštvo BiH je dobilo donaciju u vidu podrške pravosuđu i rješavanju predmeta ratnih zločina, u svrhu realizacije projekta „Tužilaštvo BiH IPA 2013“, te je preneseni iznos iz I tranše i uplaćeni iznos II tranše, u ukupnom iznosu od 1,897.530 KM, a ukupna potrošnja iznosi 999.456 KM.

Kapitalni izdaci izvršeni su u skladu sa namjenskom strukturom odobrenom u budžetu za 2018. godinu od strane Ministarstva finansija i trezora BiH, te su nabavljena sredstva po pozicijama:

- namještaj..... 6.971 KM
- kompjuterska oprema..... 100.845 KM
- motorna vozila 20.791 KM
- elektronska oprema 50.421 KM
- policijska oprema 21.668 KM
- U K U P N O :.....200.696 KM



7. STANJE KRIMINALITETA U BOSNI I HERCEGOVINI

Zakonom o Tužilaštvu Bosne i Hercegovine (član 13., stav 3. Zakona o Tužilaštvu BiH), prema kojem su Federalno tužilaštvo Federacije BiH, Republičko tužilaštvo Republike Srpske i Javno tužilaštvo Brčko distrikta obavezni na kraju svake godine dostaviti podatke o stanju kriminaliteta i dostaviti svoje izvještaje glavnom tužiocu Tužilaštva BiH, ostvareni su svi uslovi da se u Bosni i Hercegovini slijevanjem podataka na jednom mjestu, koji se odnose na stanje kriminaliteta u cijeloj državi, obezbijedi pravovremena informacija o stanju kriminaliteta i odrede prioritete u borbi protiv kriminala na državnom nivou, što stvara perspektivu za preventivne programe i strategije u borbi na suzbijanju svih vidova kriminala. Pojedinačno posmatrajući podatke o kretanju kriminala putem Tužilaštva BiH, Federalnog tužilaštva Federacije BiH, Republičkog tužilaštva Republike Srpske i Javnog tužilaštva Brčko distrikta, u nastavku dajemo informaciju o stanju kriminaliteta poređenjem podataka u odnosu na prethodnu izvještajnu godinu, uz osvrt na analizu istih. Kako bi se dobila jasnija slika o stanju kriminaliteta, iskazat ćemo posebno podatke o predmetima gdje su punoljetni počinioci krivičnih djela poznati, a posebno podatke o predmetima za razna krivična djela, odnosno gdje je neodredivo krivično djelo ili počilac, a ukazuje na protivpravnu radnju, kao i podatke o nepoznatim počiniocima krivičnih djela, i predmete gdje su počinioci krivičnih djela maloljetnici.

7.1. STANJE KRIMINALITETA EVIDENTIRANO KROZ TUŽILAŠTVO BiH (POZNATI POČINIOCI KRIVIČNIH DJELA-KT)

Zadatak tužilaštava, s jedne strane, u širem smislu je generalna prevencija, a s druge strane specijalna prevencija izražena kroz otkrivanje i progon počilaca krivičnih djela, gdje je od ključnog značaja procjena osnova sumnje da bi se uopšte otvorila istraga protiv određenog broja lica, a što je vezano i za zaštitu građana od mogućeg neutemeljenog istraživanja.

Vezano za naprijed navedeno, postoji nekoliko pokazatelja pomoću kojih je moguće ocijeniti uspješnost postupanja tužilaštava u postupcima otkrivanja i gonjenja počilaca krivičnih djela. To su, prvenstveno, pokazatelji o broju otkrivenih krivičnih djela i izvršilaca tih djela, donesenim naredbama o sprovođenju istrage, odlukama tužilaca da se istraga ne pokrene ili otvorena istraga obustavi, te pokazatelji o podnesenim optužnicama Sudu i krajnjem rezultatu optužnica kroz broj osuđujućih, oslobađajućih i odbijajućih presuda.

U nastavku ćemo prikazati stanje kriminaliteta analizom navedenih podataka i odgovoriti na pitanja o stanju kriminaliteta i kvalitetu rada tužilaštava u BiH.

Analizom pokazatelja zaprimljenih prijava u Tužilaštvu BiH, u izvještajnom periodu, a poređenjem sa 2017. godinom, evidentno je da su zaprimljene 92 prijave manje i manje prijava za 111 lica, što je pokazatelj da je broj otkrivenih krivičnih djela u blagom opadanju kada su u pitanju poznati počinioci krivičnih djela, te da je broj počilaca krivičnih djela, iz nadležnosti Tužilaštva BiH, u blagom opadanju u odnosu na prethodnu godinu. Nakon provođenja procesnih radnji u fazama prijave i istrage, tužiocu su, cijeneći opravdanost vođenja istrage na osnovu dostupnih dokaza, donosili odluke koje su rezultirale naredbama o nesprovođenju ili sprovođenju istrage, naredbama o obustavi ili su istrage rezultirale podizanjem optužnica, a koje su rezultirale sudskim odlukama, gdje je doneseno 166 presuda protiv 297 lica.


Od ovog broja, doneseno je 150 osuđujućih presuda protiv 240 lica, oslobađajućih presuda je doneseno u 14 predmeta protiv 45 lica, dok su u 2 predmeta donesena rješenja o obustavi postupka.



U vezi sa navedenim, kvalitet rada Tužilaštva BiH je iznosio 92,57%. Ovaj podatak ukazuje na jako dobar kvalitet rada koji se temelji na izuzetno dobrim procjenama u donošenju odluke o podizanju optužnice od strane tužilaca Tužilaštva BiH u krivičnim predmetima koji su ionako izuzetno složeni za dokazivanje počinjenja krivičnog djela.

Stanje kriminaliteta posmatrano kroz procesne odluke iz nadležnosti Tužilaštva BiH prikazano je na Grafikonu u nastavku, gdje su iskazani podaci o zaprimljenim prijavama, podaci o postupanju po istim, te podaci o riješenim istragama i donesenim presudama, poređenjem izvještajne godine sa 2017. godinom, gdje se može vidjeti kontinuiran rad tužilaca na predmetima s tendencijom povećanja broja riješenih predmeta.

PREGLED PROCESNIH ODLUKA U TUŽILAŠTVU BiH, POREĐENJE 2017/2018. GODINA



Podaci o stanju kriminaliteta, posmatrano kroz počinjena krivična djela, detaljno su obrađeni u analizi rada svih odjela Tužilaštva BiH, a u skladu s nadležnostima istih, tako da se ovi podaci mogu vidjeti u tabelama:

- Tabela: Struktura krivičnih djela za podignute optužnice u Odjelu I u 2018.g., str. 20;
- Tabela: Struktura krivičnih djela za podignute optužnice u Odjelu II u 2018.g., str. 30;
- Tabela: Struktura krivičnih djela za podignute optužnice u Odjelu III u 2018.g., str. 35.

Cijenimo da je napravljen napredak u rješavanju predmeta korupcije, kao jednog od većih problema u Bosni i Hercegovini, te rješavanju ostalih najtežih vrsta predmeta koji se odnose na organizovani kriminal, ratne zločine, privredni kriminal, terorizam, međunarodno krijumčarenje opojnih droga i druge vrste predmeta za koje je nadležno Tužilaštvo BiH.

Tužilaštvo BiH je u uspješnoj saradnji sa policijskim agencijama i intenzivnom saradnjom provelo niz aktivnosti iz svojih nadležnosti po pitanju suzbijanja navedenih vrsta kriminala, što će nastaviti u budućnosti. U okviru približavanja naše zemlje evropskim integracijama i dalje će se intenzivno nastaviti saradnja sa partnerskim institucijama u regionu i svijetu, u cilju što efikasnijeg procesuiranja svih gore navedenih krivičnih djela.



7.2. STANJE KRIMINALITETA EVIDENTIRANO KROZ TUŽILAŠTVA U FBiH (POZNATI POČINIOCI KRIVIČNIH DJELA-KT)

Prema odredbama Zakona o Federalnom tužilaštvu Federacije Bosne i Hercegovine ("Službene novine FBiH", broj: 42/02 i 19/03), u vrijeme stupanja na snagu tog Zakona, Federalno tužilaštvo Federacije Bosne i Hercegovine (u daljem tekstu: Federalno tužilaštvo FBiH) je definisano kao samostalno državno tijelo koje, u okviru prava i dužnosti Federacije Bosne i Hercegovine (u daljem tekstu: Federacija) preduzima zakonom određene mjere u pogledu istražnih radnji i gonjenja potencijalnih počinilaca krivičnih djela i privrednih prestupa (nadležnost u pogledu privrednih prestupa ukinuta je stupanjem na snagu Zakona o prekršajima Federacije BiH - "Službene novine FBiH" broj: 31/06 od 21.06.2006. godine) i vrši druge poslove određene federalnim zakonom. Federalno tužilaštvo FBiH je "vrhovno" tužilaštvo za deset kantonalnih tužilaštava s područja FBiH. Ovo Tužilaštvo svoju funkciju vrši u skladu sa Ustavom Bosne i Hercegovine i Ustavom Federacije, a na osnovu zakona Bosne i Hercegovine i Federacije.

Prema dostavljenim izvještajima iz ovog tužilaštva, u odnosu na poznate počinioce u 2018. godini, kantonalna tužilaštva u FBiH ukupno u radu su imala **19.280** prijava protiv **29.468** lica. Od ovog broja, u 2018. godini, zaprimljeno je **13.336** prijava protiv **18.968** lica, dok su iz ranijih godina prenesene u rad **5.944** prijave protiv **10.500** lica. U 2018. godini riješena je **14.061** prijava protiv **19.734** lica, dok je na kraju izvještajnog perioda u radu ostalo **5.219** prijava protiv **9.734** lica.

U kantonalnim tužilaštvima u FBiH, u izvještajnom periodu, ukupno u radu istraga su imali u **11.512** predmeta protiv **15.490** lica. Od ovog broja, tokom 2018. godine naređeno je istraga u **9.505** predmeta protiv **12.179** lica, dok su ostale istrage, u **2.007** predmeta, protiv **3.311** lica, pokrenute ranijih godina i nastavljene u izvještajnoj godini.

U fazi rješavanja prijave, naredbi o nesprovođenju istraga doneseno je u **3.937** predmeta protiv **6.270** lica, naredbi o sprovođenju istraga doneseno je u **9.505** predmeta protiv **12.179** lica, dok je na drugi način riješeno **590** predmeta protiv **1.227** lica.

U riješenim istragama u **1.534** predmeta doneseno je naredbi o obustavi istraga protiv **2.305** lica, dok je na drugi način riješeno **168** istraga protiv **343** lica.

U izvještajnom periodu u kantonalnim tužilaštvima u FBiH podignute su **8.063** optužnice protiv **9.640** lica, od čega je optužnica sa krivičnim nalogom bilo u **2.861** predmetu protiv **3.176** lica.

Po optužnicama kantonalnih tužilaštava, nadležni sudovi u FBiH presudili su u ukupno **8.647** predmeta protiv **10.703** optužena lica, te je izrečeno osuđujućih presuda u **7.933** predmeta protiv **9.681** lica, dok je bilo **446** oslobađajućih presuda za **657** lica.

Analizom pokazatelja zaprimljenih prijave u kantonalnim tužilaštvima u FBiH, u izvještajnom periodu, a poređenjem sa 2017. godinom, zaprimljeno je manje prijave za 187 predmeta, te više prijave za 202 lica. Nakon provođenja procesnih radnji u fazama prijave i istrage, tužiocima su cijeneći opravdanost vođenja istrage na osnovu dostupnih dokaza, donosili odluke koje su rezultirale naredbama o nesprovođenju ili sprovođenju istrage, naredbama o obustavi ili su podizali optužnice koje su rezultirale sudskim odlukama, gdje je doneseno 8.647 presuda protiv 10.703 lica. Od ovog broja donesene su 7.933 osuđujuće presude protiv 9.681 lica, od kojeg broja je zatvorskih kazni za 2.140 lica, novčanih kazni za 583 lica, uslovnih kazni za 6.879 lica, dok je opomena bilo za 59 lica. Oslobađajućih presuda je doneseno u 446 predmeta za 657 lica, dok je odbijajućih presuda bilo u 71 predmetu, protiv 117 lica. U 170 predmeta su donesena rješenja o obustavi postupka.

Stanje kriminaliteta, posmatrano kroz procesne odluke iz nadležnosti tužilaštava u FBiH, prikazano je na Tabeli u nastavku, gdje su iskazani podaci o zaprimljenim prijavama, podaci o




postupanju po istim, te podaci o riješenim istragama i donesenim presudama, dok je poređenje izvještajne godine sa 2017. godinom prikazano na Grafikonu u nastavku, što pokazuje kontinuiran rad tužilaca na predmetima.

PREGLED REZULTATA RADA PO KT PREDMETIMA U KANTONALNIM TUŽILAŠTVIMA FBiH U 2018. GODINI

Naziv tužilaštva	Zaprimljene prijave	Naredbe o nesprovođenju	Naredbe o obustavi istrage	Podignute optužnice	Riješene istrage	Osuđujuće presude	Oslobađajuće presude	Odbijajuće
KT BIHAĆ	1554	335	199	1174	3	1106	58	14
KT ORAŠJE	250	43	34	195	3	184	8	1
KT TUZLA	2641	457	193	1835	60	1904	97	8
KT ZENICA	1918	363	385	1392	7	1456	100	20
KT GORAŽDE	96	7	3	82	1	81	1	0
KT TRAVNIK	1206	116	152	928	23	986	64	9
KT MOSTAR	886	244	168	491	19	524	20	5
KT Š. BRIJEG	326	11	45	236	13	172	10	3
KT SARAJEVO	4197	2327	342	1523	31	1302	69	11
KT LIVNO	262	34	13	207	8	218	19	0
UKUPNO:	13336	3937	1534	8063	168	7933	446	71

PREGLED PROCESNIH ODLUKA U KANTONALNIM TUŽILAŠTVIMA FBiH, POREĐENJE 2017/2018. GODINA



Kada je u pitanju nadležnost i rad konkretno Federalnog tužilaštva FBiH, u toku 2018. godine Federalno tužilaštvo je imalo u radu ukupno 1.799 predmeta, od čega 1050 predmeta u krivičnoj oblasti, 745 predmeta u administrativnoj, upravnoj i građanskoj oblasti i 2 predmeta sa oznakom povjerljivo, te 1 sa oznakom interno. Od navedenog broja, zaključno sa 31.12.2018. godine, riješeno je ukupno 1.779 predmeta, od čega njih 1030 u krivičnoj oblasti i 745 predmeta u administrativnoj, upravnoj i građanskoj oblasti. Predmeti koji nisu riješeni u toku 2018. godine, njih ukupno 20, su predmeti iz krivične oblasti koji su zaprimljeni na samom kraju godine, a isti će biti riješeni početkom 2019. godine. U skladu sa svojim nadležnostima za postupanje u krivičnim predmetima, Federalno tužilaštvo je protekle godine pred Vrhovnim sudom postupalo u 252 predmeta protiv 366 lica po izjavljenim redovnim pravnim lijekovima (KTŽ predmeti). Od navedenog ukupnog broja KTŽ predmeta u radu, njih 4 protiv 11 lica je bilo u oblasti privrednog kriminala, 24 predmeta protiv 41 lica u oblasti ratnih zločina i 224 predmeta protiv 314 lica u oblasti opšteg kriminala, od kojih su 2 predmeta ostala neriješena na kraju 2018. godine.



7.3. STANJE KRIMINALITETA EVIDENTIRANO KROZ TUŽILAŠTVA RS (POZNATI POČINIOCI KRIVIČNIH DJELA-KT)

Organizaciona struktura tužilaštava u Republici Srpskoj propisana je Zakonom o tužilaštvima Republike Srpske (»Službeni glasnik RS« broj 55/02, 85/03, 115/05 i 68/07). Navedenim Zakonom propisano je da tužilaštva u Republici Srpskoj čine Republičko tužilaštvo, pet okružnih tužilaštava i Specijalno tužilaštvo, kao posebno tužilaštvo za suzbijanje organizovanog i najtežih oblika privrednog kriminala, a koje je osnovano donošenjem Zakona o suzbijanju korupcije, organizovanog i najtežih oblika privrednog kriminala (»Službeni glasnik RS« broj 39/16). Republičko tužilaštvo RS je "vrhovno" tužilaštvo za pet okružnih tužilaštava na području Republike Srpske. Republičko tužilaštvo, u ostvarivanju svojih funkcija, pred Vrhovnim sudom Republike Srpske zastupa žalbe okružnih tužilaštava izjavljene na prvostepene presude okružnih sudova, te zastupa optužnice u predmetima u kojima je Vrhovni sud ukinuo prvostepene presude i odredio ponovno suđenje.

Prema dostavljenim izvještajima iz Republičkog javnog tužilaštva, u 2018. godini, ukupno prijava u radu je bilo u **10.298** predmeta protiv **13.926** punoljetnih lica. Od ukupnog broja predmeta, koji su bili u radu u tužilaštvima Republike Srpske, u protekloj godini riješene su **7.404** prijave protiv **9.857** lica. Na kraju izvještajnog perioda ostale su neriješene **2.894** prijave protiv **4.069** lica.

Kada pomenute podatke uporedimo sa istima iz 2017. godine kada je u radu bilo 10.745 prijava, od kojih je 7.841 riješena, a 2.904 neriješene, nalazimo da je prisutan blagi pad kod podnesenih prijava, ali da je broj neriješenih prijava veći u 2017. godini za 0,34% u odnosu na 2018. godinu.

U 2018. godini tužilaštva u Republici Srpskoj vodila su ukupno **7.138** istraga protiv **9.346** lica. Od ovog broja, **1306** neriješenih istraga je preneseno iz prethodne godine, a **5.832** istrage su naređene u tekućoj godini. Ukupno je riješeno **5.627** istraga protiv **7.130** lica, tako da je na kraju ostalo neriješeno **1.511** istraga protiv **2.216** lica.

Na osnovu vođenih istraga, u **3.666** predmeta protiv **4.330** lica podignute su optužnice. U **1.890** predmeta protiv **2.506** lica su donesene naredbe o obustavi istrage, dok su u **74** predmeta protiv **293** lica istrage riješene na drugi način. Na kraju izvještajnog perioda, ukupno su riješena **7.204** predmeta protiv **9.695** lica.

Postupajući po optužnicama tužilaštava, sudovi su u 2018. godini donijeli ukupno **3.931** odluku za **4.620** lica, od kojih **3.344** osuđujućih za **3.883** lica, **291** oslobađajuću za **365** lica, **113** odbijajućih za **132** lica, **178** predmeta riješeno je obustavom postupka za **234** lica, dok je u **5** predmeta **6** optuženih lica proglašeno neuračunljivim. Sudovi su u **505** predmeta za **648** lica izrekli zatvorske kazne, u **1.002** predmeta je izrečena novčana kazna za **1.147** lica, za **2.053** lica izrečena je uslovna osuda i to u **1.808** predmeta, dok je u **19** predmeta za **22** lica izrečena sudska opomena, a u **10** predmeta za **13** lica donijeta je odluka o oslobađanju od krivične odgovornosti.

U 2018. godini tužilaštva u Republici Srpskoj zaprimila su 378 prijava protiv 730 lica za koruptivna krivična djela. Poređenjem podataka sa 2017. godinom kada su zaprimljene 423 prijave protiv 787 lica, dolazimo do zaključka da je u 2018. godini smanjen broj prijava koruptivnih krivičnih djela.

Iz ranijih godina prenesena je 151 prijava protiv 253 lica, tako da je ukupno u radu bilo 529 prijava protiv 983 lica. Na kraju izvještajnog perioda riješeno je 376 prijava protiv 689 lica i to naredbom o sprovođenju istrage riješena je 121 prijava protiv 166 lica, naredbom o nesprovođenju istrage riješeno je 207 prijava protiv 434 lica, dok je na drugi način riješeno 48 prijava protiv 89 lica, neriješene su ostale 153 prijave protiv 297 lica. Kada su u pitanju istrage za koruptivna krivična djela, tužilaštva su u 2018. godini naredila sprovođenje 121 istrage protiv 166 lica, riješeno je 129 istraga protiv 188 lica



i to podizanjem optužnice 63 istrage protiv 97 lica, 63 istrage protiv 94 lica su obustavljene, dok su 3 istrage protiv 15 lica riješene na drugi način. Neriješenih je ostalo 35 istraga protiv 51 lica.


Poređenjem podataka iz 2017. godine, kada je naređeno 111 istraga protiv 185 lica, riješeno 117 istraga protiv 209 lica, podignuto 67 optužnica protiv 86 lica, a neriješene ostale 43 istrage protiv 73 lica, može se zaključiti da nema velikih odstupanja u radu u 2018. godini ni kada su u pitanju istrage za koruptivna krivična djela.

Stanje kriminaliteta, posmatrano kroz procesne odluke iz nadležnosti tužilaštava u RS-u, prikazano je na Tabeli u nastavku, gdje su iskazani podaci o zaprimljenim prijavama, podaci o postupanju po istim, te podaci o riješenim istragama i donesenim presudama, dok je poređenje izvještajne godine sa 2017. godinom prikazano na Grafikonu u nastavku, što pokazuje kontinuiran rad tužilaca na predmetima.

PREGLED REZULTATA RADA PO KT PREDMETIMA U TUŽILAŠTVIMA U REPUBLICI SRPSKOJ U 2018. GODINI

NAZIV TUŽILAŠTVA	Zaprimljene prijave u 2018.g.	Naredbe o nesprovođenju istrage	Naredbe o sprovođenju istrage	Naredbe o obustavi istrage	Podignute optužnice	Riješeno na drugi način
OT BANJA LUKA	3002	452	2545	1113	1337	78
OT BIJELJINA	1221	346	867	247	625	49
OT DOBOJ	945	156	911	69	828	76
OT ISTOČNO SARAJEVO	707	174	542	154	370	44
OT PRIJEDOR	891	35	615	235	230	45
OT TREBINJE	464	37	303	48	260	27
RJT-POS. ODJELJENJE TUŽ.	166	83	49	24	16	46
UKUPNO:	7396	1283	5832	1890	3666	365

PREGLED PROCESNIH ODLUKA U REPUBLICI SRPSKOJ, POREĐENJE 2017/2018. GODINA





7.4. STANJE KRIMINALITETA EVIDENTIRANO KROZ JAVNO TUŽILAŠTVO BRČKO DISTRIKTA (POZNATI POČINIOCI KRIVIČNIH DJELA-KT)

Javno tužilaštvo Brčko distrikta BiH je nadležno za područje Distrikta. Opšte nadležnosti Tužilaštva propisane su Zakonom o Tužilaštvu Brčko distrikta ("Službeni glasnik Brčko distrikta BiH", broj: 19/07), koji propisuje da je Tužilaštvo Distrikta samostalan i nezavisan organ koji u okviru Brčko distrikta Bosne i Hercegovine preduzima propisane mjere i radnje u otkrivanju i gonjenju počinilaca krivičnih djela i privrednih prestupa te vrši druge poslove određene zakonom. U okviru svojih nadležnosti Tužilaštvo Distrikta štiti ostvarivanje ljudskih prava i građanskih sloboda garantovanih Ustavom Bosne i Hercegovine i Statutom Brčko distrikta, kao i ostvarivanje prava i interesa pravnih lica utvrđenih zakonom, te osigurava statutarnost i zakonitost. Tužilaštvo Distrikta vrši svoju funkciju u skladu sa Ustavom Bosne i Hercegovine i Statutom Brčko distrikta, te na osnovu zakona Bosne i Hercegovine i Brčko distrikta.

Prema dostavljenim izvještajima iz ovog tužilaštva, u 2018. godini, ukupno prijava u radu je bilo u **378** predmeta protiv **509** punoljetnih lica. Iz prethodnog perioda nije preneseno predmeta, a riješene su sve prijave, odnosno svih **378** predmeta protiv **509** lica. U Tužilaštvu Brčko distrikta, u 2018. godini, ukupno su vođene **463** istrage protiv **613** lica, s tim da su tokom 2018. godine pokrenute **374** istrage protiv **495** lica, dok su ostale istrage, u **89** predmeta protiv **118** lica, pokrenute ranijih godina i nastavljene u izvještajnoj godini. Na kraju izvještajnog perioda riješeno je **405** istraga protiv **529** lica, dok je istraga u radu ostalo u **58** predmeta protiv **84** lica. Od ovog broja, u **72** predmeta protiv **88** lica donesene su naredbe o obustavi istrage.

Na osnovu vođenih istraga, podignuto je **314** optužnica protiv **388** lica. Od ovog broja, optužnica sa krivičnim nalogom bilo je u **151** predmetu protiv **168** lica, dok je na drugi način riješeno **19** istraga protiv **52** lica.

U 2018. godini, nadležni sud je presudio u ukupno **251** predmetu protiv **286** optuženih lica, te je izrečeno **239** osuđujućih presuda protiv **262** lica. Od ovog broja, u **79** predmeta protiv **88** lica određena je zatvorska kazna od **72** godine i **5** mjeseci, u **137** predmeta protiv **148** lica uslovna osuda, dok je u **19** predmeta protiv **22** lica određena novčana kazna u iznosu od **23.800,00 KM**. U **11** predmeta protiv **22** lica su izrečene oslobađajuće presude, i 1 odbijajuća presuda protiv 2 lica. Po osnovu prvostepenih presuda u nadležnim sudovima, postupaka po žalbama kao redovnim pravnim lijekovima izjavljenim na prvostepene presude, u izvještajnom periodu izjavljeno je **48** žalbi za **63** lica. U izvještajnom periodu su riješene žalbe u **31** predmetu za **45** lica, uvaženo je **13** žalbi za **17** lica, odbijeno je **15** žalbi za **24** lica, dok nije bilo obustavljenih postupaka. Na kraju izvještajnog perioda ostala su neriješena **23** predmeta po žalbama prema **28** lica.

U 2018. godini u ovom tužilaštvu zaprimljeno je 13 prijava za koruptivna krivična djela protiv 22 lica. Kada su u pitanju istrage za koruptivna krivična djela, naređeno je 12 istraga protiv 21 lica. U izvještajnom periodu riješene su istrage i to podizanjem optužnice za 12 istraga protiv 23 lica, istraga je obustavljeno u 3 predmeta protiv 7 lica, dok su na drugi način riješene 2 istrage za 3 lica.


Analizom pokazatelja zaprimljenih prijava po pitanju poznatih počinilaca krivičnih djela u Tužilaštvu Brčko distrikta, u izvještajnom periodu, a poređenjem sa 2017. godinom, broj zaprimljenih prijava je veći za 25 predmeta, te više prijava za 66 lica, što je pokazatelj da je broj otkrivenih počinilaca krivičnih djela u blagom porastu u odnosu na prethodnu godinu iz nadležnosti Tužilaštva Brčko distrikta. Nakon provođenja procesnih radnji u fazama prijave i istrage, tužiocima su cijeneći opravdanost vođenja istrage na osnovu dostupnih dokaza, donosili odluke koje su rezultirale naredbama o nesprovođenju ili sprovođenju istrage, naredbama o obustavi ili su podizali optužnice koje su rezultirale sudskim



odlukama, gdje je donesena **251** presuda protiv **286** lica. Od ovog broja doneseno je **239** osuđujućih presuda protiv **284** lica, što je 91,60%, od kojeg broja je zatvorskih kazni za **88** lica, što iznosi 33%, novčanih kazni za **22** lica, odnosno 8%, uslovnih osuda je bilo za **148** lica, što iznosi 57%. Oslobođajućih presuda je doneseno u **11** predmeta za **22** lica.

Stanje kriminaliteta posmatrano kroz procesne odluke iz nadležnosti Tužilaštva Brčko distrikta prikazano je na Grafikonu u nastavku gdje su iskazani podaci o zaprimljenim prijavama, podaci o postupanju po istim, te podaci o riješenim istragama i donesenim presudama, poređenjem izvještajne godine sa 2017. godinom, gdje se može vidjeti kontinuiran rad tužilaca na predmetima s tendencijom povećanja broja riješenih predmeta.

PREGLED PROCESNIH ODLUKA U JAVNOM TUŽILAŠTVU BRČKO DISTRIKTA, POREĐENJE 2017/2018. GODINA



7.5. PREDMETI ZA RAZNA KRIVIČNA DJELA (KTA PREDMETI)

Pored tretiranih predmeta gdje su poznati počinioci krivičnih djela, u ovom poglavlju tretirat ćemo predmete sa oznakom KTA koji se odnose na neodrediva krivična djela ili počinioce, a ukazuju na protivpravnu radnju. Naglašavamo da smo uzeli u obzir sve „KTA“ oznake, računajući i KTA predmete koji se odnose na ratne zločine.

Kada su u pitanju predmeti sa oznakom „KTA“, Tužilaštvo BiH je u izvještajnom periodu imalo u radu **3.074** predmeta ove vrste, od kojeg broja su **1.924** predmeta vezana za ratne zločine. Iz ranijih godina prenesena su **2.304** predmeta, dok je u izvještajnom periodu zaprimljeno **770** predmeta. U 2018. godini, riješeno je **689** predmeta, od čega su **273** predmeta riješena u Odjelu za ratne zločine. Na kraju izvještajnog perioda ostalo je neriješeno **2.385** KTA predmeta, od čega je **1.651** KTA predmet koji se odnosi na ratne zločine.

U kantonalnim tužilaštvima u FBiH, u 2018. godini, ukupno je bilo u radu **20.459** KTA predmeta. U izvještajnoj godini zaprimljeno je **11.500** prijava, dok je iz ranijeg perioda preneseno **8.909** KTA predmeta. Od ukupnog broja predmeta u radu, kantonalna tužilaštva u FBiH riješila su **11.439** KTA predmeta, dok je na kraju izvještajnog perioda ostalo u radu **9.020** KTA predmeta. Federalno tužilaštvo



F BiH je imalo u radu **752** KTA predmeta, ukupno je riješeno **737** KTA predmeta, dok je u radu ostalo **15** predmeta koji su zaprimljeni krajem godine. Od ukupnog broja KTA predmeta u radu, **421** predmet se odnosi na KTA-RZ predmete. U izvještajnom periodu kantonalna tužilaštva FBiH su zaprimila **50** prijava KTA-RZ predmeta, dok je iz prethodnog perioda prenesen **371** predmet. Na kraju izvještajnog perioda riješeno je **75** KTA-RZ predmeta, dok je u radu ostalo **346** predmeta.


U tužilaštvima u RS-u, u 2018. godini ukupno je bilo u radu **8.695** KTA predmeta. U izvještajnoj godini zaprimljene su **5203** prijave, dok su iz ranijeg perioda prenesena **3.492** KTA predmeta. Od ukupnog broja predmeta u radu, tužilaštva u RS-u, riješila su **5.137** KTA predmeta, dok je na kraju izvještajnog perioda ostalo u radu **3.558** predmeta ove vrste. Tužilaštva u RS-u su imala u radu **439** KTA-RZ predmeta, u izvještajnom periodu je zaprimljeno **20** predmeta, dok je iz prethodnog perioda preneseno u rad **419** KTA-RZ predmeta. Na kraju izvještajnog perioda, ukupno je riješeno **65** predmeta, dok su na kraju izvještajnog perioda u radu ostala **374** KTA-RZ predmeta.

Javno tužilaštvo Brčko distrikta je u 2018. godini, ukupno u radu imalo **525** KTA predmeta. U izvještajnoj godini zaprimljeno je **356** prijava, dok je iz ranijeg perioda preneseno **169** KTA predmeta. Od ukupnog broja predmeta u radu, Javno tužilaštvo Brčko distrikta riješilo je **397** predmeta, dok je na kraju izvještajnog perioda ostalo u radu **128** KTA predmeta. Kada su u pitanju KTA-RZ predmeti, u radu su bila **4** predmeta. Na kraju izvještajnog perioda ovo tužilaštvo je riješilo **2** predmeta KTA-RZ oznake, dok su u radu ostala **2** predmeta na kraju izvještajnog perioda.

*Analizom podataka svih tužilaštava u Bosni i Hercegovini, evidentno je da su tužilaštva u BiH opterećena predmetima koji se odnose na razna krivična djela, odnosno zaprimljenim predmetima gdje je neodredivo krivično djelo ili počinilac, a ukazuje na protivpravnu radnju. Tužilaštva u BiH su u izvještajnom periodu imala u radu **33.714** KTA predmeta, iako je u odnosu na prethodnu godinu taj broj umanjen za **1.338** predmeta.*

Rezultati rada na predmetima KTA oznake prikazani su na Grafikonu u nastavku.

PREGLED RADA NA KTA PREDMETIMA U TUŽILAŠTVIMA U BiH ZA 2018. GODINU





7.6. PREDMETI ZA MALOLJETNE POČINIOCE KRIVIČNIH DJELA (KTM PREDMETI)

Ukupnom analizom rada tužilaštava u BiH nisu obrađeni podaci vezani za krivične predmete gdje su počinioci poznata maloljetna lica. Smatramo da je potrebno posebno obraditi ovu vrstu predmeta zbog evidentnog porasta maloljetničkog kriminala u zadnjim godinama. Dajemo u nastavku podatke o maloljetnim počiniocima krivičnih djela, kroz pregled prijava, rada na ovim predmetima i odlukama, tj. rješavanju ovih predmeta i uticanju na suzbijanje ove vrste kriminala.

Kada su u pitanju predmeti u kojima su počinioci maloljetna lica, Tužilaštvo BiH ima znatno manji broj u odnosu na entitetska tužilaštva i Tužilaštvo Brčko distrikta. U izvještajnom periodu Tužilaštvo BiH imalo je u radu **8** predmeta ove vrste protiv **10** maloljetnih lica, dok su u izvještajnom periodu zaprimljena **4** predmeta. U 2018. godini riješena su **3** predmeta. Na kraju izvještajnog perioda ostalo je neriješeno **5** predmeta protiv **6** maloljetnih lica.

U kantonalnim tužilaštvima u FBiH, u 2018. godini ukupno u radu je bilo **470** KTM predmeta protiv **742** maloljetna počinioca krivičnih djela. U izvještajnoj godini zaprimljeno je **378** prijava protiv **579** maloljetnih lica. Od ukupnog broja predmeta u radu protiv maloljetnih lica, kantonalna tužilaštva u FBiH, donijela su **343** odluke o nepokretanju postupka u **230** predmeta (djeca, oportunitet i dr.). Izdato je ukupno **108** prijedloga za izricanje odgojnih mjera, od kojih se svih **108** odnosi na vanzavodske mjere, te **2** prijedloga za izricanje kazni maloljetničkog zatvora. Na kraju izvještajnog perioda ostalo je neriješeno prijave u **68** predmeta i **22** neriješena priprema postupka u **15** predmeta.

Okružna javna tužilaštva u Republici Srpskoj imala su u radu **348** prijave protiv **461** maloljetnika koji u vrijeme pokretanja postupka nije navršio 21 godinu. Od ovog broja iz prethodnog perioda bilo je **97** neriješenih prijave, dok je zaprimljena **251** nova prijava. Od ovog broja doneseno je **169** odluka o nepokretanju postupka. Pripremi postupak vođen je u **104** predmeta, od kojih je **15** iz prethodnog perioda, dok je tokom godine pokrenuto **89** novih pripremi postupaka. Najčešće su protiv maloljetnika predlagane vanzavodske mjere – **76**, zavodskih mjera predloženo je **11**, a postupajući po istim sudovi su izrekli **65** vaspitnih mjera i to: **2** zavodske i **63** vanzavodske. Na kraju izvještajnog perioda ostale su neriješene **102** prijave protiv **136** maloljetnika, dok je ostalo neriješeno **19** pripremi postupaka protiv **19** maloljetnika.

Javno tužilaštvo Brčko distrikta je u izvještajnom periodu imalo **31** predmet protiv **40** maloljetnih počinitelja krivičnih djela, od kojih je **26** prijave u odnosu na **35** lica zaprimljeno u izvještajnoj godini. Od ukupnog broja predmeta u radu protiv maloljetnih izvršilaca, Javno tužilaštvo Brčko distrikta donijelo je 4 odluke o obustavi postupka u 4 predmeta, nepokretanjem postupka (djeca, oportunitet i dr.) riješeno je 12 predmeta za 19 maloljetnih lica, u 5 predmeta prema 6 maloljetnih lica izrečene su vanzavodske mjere, dok je u 4 predmeta prema 5 lica izrečeno policijsko upozorenje. Na kraju izvještajnog perioda, u radu nije ostalo neriješenih predmeta protiv maloljetnih lica.


Analizom podataka svih tužilaštava u Bosni i Hercegovini koji se odnose na maloljetne počinioca krivičnih djela, evidentno je da u radu ima nešto manje od **1000** predmeta iz domena maloljetničke delikvencije, iako je taj broj u blagom opadanju u odnosu na prethodne godine. Svakako, manji broj prijave u odnosu na prethodnu godinu, kada su u pitanju maloljetna lica ne možemo uzeti kao ohrabrenje u smanjenju ovog oblika kriminaliteta na nivou Bosne i Hercegovine.

Zakon o zaštiti i postupanju sa djecom i maloljetnicima u krivičnom postupku u Bosni i Hercegovini uređuje pitanje postupanja prema djeci koja su u sukobu sa zakonom, mlađim punoljetnim licima i djeci koja su žrtve ili svjedoci prema kojima su dužni postupati sudovi, tužilaštva, uključujući ovlaštena službena lica, organe starateljstva, porodice, škole, institucije na svim nivoima društvene zajednice, kao i druge sudionike uključene u krivičnu proceduru na način kojim se bez diskriminacije unapređuje osjećaj dostojanstva i lične vrijednosti djeteta, uzima u obzir uzrast djeteta, najbolji interes



djeteta, njegovo pravo na život, opstanak i razvoj, te omogućava da dijete u skladu sa uzrastom i zrelošću izrazi svoje mišljenje o svim pitanjima koja se na njega odnose, pri čemu sva zalaganja trebaju voditi rehabilitaciji i njegovom preuzimanju konstruktivne uloge u društvu. Suzbijanje kriminaliteta maloljetnika je sistemski, organizovan, planski i koordiniran napor raznih organa, ustanova i službi u čijem je djelokrugu nadležnost i rad sa maloljetnicima, usmjeren na sprečavanje i suzbijanje tih pojava i u tom pravcu se trebaju zalagati institucije na svim nivoima društvene zajednice. Rezultati rada u svim tužilaštvima u BiH na predmetima KTM oznake prikazani su na Grafikonu u nastavku.

PREGLED RADA NA KTM PREDMETIMA U TUŽILAŠTVIMA U BiH ZA 2018. GODINU



7.7. PREDMETI PO NEPOZNATIM POČINIOCIMA KRIVIČNIH DJELA (KTN PREDMETI)

Predmeti gdje postoji osnov sumnje da je izvršeno krivično djelo, ali nisu otkriveni počinioci (nepoznati su počinioci) posebno ćemo obraditi, iz razloga što broj ovih predmeta u tužilaštvima u Bosni i Hercegovini opterećuje rad tužilaštava, a što bi trebalo biti predmet analize. Dajemo u nastavku podatke o predmetima u kojima počinioci nisu otkriveni, kroz pregled prijave, rada na ovim predmetima, tj. rješavanju ovih predmeta i okolnostima kod rješavanja ove vrste predmeta.

Kada su u pitanju predmeti u kojima počinioci krivičnih djela nisu otkriveni, Tužilaštvo BiH je u izvještajnom periodu imalo u radu **1256** predmeta ove vrste, a od ovog broja je **639** predmeta vezano za ratne zločine. Iz ranijih godina su prenesena **943** predmeta, dok je u izvještajnom periodu zaprimljeno **313** predmeta. U 2018. godini, riješen je **391** predmet, od čega je **112** predmeta riješeno u Odjelu za ratne zločine. Na kraju izvještajnog perioda ostala su neriješena **864** predmeta, a **527** predmeta se odnosi na ratne zločine.

U kantonalnim tužilaštvima u FBiH, u 2018. godini, ukupno je bio u radu **104.421** KTN predmet. U izvještajnoj godini zaprimljeno je **9.440** prijave, dok je iz ranijeg perioda prenesen **94.981** KTN predmet. Od ukupnog broja predmeta u radu, kantonalna tužilaštva u FBiH riješila su **6392** KTN predmeta, dok je na kraju izvještajnog perioda ostalo u radu **98.029** KTN predmeta.




U tužilaštvima u RS-u, u 2018. godini ukupno je bilo u radu **36.720** KTN predmeta. U izvještajnoj godini zaprimljeno je **3.088** prijava, dok su iz ranijeg perioda prenesena **33.632** KTN predmeta. Od ukupnog broja predmeta u radu, tužilaštva u RS-u, riješila su **9.681** predmet, dok je na kraju izvještajnog perioda ostalo u radu **27.039** KTN predmeta.

U Javnom tužilaštvu Brčko distrikta u 2018. godini, ukupno je bilo u radu **3.265** KTN predmeta. U izvještajnoj godini zaprimljeno je **520** prijava, dok je iz ranijeg perioda preneseno **2.745** KTN predmeta. Od ukupnog broja predmeta u radu, Javno tužilaštvo Brčko distrikta riješilo je **782** predmeta, dok su na kraju izvještajnog perioda ostala u radu **2.483** KTN predmeta. Javno tužilaštvo Brčko distrikta je imalo u radu **45** predmeta KTN-RZ oznake, s tim da je **41** predmet ove oznake prenesen iz prethodnog perioda. Na kraju izvještajnog perioda ovo tužilaštvo je riješilo **14** predmeta KTN-RZ oznake, dok je u radu ostao **31** predmet na kraju izvještajnog perioda.

Analizom podataka svih tužilaštava u Bosni i Hercegovini, evidentno je da je broj predmeta u kojima počinioci krivičnih djela nisu otkriveni mnogo veći u odnosu na ostale vrste predmeta. U tužilaštvima u Bosni i Hercegovini, u izvještajnom periodu u radu su bila **145.662** KTN predmeta, a riješeno je **17.246** predmeta. Od ovog broja je oko 1000 predmeta koji se odnose na ratne zločine, dok se preostali broj predmeta odnosi na sve ostale vrste krivičnih djela. *Poredeći ovaj podatak sa 2017. godinom kada je u radu bilo 206.160 KTN predmeta, primjetno je intenzivnije rješavanje ove vrste predmeta u odnosu na prethodne godine, a takođe je smanjen priliv ove vrste predmeta. Na osnovu gore navedenih podataka, vidljivo je da su tužilaštva u BiH opterećena ovom vrstom predmeta. Rješavanje ove vrste predmeta, odnosno predmeta po nepoznatom počiniocu, u najvećoj mjeri zavisi od rada policije na otkrivanju izvršilaca krivičnih djela, a znatno manje od angažovanja tužilaca.*

U saradnji sa policijskim agencijama u Bosni i Hercegovini, potrebno je pokrenuti više aktivnosti u cilju suzbijanja svih vrsta kriminala u rješavanju, odnosno razotkrivanju počinitelja krivičnih djela u Bosni i Hercegovini, pogotovo u cilju rješavanja ove vrste predmeta prije nego što nastupi zastarjelost krivičnog gonjenja. Rezultati rada u svim tužilaštvima u BiH na predmetima KTN oznake prikazani su na Grafikonu u nastavku.

PREGLED PREDMETA PO NEPOZNATIM POČINIOCIMA-KTN PREDMETA U TUŽILAŠTVIMA U BiH U 2018. GODINI





7.8. STANJE KRIMINALITETA EVIDENTIRANO KROZ SVA TUŽILAŠTVA U BiH

Stanje kriminaliteta na nivou Bosne i Hercegovine iskazat ćemo kroz sva tužilaštva, a na osnovu podataka dostavljenih u formi izvještaja o radu istih za 2018. godinu. Analizom dostavljenih podataka za svako tužilaštvo pojedinačno, ustanovljeno je da je broj prijavljenih krivičnih djela na nivou Bosne i Hercegovine u opadanju, kada uporedimo podatke podnesenih prijava u 2018. godini, u odnosu na 2017. godinu, gdje je broj podnesenih prijava manji za **890** u odnosu na predmete, i **691** u odnosu na lica.

Dakle, u 2018. godini, kada su u pitanju predmeti za poznate počinioce krivičnih djela, ukupno su zaprimljene **21.782** prijave protiv **31.329** lica, kroz sva tužilaštva u Bosni i Hercegovini, a kako smo već naveli u uvodnom dijelu, ovaj broj je manji u odnosu na prethodni izvještajni period, po osnovu predmeta i lica, za poznate počinioce krivičnih djela, kod predmeta za 4,9%, dok je kod lica priliv smanjen za 9,9%.

U izvještajnom periodu, tužilaštva u Bosni i Hercegovini su pokazala zavidan nivo uspješnosti u postupcima otkrivanja i gonjenja počilaca krivičnih djela, ostvarujući pozitivan trend u donošenju tužilačkih odluka, što je uticalo na rješavanje predmeta u odnosu na poznate počinioce, posmatrano u istim izvještajnim periodima ove i prethodne godine.

Po pitanju presuda, u 2018. godini, nadležni sudovi su donijeli **11.666** osuđujućih presuda protiv **14.066** lica, što iznosi 90% u odnosu na ukupan broj donesenih sudskih odluka, s obzirom da je oslobađajućih presuda doneseno u **762** predmeta za **1089** lica, odnosno 5%, što govori o dobrim procjenama tužilaca u tužilaštvima Bosne i Hercegovine kod donošenja odluka o podizanju optužnica i samom kvalitetu optužnica i drugih odluka.

Ako se osvrnemo na strukturu izrečenih presuda u entitetima, imajući u vidu navedenu strukturu izrečenih sankcija u kojoj je vrlo izražen procenat uslovnih osuda, vrlo je bitno da tužilaštva, u cilju generalne i specijalne prevencije nevršenja krivičnih djela, ulažu veći broj žalbi u pogledu izrečenih uslovnih osuda, u situacijama u kojima to nisu opravdavale zaprijećene kazne, odnosno karakteristike krivičnih djela, a pogotovo u slučajevima ako je izražen povrat u izvršenju krivičnih djela.

Značajno je istaknuti i podatak da su tužiocu u svim tužilaštvima sklopili veći broj sporazuma o priznanju krivice, što svakako predstavlja pozitivan način rješavanja predmeta i to posebno onih krivičnih djela sa blažom zaprijećenom kaznom. Sporazum o priznanju krivice je institut koji omogućava optuženom i tužiocu sporazum o priznanju krivice optuženog za počinjeno krivično djelo.


Predlaganjem i prihvatanjem sporazuma o priznanju krivice, uspijeva se završiti veći broj predmeta, a postignutim sankcijama opravdava se svrha kažnjavanja, znatno smanjuju troškovi postupaka i povećava produktivnost rada tužilaštava i sudova, posebno na nižim tužilaštvima i sudovima koji zbog svoje nadležnosti u radu imaju veći broj predmeta, stoga predlažemo da ovaj vid rješavanja predmeta bude više zastupljen u praksi.

Doprinos uspješnom radu tužilaštava i sudova u BiH svakako je dao i VSTV BiH kroz pravilnike i smjernice koji su uticali na pozitivne trendove u radu ovih institucija u izvještajnoj godini.

Stanje kriminaliteta posmatrano kroz procesne odluke ukupno za sva tužilaštva u Bosni i Hercegovini, kao i poređenje 2016/2017/2018. godine, prikazani su na grafikonima u nastavku, iz kojih se može vidjeti kontinuiran rad tužilaštava u Bosni i Hercegovini na predmetima.




PREGLED PROCESNIH ODLUKA I DONESENIH PRESUDA ZA PREDMETE POZNATIH POČINILACA U SVIM TUŽILAŠTVIMA U 2018. GODINI





PREGLED STANJA KRIMINALITETA U BOSNI I HERCEGOVINI ZA PREDMETE POZNATIH POČINILACA, POREĐENJE 2016/2017/2018. GODINA





8. PRIJEDLOG MJERA I AKTIVNOSTI ZA POBOLJŠANJE RADA U SVIM TUŽILAŠTVIMA U BiH

Tužilaštvo BiH, u cilju stvaranja pretpostavki i uslova za efikasnije vršenje tužilačke dužnosti tužilaca na području cijele Bosne i Hercegovine, daje prijedlog mjera i aktivnosti za naredni period, a predložene mjere i aktivnosti su:

- U cilju popunjavanja sistematizovanih pozicija u tužilaštvima u BiH, kako Tužilaštvu BiH (tužioci, str. saradnici, ostalo stručno i administrativno osoblje), tako i svim tužilaštvima u Bosni i Hercegovini, neophodno je obezbijediti planiranje budžetskih sredstava, čime će se povećati produktivnost rada na svim predmetima iz nadležnosti tužilaštava, podići efikasnost i smanjiti ročnost predmeta, jer su postojeći personalni kapaciteti u tužilaštvima preopterećeni;
- Stvoriti materijalne i tehničke uslove u svim tužilaštvima u Bosni i Hercegovini koji bi osigurali nesmetan i efikasan rad tužilaca, što podrazumijeva jačanje svih vrsta podrške tužilaštvima u osiguranju uslovnih radnih prostora i opreme;
- I dalje kontinuirano vršiti edukaciju i specijalizaciju tužilaca i drugog stručnog osoblja, vezano za primjenu krivičnog zakonodavstva Bosne i Hercegovine, te oblasti međunarodnog prava i pozitivnih praksi primijenjenih u ovoj oblasti, a koje mogu znatno unaprijediti rad tužilaštava u Bosni i Hercegovini;
- Raditi na stalnoj edukaciji ovlaštenih službenih lica, pripadnika svih službi i organa za provođenje zakona u svrhu kvalitetnijeg vođenja istraga, te unapređivati saradnju među svim službama za provođenje zakona u Bosni i Hercegovini;
- Nastaviti postojeću saradnju među tužilaštvima zemalja regiona, u cilju jačanja i uspješnijeg suprotstavljanja svim oblicima kriminala kroz razmjenu informacija i podataka sa ovim tužilaštvima, s posebnim osvrtom na suzbijanje i preveniranje krivičnih djela terorizma i krivičnih djela povezanih sa terorističkim aktivnostima;
- Nastaviti i unapređivati saradnju sa međunarodnim institucijama u BiH, kao i drugim organizacijama i agencijama na međunarodnom nivou, koje su opredijeljene za pružanje pomoći u jačanju pravosuđa u BiH;



ZAKLJUČAK

Vodeći se odredbama Zakona o Tužilaštvu Bosne i Hercegovine (član 13. Zakona o Tužilaštvu Bosne i Hercegovine), vršiteljica dužnosti glavnog tužioca je u okviru svojih nadležnosti sačinila izvještaj o radu Tužilaštva BiH, uključujući i izvještaje ostalih tužilaštava u Bosni i Hercegovini.

Izvještaj, pored uvodnog dijela i osnova za izradu izvještaja sadrži informacije propisane gore navedenim zakonom, i to neriješenim i riješenim predmetima, broju predmeta koji su pristigli u izvještajnoj godini, postupanje po predmetima u izvještajnoj godini i podatke o sudskim odlukama po predmetima koji se vode u Tužilaštvu BiH. Gore navedeni podaci prikazani su statistički, uz adekvatna obrazloženja istih. Izvještaj o radu za 2018. godinu daje podatke o stanju kriminaliteta, prikazano kroz sva tužilaštva u Bosni i Hercegovini, kao i prijedlog mjera za postupanje u suzbijanju i prevenciji kriminaliteta na nivou Bosne i Hercegovine, a u okviru svojih nadležnosti.

U zaključnom dijelu iznijet ćemo prijedloge mjera s ciljem unapređenja rada tužilaštava u Bosni i Hercegovini, poboljšanja zakonske regulative, a sve u cilju kvalitetnijeg rješavanja postojećih predmeta, te prevencije i suzbijanja kriminaliteta:

- *U cilju jačanja tužilačke organizacije u Bosni i Hercegovini kao cjeline, te jačeg povezivanja na hijerarhijskom nivou tužilaštava u Bosni i Hercegovini, stalno raditi na afirmaciji principa subordinacije, supstitucije i devolucije, a radi efikasnog suprotstavljanja u borbi protiv svih oblika kriminala, ali i svih vidova uticaja na nezavisnost i samostalnost tužilaštava u Bosni i Hercegovini;*
- *Raditi na unapređenju saradnje sa izvršnim i zakonodavnim organima vlasti u smislu blagovremenog informisanja istih o provođenju zakona Bosne i Hercegovine, Federacije BiH, RS-a i Brčko distrikta, posebno u situacijama kada Tužilaštvo BiH dođe do saznanja da pojedina rješenja pogoduju nastanku novih pojavnih oblika kriminaliteta, kako bi se mogle preduzeti mjere da se izmjenama tih zakonskih rješenja uspostavi konzistentan sistem zaštite državnih vrijednosti, prava i sloboda građana.*
- *Nastaviti sa razvijanjem i jačanjem saradnje sa međunarodnim institucijama, a posebno sa institucijama u okruženju, na uspostavljanju jače saradnje u pogledu pravovremene razmjene podataka, u cilju procesuiranja postojećih, te sprečavanja i suzbijanja novih krivičnih djela terorizma i krivičnih djela povezanih sa terorističkim aktivnostima.*

U 2018. godini Tužilaštvo Bosne i Hercegovine je ostvarilo normu od **132,83%**, dok kvalitet tužilačkih odluka, kada su u pitanju optužnice u izvještajnom periodu iznosi **92,57%**, a kvalitet tužilačkih odluka, kada su u pitanju naredbe o nesprovođenju i obustavljanju istraga iznosi **99,56%**. Tužilaštvo Bosne i Hercegovine će pojačati napore u borbi protiv svih krivičnih djela iz svoje nadležnosti, a posebno protiv organizovanog kriminala, korupcije, privrednog kriminala, terorizma i procesuiranja predmeta ratnih zločina.

U interesu vladavine prava i sigurnosti svih građana naše zemlje, potrebna je veća i odlučnija saradnja svih institucija u okviru svojih nadležnosti, te podrška tužilaštvima u BiH, kako institucionalna podrška, tako i materijalna i finansijska podrška koja je potrebna za rad tužilaštava u BiH u ispunjenju postavljenih ciljeva i zadataka.



POPIS ŠEMA, TABELA I GRAFIKONA

ŠEME

ŠEMA BROJ 1. ORGANIZACIJA TUŽILAŠTVA BiH	7
ŠEMA BROJ 2. ORGANIZACIJA POSEBNOG ODJELA ZA RATNE ZLOČINE	8
ŠEMA BROJ 3. ORGANIZACIJA POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU.....	9
ŠEMA BROJ 4. ORGANIZACIJA ODJELA III	10

TABELE

PODACI O PRIJAVAMA ISKAZANI PO PREDMETIMA I LICIMA ZA IZVJEŠTAJNI PERIOD 01.01. - 31.12.2018.	12
PODACI O ISTRAGAMA ISKAZANI PO PREDMETIMA I LICIMA ZA IZVJEŠTAJNI PERIOD 01.01. - 31.12.2018.	13
VRSTE PROCESNIH ODLUKA U KT PREDMETIMA ZA IZVJEŠTAJNI PERIOD 01.01. - 31.12.2018.	13
PODACI O PODIGNUTIM OPTUŽNICAMA ZA IZVJEŠTAJNI PERIOD 01.01. - 31.12.2018.....	14
PODACI O VRSTAMA SUDSKIH ODLUKA ISKAZANI PO PREDMETIMA/LICIMA U 2018. GODINI.....	15
PODACI O KTA, KTARZ, KTN I KTNRZ PREDMETIMA ZA IZVJEŠTAJNI PERIOD 01.01. - 31.12.2018.	16
PODACI O PRIJAVAMA U IZVJEŠTAJNOM PERIODU ZA KT-RZ PREDMETE.....	18
PODACI O RJEŠAVANJU PRIJAVA ODJELA I ZA PERIOD OD 2003. DO 2018. GODINE	18
PODACI O ISTRAGAMA U IZVJEŠTAJNOM PERIODU ZA KT-RZ PREDMETE	18
PODACI O RJEŠAVANJU ISTRAGA ODJELA I ZA PERIOD OD 2003. DO 2018. GODINE	19
STRUKTURA KRIVIČNIH DJELA ZA PODIGNUTE OPTUŽNICE U ODJELU I U 2018. GODINI.....	20
PODACI O PREDMETIMA KTA-RZ, KTN-RZ I KTPOM U 2018. GODINI.....	20
PODACI O PREDMETIMA KTA-E-RZ U 2018. GODINI	21
PREGLED USVOJENIH PRIJEDLOGA U ODJELU I ZA PRENOS I VOĐENJE POSTUPKA NA DRUGA TUŽILAŠTVA/SUDOVE U BIH TOKOM 2018. GODINE	24
PREGLED UKUPNO USVOJENIH PRENESENIH VOĐENJA POSTUPKA NA DRUGA TUŽILAŠTVA U BIH	25
PODACI O PRIJAVAMA U IZVJEŠTAJNOM PERIODU ZA KT PREDMETE ODJELA II.....	28
PODACI O RJEŠAVANJU PRIJAVA ODJELA II ZA PERIOD OD 2003. DO 2018. GODINE	28
PODACI O ISTRAGAMA U IZVJEŠTAJNOM PERIODU ZA KT PREDMETE ODJELA II	28
PODACI O RJEŠAVANJU ISTRAGA ODJELA II ZA PERIOD OD 2003. DO 2018. GODINE	29
STRUKTURA KRIVIČNIH DJELA ZA PODIGNUTE OPTUŽNICE U ODJELU II U 2018. GODINI.....	30
PODACI O KTA, KTN, KTPOM I KTM PREDMETIMA U 2018. GODINI	31
PODACI O PRIJAVAMA U IZVJEŠTAJNOM PERIODU ZA KT PREDMETE ODJELA III.....	33
PODACI O RJEŠAVANJU PRIJAVA ODJELA III ZA PERIOD OD 2003. DO 2018. GODINE	33
PODACI O ISTRAGAMA U IZVJEŠTAJNOM PERIODU ZA KT PREDMETE ODJELA III	34
STRUKTURA KRIVIČNIH DJELA ZA PODIGNUTE OPTUŽNICE U ODJELU III U 2018. GODINI.....	35
PODACI O KTA, KTN, KTPOM/KTEKS I KTM PREDMETIMA U 2018. GODINI.....	37
PODACI O PRIJAVAMA ZA PREDMETE KORUPCIJE U 2018. GODINI	38
PODACI O ISTRAGAMA ZA PREDMETE KORUPCIJE U 2018. GODINI	38
PODACI O PRIJAVAMA ZA PREDMETE ORGANIZOVANOG KRIMINALA U 2018. GODINI	39
PODACI O ISTRAGAMA ZA PREDMETE ORGANIZOVANOG KRIMINALA U 2018. GODINI.....	40



PODACI O PRIJAVAMA ZA PREDMETE TERORIZMA U 2018. GODINI	42
PODACI O ISTRAGAMA ZA PREDMETE TERORIZMA U 2018. GODINI.....	42
PREGLED RJEŠAVANJA PREDMETA ZA KRIVIČNA DJELA TRGOVINE LJUDIMA I ORGANIZOVANE ILEGALNE IMIGRACIJE U 2018. GODINI.....	43
PREGLED REZULTATA RADA PO KT PREDMETIMA U TUŽILAŠTVIMA U REPUBLICI SRPSKOJ U 2018. GODINI.....	62

GRAFIKONI

PREGLED OSTVARENE NORME TUŽILAŠTVA BiH PO ODJELIMA U 2018. GODINI	11
PREGLED PODIGNUTIH OPTUŽNICA, POREĐENJE 2016/2017/2018. GODINA.....	14
PREGLED PODIGNUTIH OPTUŽNICA KT-RZ PREDMETA, POREĐENJE 2017/2018. GODINA	19
PREGLED ZAPRIMLJENIH I RIJEŠENIH PREDMETA KTA-RZ, KTN-RZ I KTPOM U 2018. GODINI.....	21
PODACI O PODIGNUTIM OPTUŽNICAMA U ODJELU II, POREĐENJE 2017/2018. GODINA	29
PREGLED PODIGNUTIH OPTUŽNICA U ODJELU III, 2017/2018. GODINA.....	34
PREGLED RJEŠAVANJA PRITUŽBI NA ODLUKE TUŽILACA U 2018. GODINI	45
PREGLED PROCESNIH ODLUKA U TUŽILAŠTVU BiH, POREĐENJE 2017/2018. GODINA	58
PREGLED REZULTATA RADA PO KT PREDMETIMA U KANTONALNIM TUŽILAŠTVIMA FBiH U 2018. GODINI.....	60
PREGLED PROCESNIH ODLUKA U KANTONALNIM TUŽILAŠTVIMA FBiH, POREĐENJE 2017/2018. GODINA	60
PREGLED PROCESNIH ODLUKA U REPUBLICI SRPSKOJ, POREĐENJE 2017/2018. GODINA	62
PREGLED PROCESNIH ODLUKA U JAVNOM TUŽILAŠTVU BRČKO DISTRIKTA, POREĐENJE 2017/2018. GODINA	64
PREGLED RADA NA KTA PREDMETIMA U TUŽILAŠTVIMA U BiH ZA 2018. GODINU.....	65
PREGLED RADA NA KTM PREDMETIMA U TUŽILAŠTVIMA U BiH ZA 2018. GODINU	67
PREGLED PREDMETA PO NEPOZNATIM POČINIOCIMA-KTN PREDMETA U TUŽILAŠTVIMA U BiH U 2018. GODINI.....	68
PREGLED PROCESNIH ODLUKA I DONESENIH PRESUDA ZA PREDMETE POZNATIH POČINILACA U SVIM TUŽILAŠTVIMA U 2018. GODINI	70
PREGLED STANJA KRIMINALITETA U BOSNI I HERCEGOVINI ZA PREDMETE POZNATIH POČINILACA, POREĐENJE 2016/2017/2018. GODINA.....	71